


Profet Yonab Budi /  
Dora Nama Lukde  
Feiaga



Sop: Profet Yonab Budi / Dora Nama Lukde Feiaga (Portions)

**Profet Yonab Budi / Dora Nama Lukde Feiaga  
Sop: Profet Yonab Budi / Dora Nama Lukde Feiaga (Portions)  
Jona na Luk long tokples Sob long Niugini Sop: Profet Yonab  
Budi / Dora Nama Lukde Feiaga**

copyright © 2007, 2015 Pioneer Bible Translators

Language: Sob Dora (Sop)

Contributor: Pioneer Bible Translators

This Scripture is being provided by Pioneer Bible Translators. For more information see [pioneer-bible.org](http://pioneer-bible.org)

Jonah © Pioneer Bible Translators Association of Papua New Guinea 2007;

Luke © Pioneer Bible Translators Association of Papua New Guinea, Inc. 2015; ©  
Pioneer Bible Translators of Dallas, Texas, USA 2015

This translation is made available to you under the terms of the Creative Commons Attribution-No  
Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the  
Scriptures.

Pictures included with Scriptures and other documents on this site are licensed just for use with those  
Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 22 Feb 2024 from source files dated 29 Jan 2022

528592ab-ca81-52c3-88f6-3e127478ba21

## Contents

Yona . . . . .	1
LUK . . . . .	4

## Profet Yonab Budi Dora agfereaga

Yonab budi nu idau, profet gürewarüb budi sikege. Profet Yona nu dora yamai pitayarge. Kene. Yona dabadaba geaga babaure budi dora mangeaga, baba tugu Yona kabiageaga tugu idau namage.

Keriaab Yona waudi na kümüna Niniwe fib ere gammab ferefinabur, kob pируwerge gam, dora pitaid wanüge. Bangeaga ko, Yona Keriaab Yawe ureadi guwaureaga. Bangarbere, Keriaab Yawede did maigabereaga, baba sese gam Yona kümüna Niniwewar gam kiardora pitaid wangeaga. Kob pируwer kegengeaga ko, Keriaab Yawe kogi fürüngeregarge baba, nu sibam, bangar nu kob kogi gam büreaga. Bangar Keriaab Yawe nirarab tugu korarabüb kabiaure Yona sarigaburuweaga.

Yuda ferefinabur güregüre Keriaab Yawe nin gürena kob düngüdi, ferefinabur gürewar kob dungafaigarge güdi banüm utungafaigen. Budi meme, Keriaab Yawe kümdim gammab ferefinabur gürenakuti kob düngeaga, baba idadau abtarüngübüregeaga. Funai güre Keriaab Yawede Isrearwar düngeaga, baba funai, ferefinabur gürewar nuge gam igaingüdi ogurebüregeaga.

### **Yona guweaga ko, Keriaab Yawede did maigabereaga**

(Boro 1—2)

#### *Yona guweaga*

<sup>1</sup> Keriaab Yaweb dora Amitaib nono Yona gam ogureaga. <sup>2</sup> Nu menüm wageaga, "Na siradibe Niniwe fib erekokai gam kümüne. Na kümnbabe ferefinabur dora sogi dünige. Ye kegeafotun nin kabia kogi fanam gedge." <sup>3</sup> Bangeaga ko, Yona Keriaab Yawe ebügadid gudi, fib Tarsis kümnebüregeaga. Bana nu siradid fib Yopa gen baba gam kümneaga. Bangüdi nu oude ere güre, fib Tarsis kümne büregeaga baba kaiweaga. Nu oude ere murugafütüdi oude ere taugeg ferewar kiab kekia ebeden. Nu Keriaab Yawe ebügadid gudi kümne büregeaga.

<sup>4</sup> Bangeaga ko, Keriaab Yawede kübür sogi sugurwar masyag gam taideaga. Bangar kübür tugu yag tugu sogi taideaga, bangar oude ere koigebüregeaga. <sup>5</sup> Oude ere taugegwar nin kimigen, bangar gürenakuti gürenagürena nugengab dugtaba yagwen. Nin oude ere kubweg urwen, bangarbere dabadaba düd masyag gam fotutugen. Bangeaga ko, Yona nu oude ere gadi gam egimena kanüdi kinbüreaga.

<sup>6</sup> Bangar oude ere debetaweg fere nu oguradi Yona menüm waweaga, "Amure na kinin? Na siradibe nagüb dugtaba yaguwe. Nu sigeure korarabuwär sagsigarbere kumeregüdargedag." <sup>7</sup> Bangarbere oude ere taugeg ferewar siradid doragen, "Bana aimag fürüdie kub meme kogifursigebüregeaga baba fere sige sibamgag." Nin bangen babade Yonab yanim taideaga. <sup>8</sup> Bangar dora menüm wawen, "Na kub meme sige gam taideaga baba ginim wasige. Na meag am gün? Iyo! Na aragüb? Na am gingamnab?"

<sup>9-10</sup> Bangarbere Yona maig menüm wangeaga, "Ye Ibrub, bangar ye Keriaab Yawe gam kunube iruwaigün, nu fib namagamnab Keriaab. Nude masyag, kümdim tugu idawega." Bangarbere Yona nu oude ere taugeg ferewar menüm wangeaga, "Ye Keriaab ureadi gun." Nin dora baba edid kimgen. "Na am daba gün?" Nin sibamgafotuwen, Yona Keriaab Yawëre guweaga, wangafotuweaganwai babaure.

<sup>11</sup> Kübür tugu masyag tugu sogi siradeaga. Bangarbere oude ere taugegwar Yona menüm totowen, "Sin nag gam am bangüdarbère, masyag kumar sin nama büreregenan?" <sup>12</sup> Bana Yona maig menüm wangeaga, "Nin ye dibe masyag nigumo fotyare masyag kumeregeaga. Ye sibam, masyag erekokai nin gam taideaga baba ige ginim."

<sup>13</sup> Bangeaga ko, oude ere taugeg ferewar nin oude ere did merai kumnebüregen, bangar nin oude sogi oren. Bangen ko, masyag sogi ferar, nin udi gam taidegi dirugungeaga. <sup>14</sup> Bangar nin Keriaab Yawe menüm yagwen, "Keriaab Yawe, sin nagure sibdibwenan. Bana sin fere meme masyag nigumo fotugar, bana nag sin eusigab kumubugona. Fere gürede fere güre orfotuwar, nag fere baba doragam ifrugawaigün baba sike, sin daka dora gam difrusigegen. Keriaab Yawe nagüb ututun gürena daiudi meme kub taideaga." <sup>15</sup> Bana Yona kuadüdi masyag gam fotwen, bangar masyag kumeaga. <sup>16</sup> Oude ere taugeg ferewar Keriaab Yawëre erekokai kimgüdi, Keriaab Yawe keab bai früdi kob gürena iferen.

<sup>17</sup> Bana Keriaab Yawede Wade güre erekokai sugurwar Yona enweaga. Bangar Yona nu sida küi, gitweg küi Wadeb sibim gam büreaga.

**2***Yona Keriab Yaweüre sibdibudi esegeaga*

<sup>1</sup> Yona nu wadeb sibim gam bürüdi, Keriab Yawe nugeabüre sibdibweaga. <sup>2</sup> Nu menüm wageaga, "Keriab Yawe, ye kub kemein, bangar ye nagure yagün, baba na yeb ig edün. Ye kumeg ferengab fib gam bürüdi nagure mürün, nag yeh mereb edün. <sup>3</sup> Nagüde ye fotuyab masyag minigo musun, masyagüde gürenakuti koratauyaga. Na bangab masyag ye kekia binaweaga. <sup>4</sup> Ye menüm wagün, 'Nag ye kudeiafotun ko, ye fata nagüb maig kegeweregün.' <sup>5</sup> Masyag ye kekia binaud koratauyar, suka nanagün. Bangar masyagüde gürenakuti koratauyaga. Masyag gammab yabonde yeb taba dariweaga. <sup>6</sup> Ye masyag nigmob girtorub gürenakutib ginim gam kanün. Ye fib meme kakia gam bürüün. Bangeaga ko, na igeab Keriab Yawe na maig ye igain. Ye fib kakia baba ebügadidi mugar omo bürüün. <sup>7</sup> Keriab Yawe, ye utungün ba, kumebüregün, bangar ye nagure utungün. Yeb sibdib meme nagüb fata gam taideaga. <sup>8</sup> Ferefínabur dugtaba nugengab gam kunube iruwawaigen baba, nag ebügaden bangar na nirarangawaigabge. <sup>9</sup> Ye nagure mun orudi nagüb yanım sirargabere büregün, bangüdi nagkre bai ferebüregün. Dababada gürenakuti ye nagkre kob gürena iferebüregün baba ye bangeregün. Keriab Yawe, nag gürena sin maig kiresigawaigün, bangarbere sin omo burwaigenan." <sup>10</sup> Bana Keriab Yawede wade wawarbere, kümüna Yona udi gam nifotuweaga.

**Yona Keriab Yaweb dora Ninibewar sabüngeaga****3***(Boro 3—4)**Yona Niniwe kümneaga*

<sup>1</sup> Keriab Yaweb dora maig Yona gam ogureaga. <sup>2</sup> Nu menüm waweaga, "Na siradibe Niniwe fib ere gen baba gam kümne. Kümüna fib ere gam taidabye dora dünür ferefínabur pitaid wanüge."

<sup>3</sup> Bangar Yona Keriab Yaweb sube daiud siradüdi Niniwe kümüneaga. Niniwe nu fib erekokayau. Bana fere güre nu meirade kümüna fib ere baira taidebureba, dü küü kenegarbere taideregeaga. <sup>4</sup> Yona nu urigeg toadid kümüna fib ere gam iruveaga. Nub urigeg dü gürengüne kenegarbere, ferefínabur gam sogi yagüdire mengeaga, "Dogob tug bede fogo (40) dü kuri kenegarbere, Niniwe gürenakuti koigeregeaga." <sup>5</sup> Niniwe ferefínabur nin Keriabiü doraure kob kainanagen, bangüdi nin menüm wagen, "Sin daba kudigüb. Sige eregeam ferefínabur tugu ugu ferewar tugu, sige gürenakuti korarabü marsasai tugu kar tugu dagüdi korarab sigeab utungub." Nin bangen babade nugengab dora daiwen.

<sup>6</sup> Niniweb erekokayau nu dora baba edidire, nugeab gotogeg kur nama baba ebügadeaga. Bangar nugeab karün nama baba düfotudi korarabü marsasai dagdüdi kegob gam gotogeaga. <sup>7</sup> Bangar Niniweb erekokayau nugeab ferefínabur gam dora surugweaga. Nu menüm dorageaga, "Meme dora igeab taba ferewar kiabungab. Nin gürenakuti daba kudigane. Ninag ferefínabur, ninagüngab burmakau sipsip tuguna gürenakuti daba yag nagana. <sup>8</sup> Nin gürenakuti korarabü marsasai, kar dagübenar ninagüb burmakau, sipsip tuguna dabababa baba nümnana dagbüringane. Nin bangüdi Keriabiü sogi sibdibwane. Nin kabia kokogi ebügafotuwane. Ferefínabur kogi fürüngawaigenan baba gürenakuti ebügafotuwane. <sup>9</sup> Sige bangüdarba Keriab nu ututun piruebeagadag, bangar nunur ebügadar, sige kumeregüdige."

<sup>10</sup> Bana nugengab kabia kokogi baba ebügaden, bangar Keriab kabia gen baba kegeweaga. Keriab ututun nugeab pirusabürüdi, kabia kogi gebüre dorageaga baba garge.

**4***Keriab Yawe niraragar Yona magiraweaga*

<sup>1</sup> Yona Keriabiü kabia baba kegeudire, kob koigarbere nu magiraweaga. <sup>2</sup> Bangar nu Keriab Yaweüre menüm sibdibweaga, "Keriab Yawe, na yeb dora ede. Ye igeab fib ara ebügadibe gam, nag bangebüregün baba, ye sibamgafotun. Bangar ye gudi Tarsis kümünebüregün. Ye sibam, Keriab nag korarabtuka na niraratuka. Na pirika magiranawaigarge. Kene. Na sinure bata korarabsigawaigün. Na ututun nagüb pirusafaigün, bangüdi ferefínabur menmen gen ko, kogi fürüngawaigabge. <sup>3</sup> Bana Keriab Yawe, mugar yeb etob kenegafotuve. Ye kumurba, baba nama. Ye kumurgegarba, baba namage." <sup>4</sup> Bana Keriab Yawe maig menüm waweaga, "Yona, nab nunur baba namagünde?"

<sup>5</sup> Bana Yona fib ere ebügadüdi, kümüna sidamoweg yau gotogeaga. Nu yanafata fürüdid, baba gam gotogüdi büreaga. Nu fib ere gam amdag daba taideregeaga baba kegewebüregeaga. <sup>6</sup> Keriab Yawe dugumob muri güre taidügaberar Yona iwagaferar, sidade mube nub gagweregarge, bangar nu namafanam bürreregeaga. Bangar Yona muri babaure ebebearweaga. <sup>7</sup> Bangeaga ko, kiarige fitunana Keriabde sam güre sugurwar, ogura muri baba koigaberar muri baba genangeaga. <sup>8</sup> Bana kuri sida taidarbere, Keriabde kübüür sida gag tug sugurwar sidamoweg yau ogureaga. Bangar sidade Yonab taba fugüwarbere ege agüdikuaniniwar fürügaduebüregeaga. Bana Yona menüm utungeaga, "Ye kumurba, ba nama. Ye kumurgegarba, ba namage."

<sup>9</sup> Bangar Keriab Yona menüm waweaga, "Na muri meme kumarbere na nunurgün. Nab nunur baba namagünde?" Bangar Yona dora maig menüm waweaga, "Iyo, yeb nunur ba nama. Ye magira erekokai siyarbere kumeg utundün." <sup>10</sup> Bangar Keriab Yawe menüm nu waweaga, "Gitweg gürena gam muri meme foudi erekokaigeaga, gitweg güre gam nu maig kumeaga. Nure na funai fanam dabge, nadé nu idawab foudi erekokaigarge. Bangeaga ko, na daba fanamere babaure korarabneaga. <sup>11</sup> Ige Niniweure korarabyaga. Fib baba nu erekokai, ferefinabur mabünge, baba ferefinabur kabia nama tugu kogi tugu nin sibamgedge, yanim ninib 120,000 emegeerdeaga. Bana burmakau tugu mabünge."

## Dora Nama Lukde Feiaga Dora agfereaga

Sige dora nama Lukde feiaga baba kegewenan baba, Jisas nu Israel ferewar tugu eib ferewar tugu igaingegi fere. Jisas nugeab funai siradgaberegi sese gam, ferefinabur menüm wangeaga, Jisasde kogiwab ferewar gam Keriabüb dora nama pitoiebüregar, Etob Kedebüde nugeab kob siradgabereaga (Luk 4.18 baba kegewane). Baba kürüna kainana, budi meme gam, ferefinabur kub adab adab kemegigirawedi, Jisas nugede ferefinaburure kororabgüdi nini gam nama kabia geaga babaure, Lukde epürafanam dora mangarge.

Jisas nugede kabia kabia geaga babade gar, Jisas nugeab gin nugeure kürüna ebebearwegin. Mariade Jisas sinoyeaga sese gam, ferefinabur ebebearwegin (1.42-48 baba gam tugu 2.10 baba gam tugu kegewane), boro kenegegi gamba, Jisas nuge fib nama gam komeaga sese gam nini namana ebebearwegin (24.52 baba kegewane).

Jisas nugeab büregi kabia kabia baba, Lukde gürena doramangeaga. Baba kabia kabiab doraman baba, budi gürekoi gam bürage. Jisas kübüdim gam taideaga sese gam, daba daba tataigeaga baba, Lukde gürena daba daba epürafanamure doramangeaga. Samaria ferede, fere güre erekobo gam darab dar kegeudi saguweaga babab komina dora, Jisasde pitoiaga baba, Lukde gürena feiaga. Baba tugu nono eme ebgadüdi uguna uguna urikasaweaga babab komina dora tugu, Jisasüb komina dora güre güre tugu Lukde gürena feiaga. Sakius, fere kegeam düfaigeaga baba fere gam kabia taideaga babab doraman tugu Lukde gürena feiaga.

Daba güre güreure tugu, Luk nu dora epürage tugu, güre baba sogsogi sibdibwegib kabiare tugu dorageaga, Etob Kedebüb saruaure tugu dorageaga, Keriabüde ferefinaburüngab menmen unaigegi kabiare tugu dorageaga. Baba tugu finaburde kabia kabia gen babaure tugu dorageaga, Luk nu dora epürage tugu.

Luküb dora baba budi meme gam gürena kenegarge. Kene. Sige dora turewegi-warüngab funaigüdi yanbafaigena baba budi, Lukde gürena feiaga. Baba budi, Jisas kekia fib nama gam komeaga sese gam, dora turewegiwarde kabiagegin babaure doramangeaga.

### *Lukde doraman meme Tiofilusure feiaga*

<sup>1</sup>Eregeam Tiofilus, na ede. Egime Keriabüde daba daba gürenakuti sin kodigo taiberar taideaga babaure, fere epürade nugengab kube fururugüdi doraman feien. <sup>2</sup>Ferewar nugengab egede daba daba omogamnana tataigar kegewenwaib, baba ferewarüngab dora daiwen. Baba ferewar Keriabüb dorab saina ferewar sibe bürüdi, doraman baba, wasigen. <sup>3</sup>Bangar ye tugu, doraman meme feiebüregün, bangüdi na gam sugurur ogureregeaga. Ye baba daba daba gürenakutu ginimure egimenana funaiudi idadau totogünwaib. Mügar ye baba daba daba tataigen baba sibenana surur fein. <sup>4</sup>Dora sarigabürünen baba, baba gürenakuti kainana. Na ninaidiba, idadau sibamgeregün.

### **Elisabet Jon Yag Fidegib sinoyeaga Maria Jisas sinoyeaga babab doraman**

(Sapta 1.5—2.52)

#### *Keriabüb dora dugurewegi ferede Sekaraia menüm waweaga, Jon taideregeaga*

<sup>5</sup>Herot Judiawarüngab erekokayau büreaga sese gam Keriabüb kobegegi fere güre büreaga, yanim nub Sekaraia. Nu Abiyab gingamnab, Keriabüb kobegegi fere. Nub fia Aronüb gingamnab, finegeb yanim baba Elisabet. <sup>6</sup>Nugeküre Keriabüb ege gam idadau büren. Bangar nugeküre Erekokaib kabia gürenakuti tugu dora gürenakuti tugu daiwafaiagen, bangar nugeküre ege nub gam menmen kene büren. <sup>7</sup>Bangeagako, nugeküre mogoi kene, amure, Elisabet nu kedemai. Bangar nugeküre goyam abüdigen.

<sup>8</sup>Sese güre gam Sekaraiah gin, Keriabüb fata gam kobegebüre kümünen, bangar Sekaraia tugu Keriabüb ege gam kobe funaiweaga. <sup>9</sup>Bangar nini Erekokaib kobegegi fere wonide, kumaub bai kebur kuri nama tugu ferebeaga, baba fere fitawebüre ai magi epürawen. Bangar nini baba epüra gamde Sekaraia kaiwen, bangar nu bai ferebüre iruweaga. <sup>10</sup>Baba bai fereg sese gam, ferefinabur epüra kedeb fata obgoime gurudi bürüdi sibdibwa büren. <sup>11</sup>Bana bangar Erekokai Keriabüb dora dugurewegi

fere güre Sekaraia gam taideaga. Bangüdi kumaub kebur kuri nama tugub, bai feregib kurub cube namayau biboudi büreaga.<sup>12</sup> Sekaraia Keriabüb dora dugurewegi fere kegeudi, tergüdi kimigeaga.<sup>13</sup> Bangeagako, Keriabüb dora dugurewegi ferede menüm waweaga, "Sekaraia, na kimigegen. Keriab nab sibdib edfotuveaga. Fian Elisabet nono sinoyeregeaga. Bangar na nub yanim Jon yanübaue.<sup>14</sup> Bangar nab kob nama bürar nag ebebearweregün. Bangar ferefinabur epüra nono baba taidegi gam ebebearweregén.<sup>15</sup> Amure, nu Erekokaib ege gam yanim erekokai deregeaga. Nu wain mum, kida yag tugu neregarge. Nu anab sibim gam büreaga baba sese gam, Etob Kedebüde korobaweaga.<sup>16</sup> Nude bangar Israel ferefinabur epüra kob pirudi, nugengab Erekokai Keriab gam kümüneregen.<sup>17</sup> Nu Elaijab kabia tugu, soğtugu düdi, nuge kese agfürüdi kümüneregen, bangarie Erekokai kuri daiwerekeregeaga. Nude emnügenma tugu mogoitoi tugu kob gürena gam difürüngeregeaga. Bangüdi dora biregawaigen baba ferewarüngab ututun idabererekeregeaga, bangar fere namab ututun sibe büreregen. Bangar ferewar ekotagaberar, Erekokai ogurerekeregeaga baba, momoudi büreregen."

<sup>18</sup> Bangar Sekaraia Keriabüb dora dugurewegi fere menüm waweaga, "Ye aranüm nab dora baba kainanagüdi sibamgüi? Ye goyamügafotün, fiai tugu nu abüdigeaga."

<sup>19</sup> Bangar Keriabüb dora dugurewegi ferede dora menüm toteaga, "Ye Gebriel, ye Keriabüb ege gam bibougafäigün. Keriab nugegede suguryar ye wanebüre oguran. Bangar dora nama fanam meme dünebüre na gam oguran.<sup>20</sup> Bana ede. Na yeb dora kob kainanagabge babaure, mügar nab sube güütigar dorageregabge, kümüna baba daba daba gürenakutai taifotuwarie. Dora yeb meme nugeab sese gamie taidererekeregeaga."

<sup>21</sup> Kedeb fata gam amdag daba taidar, Sekaraia bata büreaga. Bangar ferefinabur dagodaiudi, ututun toitoiudi büren.<sup>22</sup> Bangar kuri füraboudi, nini gam doragegi dirugweaga. Bangar nini sibamgen, Keriabüb fatagoime daba aranümdag kegeweaga. Nugeab kube gamde gürena nini keab dorageaga. Amure, nugeab sube baba güütüweaga.<sup>23</sup> Kuri, Sekaraia nugeab funaiwegi sese kenegarbere, nugeab fib gam maigüdi kümüneaga.<sup>24</sup> Bangar kuri fia Elisabet mube kub tugu gar, edina taba tugu iwagüdi büreaga. Elisabet menüm wageaga,<sup>25</sup> "Egime ye mogoi kene gar maiagün. Bangeagako, Erekokai ye nirarayeaga. Babaure, mügar ye mube kub tugu, bangar babade yeb maia, ferefinaburüngab ege gam kenegafotuwerekeregeaga."

#### *Keriabüb dora dugurewegi ferede Maria menüm waweaga Jisas taidererekeregeaga*

<sup>26</sup> Elisabet mube kub tugub edina kubete gam, Keriabüde nugeab dora dugurewegi fere Gebriel sugerwar, Nasaret kümüneaga. Nasaret nu Galili distrik büreaga.<sup>27</sup> Momugo güre Devitüb gingamnab fere güre debüre dora idafotuwenwaib baba gam kümüneaga, yanim nub Josep. Momugo babab yanim Maria.<sup>28</sup> Bana Gebriel nu gam kümündi menüm waweaga, "Momugo, na büründe? Erekokai naküre bürüdü, unun dündüti tauneaga."<sup>29</sup> Maria dora baba edüdi, tergüdi menüm utungeaga, "Dora meme aranüm?"

<sup>30</sup> Bangar Keriabüb dora dugurewegi ferede menüm waweaga, "Maria, na kimigegen. Keriab nu kob düneaga.<sup>31</sup> Ede. Na mube kub kaiudi nono güre sinoyeregegen. Bangar nub yanim Jisas yanübaue.<sup>32</sup> Nu eregeam bürerekeregeaga. Bangar Keriab Kekia Asaub Nono güdi yanübwerekeregen. Bangar Erekokai Keriabüde, oyebeb Devit sibe erekokayau dipererekeregeaga.<sup>33</sup> Nu Jekopüb gin toib erekokayau tüpür bürerekeregeaga. Bangar nub koroba baba, kenegerekeregeaga."

<sup>34</sup> Bangar Mariade Keriabüb dora dugurewegi fere menüm totoweaga, "Baba daba aranüm taidebeaga? Ye fere güre küre kinürge."

<sup>35</sup> Bangar Keriabüb dora dugurewegi ferede dora nub menüm toteaga, "Etob Kedeb na gam ogurerekeregeaga, bangar Keriab Kekia Asaub sogide korobanerekeregeaga. Bangar kuri nono sinoyeregegen, baba, nu Keriabüb fere nama, idadau bürar, Keriabüb Nonogüdi yanübwerekeregen.

<sup>36</sup> "Ede. Anin fanam Elisabet abüdigfotuveagako, nu mube kub tugu gar nono sinoyerekeregeaga. Egime mogoi sinoyaafaigargegenko, mügar nu mube kub tugu, edina nub kubete tugu kenegeaga.<sup>37</sup> Am daba güre Keriabüde gegi dirugwerekeregeaga."

<sup>38</sup> Bangar Mariade menüm wageaga, "Edün. Ye Erekokaib sarua finege. Nu ye gam nag wagün sibe gerekeregeaga." Bangar Keriabüb dora dugurewegi fere nu uriaudi kümüneaga.

*Maria kümüna Elisabet kegeweaga*

<sup>39</sup> Baba sese gam Maria pirikanana siradüdi, Judia distriküb gir toi gam bag komeaga. Bangüdi fib ere güre bag büreaga baba gam kümüneaga. <sup>40</sup> Bangüdi Sekaraiab fata gam iruwaboudi, Elisabet ferebereweaga. <sup>41</sup> Elisabet Mariab ferebere baba edar, nono Elisabetüb sibim gam büreaga baba kutuweaga. Bangar Etob Kedeb Elisabet korobaweaga. <sup>42</sup> Bangar Elisabet sogsgo igyogüdire wageaga, "Keriabüde unun düneaga, baba unun finabur gürekoi düngügeaga baba emegerweaga. Bangar nono nagüb sibim gam büregeaga baba, nu tugu Keriabüb unun deaga. <sup>43</sup> Ye won gar, igeab Erekokaib ana ye gam ogureaga? Ye finege tün tugubge. <sup>44</sup> Edün. Kagub yeb nab ferebere edegi sese gam, nono yeb sibim gam büreaga baba, nu tugu ebebearudi kutuweaga. <sup>45</sup> Na Erekokai nugede waneaga baba sibenana geregeaga, babaure na kob kainanagün, babaure na ebebearue."

*Mariab mun*

<sup>46</sup> Maria menüm wageaga,

"Kob yeb

Erekokaib yanim  
siradgabereaga.

<sup>47</sup> Bangar kob yeb

Keriabure ebebearweaga,  
nu ye Maig Igayegib Fere.

<sup>48</sup> Ye nugeab sarua finege,

ye ugu finegeko,  
nu ye kegeidi  
nirarayeaga.

Mügar, kuridaka

ferefínabur gürenakuti  
Keriabüde ebebear erekokai  
siagagüdi, dorageregen.

<sup>49</sup> Keriab nu sogi erekokai tugu,

nu ye sagiebüre  
daba amdag sibe banüm geaga,  
bangar yanim nub kedeb büreregeaga.

<sup>50</sup> Nu ferefínabur nuge miniba bürfaigen baba,

nirarangafaigeaga.

Ferefínabur mügar büren tugu,

kuri tataigeregen tugu  
tüpür babanüm gürena geregeaga.

<sup>51</sup> Kube nugeabüde füñai

gugub geaganwaib,  
fere simai sige gürena agferenangüdi  
nugengab yanim siradgabürügafaigen baba,  
kudengar sarawen.

<sup>52</sup> Erekokayau toi febangüdi,

nugengab gotogegi kur nama gam kudengüdi,  
fere yanim kenewar baba,  
yanim ere düngügeaga.

<sup>53</sup> Fere ogunongeaga baba,

daba daba nama nama epüra  
düngügar fugongeaga.

Bangüdi fere daba daba epürage tugu baba,

kudengar uguna kümünen.

<sup>54-55</sup> Keriab nugede sigeab oyebesig

Abraham dora duweaga,  
baba tugu Abraham nugeab matanab mana  
gürenakuti gam

tugu dora dünügeaga.  
 Baba dora wanügafotuweaganwaib baba,  
 tüpür tüpür büreregeaga.  
 Baba dora Keriab nugeab utun gammhana  
 bürar nirarangeaga.  
 Nu namana niraragüdi Israelwar  
 sagüngeaga.  
 Israelwar nini Keriab  
 nugeab sarua ferefinabur."

<sup>56</sup> Maria Elisabet küre edina küidag banüm büreaga, bangüdie nugeab fib gam maigüdi kümüneaga.

### *Elisabet Jon sinoyeaga*

<sup>57</sup> Elisabet mogoi sinoyegib sese taidar, nono sinoyeaga. <sup>58</sup> Elisabet nugeab fib büreabmania tugu, nugeab giniabmania tugu, Erekokaide Elisabet nuge niraraweaga baba doraman edüdi, Elisabet keab ebebearwen.

<sup>59</sup> Dü düm kenegarbere nonob mube sike katuwebüre oguren. Yanim Sekaraia duwebüregen, emeb yanim sibe. <sup>60</sup> Bangeagako, nonob anade wageaga, "Kene. Yanim nub Jon yanübaub." <sup>61</sup> Bangar wawen, "Ninagüb ginyanügmana güre yanim babanüm kene." <sup>62</sup> Bangar eme kubede gürena totowen, nu nono am yanim duwebüregeaga. <sup>63</sup> Wanügar taper mara güre düdi oguredi dora feieregeaga, bangedi dora menüm feiaga, "Nub yanim Jon." Bangar ututun toitoiwen. <sup>64</sup> Bangar pirikanana Sekaraia sube maig taiboyeaga. Bangar doragüdi Keriabüb yanim siradgabereaga. <sup>65</sup> Bangar nugeab fib büreabmania gürenakuti, baba daba adab taideaga baba kegeudi kimigen. Bangar baba daba daba gürenakuti doraman baba saraudi fib gürenakuti, Judia distriküb gir toi gam büren bag kümüneaga. <sup>66</sup> Fere gürenakuti doraman baba edüdi, ututun toitoiudi menüm totogen, "Kuri nono baba fere aranüm taidebeaga?" Nin sibam, Erekokaib sogi nuküre büreaga.

### *Sekaraia kiari dora pitoiaga*

<sup>67</sup> Bana Etob Kedeb nono babab eme Sekaraia gam gobeaga, bangar kiari dora menüm wageaga, <sup>68</sup> "Erekokaib yanim siradgaberegi, Israelüb Keriab. Nude oguradi sige nugeab ferefinabur sagsigüdi maig igaisigeaga. <sup>69</sup> Sige Maig Igaisigegi Fere güre sogi tugu, Erekokaide Devitüb gin gam, taibereaga. Devit nu Erekokai nugeab saina mogoi. <sup>70</sup> Nuge egimenana nugeab kiari ferewar dora dünügar doragafotuwenwaib sibe. <sup>71</sup> Sige sigeab karauyasigmanangab kube gam tungu, sigeab kob koigafaigen baba ferewarügab kube gam tungu, nugede maig igaisigeregeagagüdi wageaga. <sup>72</sup> Nuge sigeab matuwasigama nirarangüdi sagüngeaga. Babaure nuge egime dora idafotugeaganwaib baba, nugeab utun gammhana büreaga. <sup>73</sup> Nuge sigeab matuwasi Abraham gam kürüna kekiagüdi wageaga, babaure nuge egime wageaga sibe, mügar sige gam gebüregeaga. <sup>74</sup> Nu sige maig karaungab kube gam igaisigebüregeaga, bangar sige nugeab funai düdi kimigegige. <sup>75</sup> Babaure sige sese gürenakuti omo bürenan baba, nugeab ege gam kabia surur surur gam urigegi, bangar nuge kabia nama nama nimeweaga baba, sige gam goberegeaga. <sup>76</sup> Nono, na ba, kuri Keriab Kekia Asaub Kiari fere güdi yanübaneregen. Nade Erekokai nugeab erekobo daiebüre agfereregün. <sup>77-79</sup> Nade nugeab ferefinabur sarigabürüngab, nugeab nirara erekokai baba sibamgeregen. Keriab nugengab menmen unaigafotudi maig igaingebüregeaga. Fere gituwagi gam büren tugu, fere kumegure kimigen gam tungu, baba meram dünügebüre fib nama gammab suboyegi sugarwar sige gam ogureregeaga. Nuge sigeab kebe sururgar, sige kob ebebear erekobo gam urigegi."

<sup>80</sup> Kuri nono baba adagar, Etob Kedebüde sogi duweaga. Bangar nu kümüna fib fere kene gam büreaga. Bangüdi kuri Israelwarüngab ege gamie, agüba taideaga.

**1:59** Stt 17.12; Wkp 12.3; Lu 2.21    **1:60** Lu 1.13    **1:66** Stt 39.2; Sng 80.17; Tu 11.21    **1:67** Jol 2.28    **1:68** Sng 41.13; 72.18; 106.48; Lu 7.16    **1:69** Sng 18.2    **1:70** Jer 23.5-6; Dan 9.24; Tu 3.21; Ro 1.2    **1:71** Sng 106.10  
**1:72** Stt 17.1; 17.7; Wkp 26.42; Sng 105.8-9; 106.45    **1:73** Stt 22.16-17; Mai 7.20    **1:74** Ro 6.18; 6.22; Hi 9.14  
**1:75** Ef 4.24; 2 Ti 1.9; Ta 2.12-14; 1 Pi 1.15; 2 Pi 1.4    **1:76** Ais 40.3; Mal 3.1; 4.5; Mt 3.3; 11.10    **1:77-79** Ais 9.2; 49.9; 58.8; 60.1-2; Jer 31.34; Mt 4.16; Mk 1.4; Lu 3.3; Tu 26.18    **1:80** Mt 3.1; 11.7; Lu 2.40

## 2

*Maria Jisas sinoyeaga  
(Matyu 1.18-25)*

<sup>1</sup> Baba sese gam Sisar Ogastusde ferefinañabü gürenakutingab yanim degi kabia güre difereaga. <sup>2</sup> Kübüdim bera taugegi fere Ogastusde, yanim ninib deaga. Baba funai omo mügarie taideaga, baba sese gam Kvirinius nu Siriawarüngab kübüdim bera taugegi agferegi büreaga. <sup>3</sup> Babaure ferefinañabü gürenakuti nugengab fib mudimere gagam kümündi, kübüdim bera taugegide yanim ninib deregeaga. <sup>4</sup> Josep nu Devitüb gingannab, babaure Nasaret ebgadeaga. Nasaret nu Galili distrik büreaga. Bangüdi Devitüb fib ere baba gam kümüneaga. Baba fib ereb yanim Betlehem. Nu Judia distrik büreaga. <sup>5</sup> Nu finege nuge duwebüre dora idafotuwenwaib babaküre kümündi, kübüdim bera taugegide nugekürebü yanim deregeaga. Baba sese gam Maria nu mube kub tugu. <sup>6</sup> Nugeküre Betlehem bag bürediberenana Maria mogoi sinoyegi sese taideaga. <sup>7</sup> Bangar nono keman sinoyeaga. Bangüdi ude gamde korotaudi bulmakau toib au fade gam kinmegabereaga, amure guruwagi fata gobeaga.

*Keriabüb dora dugurewegiwar sipsip taugegi ferewar gam dora düdi oguren*

<sup>8</sup> Baba gam sipsip taugegi ferewar gürekoi, Betlehem fib ere obgoira bürüdi, utumnonou nugengab sipsip toi taugen. <sup>9</sup> Bangarbere, Erekokaib dora dugurewegi nini gam ogureaga, bangar Erekokaide nugeab meram ere güre gar taidüdi koingeaga, bangar nini kürünna kimigen. <sup>10</sup> Bangeagako, Keriabüb dora dugurewegide menüm wangeaga, "Nini kimigagan. Edane. Ye nini gam dora nama meme düdi oguran meme, ferefinañabü gürenakuti ebebearwegib dora nama. <sup>11</sup> Baba dü gam Devitüb fib ere gam, finege güre mogoi sinoyeaga. Baba nono, ninag gürenakuti maig igaingeregeaga. Nu Erekokai, nu fere Keriabüde nugeab ferefinañabü maig igaingegib sugurweaga. <sup>12</sup> Babaure, nini nure menüm sibamgeregenan. Nono güre ude gamde korotaudi, bulmakau toib au fade gam kinmeagabereregen baba, nini kegewane." <sup>13</sup> Keriabüb dora dugurewegi doragafotuwarbere, pirikanana Keriabüb fib nama gammab dora dugurewegiwar epüra namana tataigüdi Keriabüb dora dugurewegi baba keab büren. Bangüdi Keriabüb yanim menüm siradgaber, <sup>14</sup> "Keriah kekia asau bürfaigeaga babab yanim siradgaberegi. Bangar kübüdim gammab ferefinañabü ninib kob dab fanam bürereregeaga. Bangar Keriaib ninure kob ebebearweaga."

*Sipsip taugegi ferewar kümüna Jisas kegewen*

<sup>15</sup> Keriabüb dora dugurewegiwar uriangüdi Keriabüb fib nama gam komafotuwen. Bana sipsip taugegi ferewar menüm wagen, "Bana, Betlehem kümüna baba daba taideaga baba kegewegi. Baba Erekokaide wasigeaganwaib." <sup>16</sup> Bana nini pirikanana kümüna Mariaie Josepküre büren baba kegewen, nono nu bulmakau toib au fade gam kinbüreaga. <sup>17</sup> Nini kegeafotudi, Keriabüb dora dugurewegide nono babaure wangeaganwaib, baba daba dabab doraman pitioen. <sup>18</sup> Bangar fere gürenakuti sipsip taugegi ferewarde doragen baba edüdi, babaure ututun toitoiwen. <sup>19</sup> Bangeagako, Maria nu dora baba gürenakuti nugeab kob gam difürüdi, utungüdi büreaga. <sup>20</sup> Bangar sipsip taugegi ferewar maigüdi kümünad kümünadi, Keriabüb yanim siradgaber. Nini daba daba gürenakuti edüdi kegewenwaib babaure, Keriaubre ebebearwen. Daba daba Keriabüb dora dugurewegibüde wangeaga baba sibe taideaga.

*Jisas yanim duen*

<sup>21</sup> Finege nono sinoyeaga baba, kunube gürena kenegarbere nonob mube sike katuwen, bangüdi yanim Jisas yanbawen. Anab sibim gam ara taidegi kene gammanna, Keriabüb dora dugurewegibüde yanim baba yanbafotuweaga.

*Simeonie Anaküre Keriabüb kedeb fatab gübroime Jisas kegewen*

<sup>22</sup> Josepie Mariaküre Keriabüb ege gam, urun taidegi kabia daiwagi sese taideaga. Bangar Mosesüb kabiade wageaga sibe, nugeküre nono Erekokai abatarwebüre Jerusalem igaiudi kümündi. <sup>23</sup> Nugeküre dora Erekokaib kabia gam menüm büreaga baba daiwebüregen, "Nono keman anade sinoyerba, baba mogoitoi Erekokai duwane." <sup>24</sup> Nugeküre Erekokaib kabia wageaga sibe, bai feregi aitoi tuguna düdi kümündi, "Manab akürede, imid sogub aküre."

<sup>25</sup> Baba sese gam fere güre Jerusalem büreaga, yanim nub Simeon. Nu kabia

**2:5** Lu 1.27    **2:6** Mt 1.25    **2:10** Stt 12.3; Mt 28.19; Mk 1.15; Lu 24.47; Kl 1.23    **2:11** Ais 9.6; Mt 1.16; 1.21;

Tu 2.36; Fl 2.11    **2:13** Sng 103.20; Hi 1.14; IDT 5.11    **2:14** Ais 57.19; Lu 19.38; Ro 5.1; Ef 2.17; Kl 1.20    **2:16**

Lu 2.10-12    **2:19** Lu 1.66; 2.51    **2:21** Wkp 12.3; Mt 1.21; 1.25; Lu 1.31; 1.59    **2:22** Wkp 12.1-8    **2:23** Kis

13.2; 13.12-15; Nam 3.13; 8.17    **2:25** Ais 40.1; 49.13; Mk 15.43; Lu 2.38

surur daiugab fere tugu, Keriabure kunube irugab fere. Nu Keriabüde Israel fere-finabürengab kob dab fanam difürungegi fere sugurwebüregeaga baba momoweaaga. Bangar Etob Kedeb Simeon gam büreaga. <sup>26</sup> Etob Kedebüde pirika kumeregabgeküdi banüm wafotuweaganwaib. Nu Erekokaide fere güre sugurwar ogura nugeab fere-finabur maig igaingebüre dorageaganwaib baba fere kegeudie kumeregeaga. <sup>27</sup> Bangar nu Etob Kedebüde siradgaberan Keriabüb kede fatab gübroime iruweaga. Bangar Jisas nogub emeanade igaiudi oguredi, kabiade wageaga sibe nu gam kabia gebüre. <sup>28</sup> Bangar Simeonde düdi debetaweaga, bangüdi Keriabüb yanim menüm siradgabereaga,

- <sup>29</sup> "Eregeam, ye nagüb saina mogoi,  
babauere na mügar euiab kümünai,  
bangar nag egime wagün sibe,  
kob yeb dab fanam büreregeaga.  
<sup>30</sup> Nag sin maig igaisigegi daba gün baba,  
igeab egede kegeafotun.  
<sup>31</sup> Nag ferefínabur gürenakutingab ege gam  
baba ekotagabürün.  
<sup>32</sup> Baba meram nu fere gin  
adab gammabwar meram dünungeregeaga.  
Bangar nagüb ferefínabur Israelwar  
yanim ere dünungeregeaga."

<sup>33</sup> Jisasüb emeana, nugeküre dora Simeonde nono gam dorageaga baba edüdi, nugeküre ututun toitoiwen. <sup>34</sup> Bangar Simeonde unun dünungüdi, nonob ana Maria menüm waweaga, "Edün. Nono meme Keriabüde sugurweaga. Babaure, nude gar Israelwar epüra nure kob kainanageregen tugu, epüra nure kob kainanageregedige. Nu bera güre sibe büreregeaga, bangar fere epürade nenweregen. <sup>35</sup> Babaure fere epüra ninib ututun iwagegi baba ekeba taideregeaga. Bangar nag tugu, keime asaude nagüb gama dwaiweiği sibe geregeaga."

<sup>36</sup> Kiari finege güre büreaga, nub yanim Ana. Nu Fanuelüb momugo, Aserüb gingamnab. Nu gürenakuti abüdigeaga. Nu egime kam düdi kab küre mene nonob tugu büreaganwaib. <sup>37</sup> Bangarie kuri kab kumar uguna büreaga. Mügar nu kündan 84 tugu. Ana nu Keriabüb kede fatab kudumege ebgadügaigarge. Nu daba kudigafaigüdi sibdibüdi bürfaigeaga, nu Keriabüb füni sida tugu utumnonou tugu güfaigeaga. <sup>38</sup> Baba sese gam, nu tugu nono iroto oguradi, Keriabure esegeaga. Bangüdi ferefínabur gürenakuti, Keriabüde Jerusalemwar maig igaingeregeaga baba dagowen gam, nono babab dora pitoiaga.

#### *Josepie Mariaküre maigüdi Nasaret kümünen*

<sup>39</sup> Erekokaib kobia wageaga sibe daba daba gürenakuti güfotuwen, bangafotudi nugengab fib ere Nasaret kümünen. Nasaret nu Galili distrik büreaga. <sup>40</sup> Bangar nono nu adagüdi sogideaga. Nu sibam nama nama tugu, bangar Keriabüb nirara nu gam büreaga.

#### *Omo mogoi Jisas Keriabüb kede fatab gübroime kümüna iruweaga*

<sup>41</sup> Jisasüb emeana mene itut Jerusalem kümünafaigen. Bangüdi Keriabüde Israelwar Eungar Nama Büren Baba Dü Ere Utungegib kegewebüre kümünen. <sup>42</sup> Jisas nu mene gürena bede fogo aküre tugu kenegarbere, dü ere babab kobia daiudi Jerusalem kümünen. <sup>43</sup> Kunube iruwegi dü ere ere babab füni gürenakuti kenegarbere maigüdi fibigo kümünen. Bangeagako, omo mogoi Jisas nu Jerusalemnana büreaga, emeana nono bürdaiweaga baba sibamgedige. <sup>44</sup> Nugeküre nono ferefínabur gürewar keab dag, urigeagagüdi banüm utungen. Bangüdi nugeküre kümünen baba, dü gürena kenegeaga. Bangar kuri nugeküre nugeab giniabmana kodigo tugu, nugeab büreabmana kodigo tugu fitaudi tuwen. <sup>45</sup> Nugeküre fitakakawenko kegewedige. Bangar nugeküre fitawebüre maig maigüdi Jerusalem kümünen baba, dü aküre kenegeaga. <sup>46</sup> Dü küi gamie, nugeküre nono Keriabüb fatab gübroime büreaga baba kegewen. Nu sibam sarigegi ferior war kodigo gotogüdi büreaga. Bangüdi totongebürewadi dora ninib edüdi büreaga. <sup>47</sup> Fere simai nub dora eden baba, sibam nubure tugu nugengab dora maig nini

**2:26** Hi 11.5    **2:29** Stt 46.30; Fl 1.23    **2:30** Ais 52.10; Lu 3.6; Ta 2.11    **2:32** Ais 9.2; 42.6; 49.6; 52.10; 60.1-3;

Mt 4.16; Tu 13.47; 28.28    **2:34** Ais 8.14; Hos 14.9; Mt 21.42; Tu 28.22; Ro 9.32-33; 1 Ko 1.23; 1 Pi 2.7-8    **2:35** Sng

42.10; Jo 19.25    **2:37** Tu 26.7; 1 Ti 5.5    **2:38** Ais 52.9; Mk 15.43; Lu 2.25; 24.21    **2:39** Mt 2.23    **2:40** Lu

1.80; 2.52    **2:41** Kis 12.1-27; 23.14-17; 34.23; Lo 16.1-8

gam toteaga baba tugu edüdi tergen. <sup>48</sup> Nugeküre tugu nono kegeudi tergen. Bangar anade menüm waweaga, "Nono, na amure baba kabia sinaküre gam bangün? Igeab kob tugu emünüb kob tugu koigar fitanenan." <sup>49</sup> Bangeagako, nugeküre gam dora menüm toteaga, "Ninaküre amure ye fitaienan? Ninaküre sibamgargedag, ye igeab Emügab fata gammhana büreregün?" <sup>50</sup> Bangeagako, nugeküre dora babab iginim nugeküre gam dorageaga baba sibamgedige.

<sup>51</sup> Bana nu emeana keab maigüdi kümünadi Nasaret taiden. Nu bata bata emeanab sube daiwafaigeaga. Bangar nonob dora baba gürenakuti anade düdi nugeab kob gam difürüdi debetaudi büreaga. <sup>52</sup> Bangüdi Jisas adagar sibam nub nama fanam taideaga. Bangar Keriaab nure kob ebebearwar, ferefinabur tugu, nure kob ebebearwen.

## Jisas funai ara toadegi sese gam, daba daba taideaga babab doraman

### 3

(*Sapta 3.1—4.13*)

*Jon Yag Fidegibüde dora pitoiaga*

(*Matyu 3.1-12 baba gam tugu Mak 1.2-8 baba gam tugu Jon 1.19-28*)

<sup>1</sup> Sisar Taiberius nu Romüb erekokayau mene gürena bede fogo taba tugu büreaga. Baba sese gam Pontius Pailat nu Judia distriküb kübüdim bera taugegi agferegi büreaga. Baba sese gam tugu Herot nu Galili distrik taugeaga. Owa Filip nu Ituria distrik tugu, Trakonitis tugu taugeaga. Bangar Lisanias nu Abilene distrik taugeaga. <sup>2</sup> Bangar Anasie Kaiafasküre, Keriabure kobegegi taba ferewar büren. Baba sese gam Jon, Sekaraiaab nono nu, fib fere kene gam büreaga, bangar Keriabüde dora nugeab Jon düweaga. <sup>3</sup> Bangar Jon nu fib gürenakuti, Jordan yag iroti büren baba gam kümünadi, ferefinabur gürenakuti kob pirudi yag fidedi Keriabüde menmen nugengab unaigeregeagagüdi dora pitoiaga. <sup>4</sup> Baba daba kiar fere Aisaab budi gam dora büreaga babanümnana taideaga, "Fib fere kene gam, fere gürede menüm yogeaga, 'Erekokaib erekobo idabürgane. <sup>5</sup> Gir ere ere yag güresari güresari büren baba, gürenakuti kurar kanüdi sagugeregeaga. Erekobo kuarig kuarig baba, idawedi surur taideregen. Erekobo toi kogkogi baba, idadau idabürgeregen. <sup>6</sup> Bangar kübüdim gammab ferefinabur gürenakuti, Keriabüde sige maig igaisigebüre funaiweaga baba kegeweregen."

<sup>7</sup> Ferefinabur epüra Jonüb kube gam yag fidebüre oguren, bangar menüm wangeaga, "Nini matu kogib mogoitoi, Keriaab ninure magirawar kiasorungeregeaga. Wonide wanügar Keriabüb magira emegerudi gusarawebüregenan, io? <sup>8</sup> Nini kob kürüna piruwenangüdüiba, bana kabia ninagüb baba kob piruwegib kabia sibe abatarganegeaga. Bangüdi ninag ninag 'Abraham nu sinib oyebesigüdü,' banüm dora fokowagana. Ye wangün, Keriabüde gar kegenam toi meme Abrahamüb matanabmama sibe tataigeregen. <sup>9</sup> Man manage au bara gam büreaga, au gürenakuti nama idadau fürfaigedige baba, katudi keb gam fotutgedi kümüneregeaga."

<sup>10</sup> Ferefinabur Jonüb dora edüdi menüm totowen, "Sin arangeregenan?" <sup>11</sup> Bangar nini gam dora menüm toteaga, "Fere karün aküre tugu baba, karün güre fere karün kene baba düwerecoegeaga. Fere daba tugudaka, kabia babanüm gürena geregeaga." <sup>12</sup> Kegeam degi ferewar gürekoi, nini tugu yag fidebüre oguren. Bangüdi totowen, "Sibam sarigegi fere, sini arangeregenan?" <sup>13</sup> Bangar menüm wangeaga, "Nini kegeam kübüdim bera taugegi ferede wangeaga baba gürena dane, nini maig gürekoi buruwagana."

<sup>14</sup> Maraipapa gürekoi tugu totowen, "Be siniba arangeregenan?" Bangar menüm wangeaga, "Nini fere gürewar kogifürüngüdü kegeam ninib begagana. Kegeam ninib debüre nini gam dora kiougagana. Nini menüm utungane, mur ninagüb baba ninagüb gürena. Kegeam ninagüb denan baba ninagüb gürena, babaure nini maig begagana."

<sup>15</sup> Ferefinabur baba daba daba tataigar kegeudi, nugengab kob siradar, menüm ututun toitoiwen, "Jon nu Keriabüde nugeab ferefinabur maig igaingegi fere sugurbüregeaga baba feredag?" <sup>16</sup> Bangarbere Jonüde nini gam dora menüm toteaga, "Ye yag gürena fidüngafagün. Bangeagako, kuri fere güre ogureregeaga baba, sogi nub yeb sogi emegerweaga. Muride kebe sagwegi nub wartauweaga baba, ye kuregegi sogi kene. Nude keb gamde tugu Etob Kedeb gamde tugu yag fidüngeregeaga. <sup>17</sup> Nu

fere nugeab kube gamde gorogoro debetawegi sibe ogurerewegeaga, nugeab wit gam ina büreaga baba düfotuwebüre. Bangüdi wit nugeab baba wit fata gam tobugeregeaga. Bangeagako, ina toiba keb kumfaigarge baba gam füküraweregeaga."

<sup>18</sup> Jon ferefinaburüngab kob debüre tugu dora güre güre epüra doragarge, baba kabia gamde nini gam dora nama pitoiaga.

*Herotüde Jon kakia gam difereaga*

<sup>19</sup> Herot nu kübüdim bera taugegi agferegi büreaga. Jonüde Herot nunurweaga, amure Herotüde owah fia Herodias dar nunurweaga. Baba tugu, kabia kogi gürekoi geaga babaure tugu. <sup>20</sup> Bangar Herot nugeab menmen toi kekia, maig menmen güre korabereaga baba, maig Jon kuadüdi kakia gam difereaga.

*Jonüde Jisas yag fiduweaga*

(Matyu 3.13-17 baba gam tugu Mak 1.9-11)

<sup>21</sup> Ferefinabur gürenakuti yag fidegin sese gam, Jonüde Jisas tugu yag fiduweaga. Nu yag fidfotudi sibidiba büreaga, bangar fib nama gamnab fubu taiboyeaga. <sup>22</sup> Bangar Etob Kedeb nuge gam musuweaga. Etob Kedeb ai güre manab gen baba sibe taidüdi, Jisas gam musuweaga baba kegewegin. Bangarbere Keriab fib nama gamde menüm yogeaga, "Na yeb Nono. Ye kürüna kob dünnün. Bangüdi ye naure kob ebebearun."

*Jisasüb oyebeabmanab yanımtoi*

(Matyu 1.1-17)

<sup>23</sup> Jisas nu mene küi bede fogo banümde, nugeab fünai toadeaga. Bangar ferefinaburde nu Josepüb nonogüdi utungen. Josep nu Helib nono. <sup>24</sup> Heli nu Matatüb nono. Matat nu Livaib nono. Livai nu Melkib nono. Melki nu Janaib nono. Janai nu Josepüb nono. <sup>25</sup> Josep nu Matatiasüb nono. Matatias nu Amosüb nono. Amos nu Nahumüb nono. Nahum nu Eslib nono. Esli nu Nagaib nono. <sup>26</sup> Nagai nu Matüb nono. Mat nu Matatiasüb nono. Matatias nu Semenüb nono. Semen nu Joseküb nono. Josek nu Jodab nono. <sup>27</sup> Joda nu Joananüb nono. Joanan nu Resab nono. Resa nu Serubabelrüb nono. Serubabel nu Sealtielrüb nono. Sealtiel nu Nerib nono. <sup>28</sup> Neri nu Melkib nono. Melki nu Adib nono. Adi nu Kosamüb nono. Kosam nu Elmadamüb nono. Elmadam nu Erüb nono. <sup>29</sup> Er nu Josuab nono. Josua nu Elieserüb nono. Elieser nu Jorimüb nono. Jorim nu Matatüb nono. Matat nu Livaib nono. <sup>30</sup> Livai nu Simeonüb nono. Simeon nu Judab nono. Juda nu Josepüb nono. Josep nu Jonamüb nono. Jonam nu Eliakimüb nono. <sup>31</sup> Eliakim nu Meleab nono. Meleab nu Menab nono. Mena nu Matatab nono. Matata nu Natanüb nono. Natan nu Devitüb nono. <sup>32</sup> Devit nu Jesib nono. Jesi nu Obetüb nono. Obet nu Boasüb nono. Boas nu Salmonüb nono. Salmon nu Nasonüb nono. <sup>33</sup> Nason nu Aminadapüb nono. Aminadap nu Atminüb nono. Atmin nu Arnib nono. Arni nu Hesronüb nono. Hesron nu Peresüb nono. Peres nu Judab nono. <sup>34</sup> Juda nu Jekopüb nono. Jekop nu Aisaküb nono. Aisak nu Abrahamüb nono. Abraham nu Terab nono. Tera nu Nahorüb nono. <sup>35</sup> Nahor nu Seruküb nono. Seruk nu Reub nono. Reu nu Peleküb nono. Pelek nu Eberüb nono. Eber nu Selab nono. <sup>36</sup> Sela nu Kainanüb nono. Kainan nu Arpaksatüb nono. Arpaksat nu Siemüb nono. Siem nu Noab nono. Noa nu Lameküb nono. <sup>37</sup> Lamek nu Metuselab nono. Metusela nu Enoküb nono. Enok nu Jaretüb nono. Jaret nu Mahalalelrüb nono. Mahalalel nu Kenanüb nono. <sup>38</sup> Kenan nu Enosüb nono. Enos nu Setüb nono. Set nu Adamüb nono. Adam nu Keriabüb nono.

## 4

*Satande Jisas furureaga*

(Matyu 4.1-11 baba gam tugu Mak 1.12-13)

<sup>1</sup> Etob Kedeb Jisas korabaweaga. Bangar Jisas Jordan yag ebgadüdi maigeaga. Bangar Etob Kedebüde igaiidi fib fere kene gam kümüneaga. <sup>2</sup> Jisas fib fere kene gam dü dogob tugu bede fogo bürrarbere Satande furufururgeaga.

Baba sese gam Jisas daba nargegar ogunoweaga. <sup>3</sup> Bangar Satande menüm waweweaga, "Na kürüna Keriabüb Nonogarba, bana doragab kegenam meme bret pirudi taideregeaga." <sup>4</sup> Bangeagako, Jisasde dora nub maig menüm toteaga, "Keriabüb budi gam dora menüm tugu, 'Ferefinabur dabade gürena omo bürrereregedige.'"

<sup>5</sup> Bana bangar Satande igaiidi komeaga, bangüdi pirikanana meme kübüdim gamnab kantri sogsogi gürenakuti baba, Jisas abataruweaga. <sup>6</sup> Bangar Satande

**3:19** Mt 14.3-4; Mk 6.17-18    **3:21** Jo 1.32    **3:22** Stt 22.2; Sng 2.7; Ais 42.1; Mt 3.17; 14.3-4; 17.5; Mk 1.11; 6.17-18;

Lu 9.35; Jo 1.32    **3:23** Lu 4.22; Jo 6.42    **3:27** 1 Sto 3.17-19; Esr 3.2    **3:31** 2 Sml 5.14    **3:32** Rut 4.17-22; 1

Sml 16.1-13    **3:33** Stt 29.35    **3:36** Stt 11.10-26    **3:38** Stt 4.25—5.32    **4:2** Kis 34.28; 1 Kin 19.8    **4:4** Lo 8.3

**4:6** Mt 28.18; Jo 12.31; 14.30; IDT 13.2; 13.7

menüm waweaga, "Kantri gürenakuti meme taugegib sogi dünür na yanim erekokai tugugeregün. Meme daba daba gürenakuti nini yeb gürena, babaure, ye fere güre duwebüregüdiba, ye duweregün.<sup>7</sup> Na yeure oksosob orudi kunube iruwaba, ye meme daba daba gürenakuti düneregin."<sup>8</sup> Bangeagako, Jisasde dora nub maig menüm toteaga, "Keriabüb budi gam dora menüm tugu, 'Na Keriabüre gürena kunube iruwe, nagüb Erekokai. Bangüdi nugeab fünai gürena de.'

<sup>9</sup> Bangar Satande Jisas Jerusalem igaiudi kümünadi Keriabüb kedeb fata gam kekia asau difereaga. Bangüdi menüm waweaga, "Na kürüna Keriabüb Nono garba, na paderudi kane.<sup>10</sup> Amure, Keriabüb budi gam dora menüm tugu, 'Nuge nugeab dora dugurewagi toi wanügar idadau tauneregen.<sup>11</sup> Bangüdi, nugengab kubede ebnoneregen, amure, kegenam gürede kebe nagüb duwaiweregeaga babaure.'<sup>12</sup> Bangar Jisasde dora nub maig menüm toteaga, "Keriabüb budi gam dora menüm tugu, 'Na Keriabüb sogi fururegena, nagüb Erekokai.'

<sup>13</sup> Satande Jisas furu adab adab fururugafotudi, Jisas uriaudi kümüna güre sese momowega.

## **Jisas Galili distrik kümünadi, Etob Kedebüb sogi gamde fünai toadeaga**

(*Sapta 4.14—9.50*)

*Jisas fünai Galili distrik toadeaga*

(*Matyu 4.12-17 baba gam tugu Mak 1.14-15*)

<sup>14</sup> Jisas, Etob Kedebüb sogi gamde, Galili distrik maigüdi kümüneaga. Bangar ferefínabur Galiliyaub distrik itut büren baba, Jisas ogura Galili distrik büreaga gen baba dora eden.<sup>15</sup> Nu ferefínabur nugengab kunube fata gam dora sabüngegi bata. Bangar ferefínabur nub yanim siradgaberan.

*Nasaretvar Jisasure magirangeaga*

(*Matyu 13.53-58 baba gam tugu Mak 6.1-6*)

<sup>16</sup> Jisas Nasaret kümüneaga. Nu fara sese baba fib ere gam bürtüdi adageaganwaib. Nuge bata bata güfaigeaga sibe, Dü Kaberegi gam, kunube fata gam iruweaga. Keriabüb dora ninaiebüre biboweaga.<sup>17</sup> Bangar kiari fere Aisaiab budi duwedi fügaidi fitaudi, dora menüm tugu büreaga baba kaiweaga,<sup>18</sup> "Erekokaide uruaiaga, bangüdi yeb taba gam wel kubeiaga. Bangar nugeab Etob ogura ye gam büreaga. Amure, Erekokai nugeed nugeab dora nama meme düdi, kümüna kogiwab ferewar düngübüregüdi ye gam bangeaga. Bangüdi ferewar kakia gam büren baba, dora fotur kakia ebgadüdi uguna kümünebüregüdi, suguryar oguran. Baba tugu fere ege gomowar baba gam dora fotur maig agügeregen. Ferewar gürewarde febangüdi kogifürungen, baba ferewarüngab kob darab, kenegafotuwebüregüdi suguriaga.<sup>19</sup> Bangüdi menüm dora fotuwebüregüdi suguriaga, Erekokai nugeab ferefínabur namabürüngegi sese manage taideaga."

<sup>20</sup> Jisas budi tabagafotudi fere buditoi taugugab baba maig duabürüdi gotogeaga. Bangar ferefínabur kunube fata gam büren baba, Jisas gürena kegenanawen.

<sup>21</sup> Bana bangar menüm wangeaga, "Keriabüb budi memeb dora ninag edftouwenan baba, mügarnana kürüna taideaga."<sup>22</sup> Bangar nub yanim siradgabürüdi dora nama pitoiaga babaure ututun toitoiwen. Bangeagako, wagen, "Sige sibam, fere meme nu Josepüb nono. Aranüm gar nu dora babanüm gebeaga?"

<sup>23</sup> Bangedi Jisasde menüm wangeaga, "Nini ferefínaburde doragafaigen baba düdi ye gam pitoiagade? 'Kaufere, na nagüb mube namabere.' Bangar nini wageregenan, 'Nag daba daba Kaperneam gün baba sin edftouwenan. Bana mügar na daba daba babanüm gürena nagüb fib mudimere gam meag bange.'<sup>24</sup> Bangar wageaga, "Ye kainana wangün, kiari fere güre nugeab fib mudimere gammab fere simai, nub dora edfaigedige.<sup>25</sup> Ye dora kainana wangün, Elaijab sese gam, oyemadi finabur epüra Israel büren. Baba sese gam kaikere sese. Baba kaikere sese, kümdan küi, edina kubete tugu büreaga. Bangar oguno erekokai baba kantri gam taideaga.<sup>26</sup> Bangeagako, Keriabüde Elaija sugurwar Israelwarüngab oyemadi finege güre gam, kümünearge. Nu fib ere Sarefat gen baba gam gürena sugurwar kümüneaga. Sarefat nu Saidonüb fib ere yau büreaga. Baba fib ere gammab oyemadi finege güre gam sugurwar kümüneaga. Baba oyemadi finege nu Israelübge. Bangeagako, Keriabüde Elaija sugurwar nu gam

**4:8** Lo 6.13-14; 10.20    **4:10** Sng 91.11-12    **4:12** Lo 6.16; 1 Ko 10.9    **4:13** Hi 2.18; 4.15    **4:16** Mt 2.23; Mk

6.1; Tu 13.14; 17.2    **4:18** Ais 61.1-2    **4:22** Sng 45.2; Mt 13.54; Mk 6.2; Lu 3.23; Jo 6.42    **4:23** Mt 4.13; Jo 2.12

**4:24** Jo 4.44    **4:25** 1 Kin 17.1; 17.7; 18.1    **4:26** 1 Kin 17.8-16

kümüneaga. <sup>27</sup> Baba tugu, kiari fere Elisab sese gam, fere epüra Israel büren baba, nini lepra subo tutug. Bangeagako, nin kodigo, fere güre subo kenegeaga. Naman kantri Siriab, nu nugenakuanab subo kenegeaga. Naman nu Israelübge. Bangeagako, Keriabüde Elisa sugurwar nu gam kümüneaga.”

<sup>28</sup> Israel ferewar gürenakuti kunube fata gam büren baba, dora baba edüdi magirangeaga. <sup>29</sup> Bangar Jisas kudewedi fib ere obgoira kaneaga. Baba fib ere ninib baba, girtorub güre gam büreaga. Bangar fib kogi güre, baba torub gammana büreaga baba, Jisas fotuwadi kanebüregüdi igaudi komen. <sup>30</sup> Bangeagako, nu ninag kodigo kümünadi, uriangüdi kümünafotuveaga.

*Jisasde fere güre gam  
etob kogi duftotuveaga  
(Mak 1.21-28)*

<sup>31</sup> Bana Jisas Nasaret ebgadüdi, Kaperneam kanüdi, bag büreaga. Baba fib aküre Galili distriküb fib toi. Bangüdi Dü Kaberegi itut ferefinafur sabüngafaigeaga.

<sup>32</sup> Bangar dora nub edüdi tergen, amure, nu fere yanım tugubüde sabüngegi sibe.

<sup>33</sup> Gürena sese, fere güre kunube fata gam büreaga baba, nu etob kogi tugu. Bangar erenana magaudire mengeaga, <sup>34</sup> “Aio, Jisas Nasaretüb, na sin gam am bangebüre oguran? Na sin kogifurusibüre ogurandag? Ye na sibam. Na fere nama, Keriab nuge gamde oguran.”

<sup>35</sup> Bangeagako, Jisasde etob kogi baba nunurudi menüm waweaga, “Na sube gütubenau fere baba ebgade.” Bangar etob kogi babade gar fere baba ninag kodigo kübüdim gam füriügeaga, bangar kurie, etob kogide uriaweaga, bangüdi kogifuruwarge. <sup>36</sup> Bangar ferefinafur gürenakuti tergüdi, ninag ninag menüm doragen, “Mogoisob, dora meme aranüm? Nu fere yanım tugu, sogi tugude sibe etob kogitoi dora düñügeaga. Bangar nini dora nub edfaigüdi, fere uriaudi kümünafaigen.” <sup>37</sup> Bangar Jisasde daba daba geaga babab doraman toi saraudi distrik babab fib itut kümüneaga.

*Jisasde Saimon Pita fiab ana namabereaga  
(Matyu 8.14-15 baba gam tugu Mak 1.29-31)*

<sup>38</sup> Jisas kunube fata baba ebgadüdi, Saimonüb fata gam iruwaboweaga. Saimon fiab ana nu subo tugu gar, mube nub füg füg büreaga. Bangar Jisas wawedi saguwebüre.

<sup>39</sup> Bana Jisas kümüna iroto biboudi, subo finege baba gam, subode ebgafotuwebüregüdi, sogsgogi dorageaga. Bangar finege baba subo kenegar, pirikanana siradüdi daba saigüdi düñügeaga.

*Jisasde ferefinafur epüra idangeaga  
(Matyu 8.16-17 baba gam tugu Mak 1.32-34)*

<sup>40</sup> Sida kanebüregeaga gam, fere simai nugengab büreanügmana subo tutug baba igaingüdi Jisas gam oguren. Bangar baba ferefinafur gürena gürena gam nugeab kube, kekia difürigar gürenakuti nama namawen. <sup>41</sup> Nude gar etob kogitoi ferefinafur epüra ebgagaingen. Etob kogitoi ferefinafur uriangen sese gam, menüm yagfaigen, “Na Keriabüb Nono.” Bangeagako, nunurungüdi dorafokoure tugu tageibürungeaga, amure, nini sibam, nu fere Keriabüde nugeab ferefinafur maig igaingegib fere uruageaga baba dogo.

*Jisas fib ere gürekoi gam urigeaga  
(Mak 1.35-39)*

<sup>42</sup> Jisas fitunana fib ere ebgadüdi, adab, fib fere kene gam bag kümüneaga. Bangar ferefinaburde fitawen, kegewen sese gam, uriangüdi kümüneregeagagagüdi tageiburuwebüregen. <sup>43</sup> Bangeagako, menüm wangeaga, “Ye fib ere gürekoi gam tugu Keriabüb Korobab dora nama pitoyeregün. Ye Keriabüde baba fünai gebüre suguryar oguran.” <sup>44</sup> Bangüdi Judia distrik kümüna urigüdi, kunube fata gagam dora pitoiaga.

## 5

*Jisasde wagar Pita wade namana deaga  
(Matyu 4.18-22 baba gam tugu Mak 1.16-20)*

<sup>1</sup> Gürena sese Jisas yag nigu Genesaretüb\* udı gam biboudi büreaga, bangar ferefinafur epüra Keriabüb dora edebüre nu gam girsa girsa ogura koiwataudi biboudi

**4:27** 2 Kin 5.1-14    **4:30** Jo 8.59; 10.39    **4:31** Mt 4.13; Mk 1.21; Lu 4.23    **4:32** Mt 7.28-29; Jo 7.46; Ta 2.15

**4:33** Mt 8.29; Mk 1.23; Lu 8.28    **4:34** Lu 1.35; 4.41; Jo 6.69    **4:41** Mt 8.29; Mk 1.25; 1.34; 3.11-12    **4:43** Lu 8.1

**4:44** Mt 4.23    **5:1** Mt 13.1-2; Mk 3.9-10; 4.1    \* **5:1** Yag nigu Genesaretüb baba nini yanbafaigen yag nigu Galili baba tugu.

büren. <sup>2</sup> Bangar Jisas oude aküre yag nigub udi gam büreaga baba kegeweaga, oude toi baba, wade dügab ferengab. Bangeagako, baba fere toi oude ebgadüdi wade dügab far toi gasa büren. <sup>3</sup> Bana Jisas oude güre gam ebedeaga, oude baba Saimonüb. Bangüdi Saimon wawar oude gam ebedüdi oude sororowar yag nigu gam kümünaureregeaga. Bangar Jisas oude gam gotogüdi ferefinaabur sabüngeaga.

<sup>4</sup> Bangafotudi, kuri Saimon menüm waweaga, "Oude orab yag kodigo kümünadi wade debüre wadeb far toi fobotgar kano." <sup>5</sup> Bangar Saimonde menüm wageaga, "Eregeam, sin utumnonou bikide gugub dügar subatausigeagako, wade güre düdarge. Bangeagako, nab sube daiudi wade dügab far toi fotutgeregenan." <sup>6</sup> Nini bangen babade, wade toi epüra kiregedi wadeb far toi kitkatwebüregen. <sup>7</sup> Bangarbere epeianügmana oude güre gam büren baba, buburengedi oguradi sagüngübüre. Bangar nini ogura wade düdi, oude aküre gobaberan. Bangar oude aküre baba gobudi, yag minigo kanebüregen. <sup>8-10</sup> Bangar Saimon Pita wade toi kiregen baba kegeudi tergeaga. Saimonüb epeiaabmana, Jemsie Jonküre tugu büren. Nugeküre Sebedib mogoi toi, nugeküre tugu tergen. Bangar epeiaabmana tugu tergen. Saimon Pita baba kegeudi, Jisasüb kebe iroto oksosob orudi wageaga, "Erekokai, na ye uriaidi kümüne. Ye menmen fere." Bangeagako, Jisasde Saimon menüm waweaga, "Kimigegena. Mügar na wade dünko kuriba, na ferefinaabur kürengüdi ige gam ogureregün." <sup>11</sup> Bana oude orudi kümüna meraı taidüdi, nugengab daba daba gürenakuti ebgagaiwafotudi, Jisas daiwen.

*Jisasde fere güre lepra subo tugu namabereaga*

(Matyu 8.1-4 baba gam tugu Mak 1.40-45)

<sup>12</sup> Gürena sese Jisas fib ere güre gam büreaga, baba fib ere gam fere güre tugu büreaga, mube nub gam lepra subo edi ginginuaboudi büreaga. Nu Jisas kegeudi oksosob orudi nurmaga kübüdim gam difürüdi, Jisas menüm waweaga, "Eregeam, na mednarba na ye idaib Keriabüb ege gam nama taidüi." <sup>13</sup> Bangar Jisasde baba fere gam kube difürüdi menüm waweaga, "Ye mediaga babaure, na idanür Keriabüb ege gam, na namaweregin." Bangar lepra subo pirikanana fere baba ebgadar namaweaga. <sup>14</sup> Bangar Jisasde dora sogsgöri menüm waweaga, "Meme daba na gam taideaga baba, fere güre wawegen, kedeb. Moses wageaga baba sibe, na kümüna kobegegi fere gam mube nagüb abatarue. Bangüdi nag mamaun baba abatargebüre bai fere, amure, subo nagüb kenegaga baba, fere sibamgeregén." <sup>15</sup> Bangeagako, Jisas daba daba geaga babab doraman baba iwargare, tün nub siradeaga. Bangar ferefinaabur epüra dora nub edebüre oguren. Baba tugu, nude ferefinaabur subo tutug baba namabürüngebüre güdi oguren. <sup>16</sup> Bangeagako, güre sese sibdwafaigebüre ferefinaabur uriangafaigüdi, fib fere kene gam kümünafaigega.

*Jisasde fere güre kebe kuge kogi namabereaga*

(Matyu 9.1-8 baba gam tugu Mak 2.1-12)

<sup>17</sup> Dü güre gam Jisas ferefinaabur sarigabürünä büreaga, Farisiwar tugu kabiab sibam sarigegiwar tugu gotogüdi büren. Nini Jerusalemüb fib ere gammabwar oguren, Galili distriküb fib toi gürenakutib gammabwar tugu oguren, Judia distriküb fib toi gürenakutib gammabwar tugu oguren. Bangar Erekokaib sogi Jisas gam bürar, subo ferefinaabur idangeaga. <sup>18</sup> Bangar fere gürekoi fere güre kemeidi oguren. Fere babab dagartoi gürenakuti kumar kur güre gam kinbüreaga. Bangar kemeidi fatagoime kümüna Jisas iroto diferebüregen, <sup>19</sup> bangeagako, ferefinaabur epürafanam büredigegar fib gütägeaga, bangar subo fere kemeidi iruwigi erekobo, kene. Bangar bere fata Jisas büreaga baba fata tor gam komen. Bangüdi fata tor güresari gogafotudi, kur fere kineaga baba, muride warüdi diferedi dab dab kanüdi, ferefinaabur kodigo, Jisasüb nurmaga iroto diferedi büreaga. <sup>20</sup> Jisas kegengeaga baba kürüna kob kainanagen, bangar wageaga, "Mai, ye nab menmen gürenakuti kenegafotun." <sup>21</sup> Kabiab sibam ferewar tugu Farisiwar tugu dora baba edüdi menüm dorafokowen, "Fere meme nu wongar Keriabüb kur debürewadi dora baba dorageaga? Fere gürede menmen unaigafotuweregarge. Baba Keriab nugenakuanab fünai." <sup>22</sup> Jisas ninib ututun sibamgafotüdi, maig nin gam dora menüm toteaga, "Amure ninib kob gam ututun babanüm büreaga?" <sup>23</sup> Am dora ye doragegi diruge? Ye menüm doragegi diruge, 'Ye nab menmen toi gürenakuti unaigafotun,' o ye menüm doragegi diruge, 'Na siradibe urige?' <sup>24</sup> Bangeagako, yeb utun baba nini menüm sibamgane, Fereb Nono nu, meme kübüdim gam sogi tugu, bangar nu menmen toi unaigafotugeregeaga." Bana Jisas fere dagar gürenakuti kumeaga baba gam agügüdi menüm waweaga, "Ye wanün, na

5:5 Jo 21.3    5:6 Jo 21.6    5:8-10 2 Sml 6.9; 1 Kin 17.18; Mt 4.19    5:11 Mt 4.20; 19.27; Mk 1.18; Lu 18.28

5:14 Wkp 14.1-32    5:16 Mt 14.23; Mk 1.35; 6.46    5:20 Lu 7.48    5:21 Sng 32.5; Ais 43.25; Lu 7.49    5:24

siradibe kur nagüb dice, fata nagüb gam kümüne.”<sup>25</sup> Bangar ferefinaburüngab ege gam, fere baba pirikanana siradüdi, kur nuge kineaga baba deaga. Bangüdi Keriabüb yanim siradgabürübina fata nugeab gam kümüneaga.<sup>26</sup> Bangar ferefinabur gürenakuti baba daba kegeudi tergen. Bangar Keriabüb sogi ere baba kegewebüre, kob nugengab siradeaga. Bangar Keriabüb yanim siradgabürüdi menüm wagen, “Mügar sige daba kegeugabge baba daba taidar kegewenan.”

*Jisasde Livai yaguweaga*

(Matyu 9.9-13 baba gam tugu Mak 2.13-17)

<sup>27</sup> Kuri Jisas urigüdi kümüna kegenam degi fere güre kegenam debegegi fata gam gotogüdi büreaga baba kegeweaga. Fere babab yanim Livai. Bangar Jisasde menüm waweaga, “Na ogura ye daie.”<sup>28</sup> Bangar Livai daba daba gürenakuti ebgadüdi, kümüna Jisas daiweaga.

<sup>29</sup> Bana Livai nugeab fata gam Jisasure kobe erekokai kobegeaga. Kegenam degi ferewar epürage tugu ugu ferewar tugu nugeküre keab gotogüdi daba nen.<sup>30</sup> Bangar Farisiwar tugu nugengab kabiaib sibam ferewar tugu, Jisasüb daidaiwegi toire dorafokowen. Menüm wagen, “Nini, amure kegeom degi ferewarie, menmen fere gürekoi keab daba tugu, yag tugu nüfaigenan?”<sup>31</sup> Bangar Jisasde dora ninib maig menüm toteaga, “Fere subo kene nini, kau fere gam kümünafaigedige. Fere subo tugu gürena kau fere gam kümünafaigen. <sup>32</sup> Banüm gürena, ye fere nama yagüngür kob piruwebüre ogurage. Ye menmengeg ferewar yagüngür kob piruwebüre oguran.”

*Jisas daba kudigegi kabiaure dorageaga*

(Matyu 9.14-17 baba gam tugu Mak 2.18-22)

<sup>33</sup> Bangar ferewar Jisas menüm wawen, “Güre sese Jonüb daidaiwegi toi daba kudigafaigüdi sibdibwafaigen. Bangar Farisiwarüngab daidaigegi toi tugu bangafaigen. Bangeagako, nab daidaigegi toi nini daba, yag nüdaiwen.”<sup>34</sup> Bangar Jisasde menüm wangeaga, “Fere güre finege debüregarba, fere baba nugeab büreabmana kiab bürarbere, nini büreabmana wanügar daba kudigeben de? Kene.”<sup>35</sup> Bangeagako, kuri fere baba igaiudi kümünafotuwen, bangar büreabmana kiab bürarge, baba sese gamba, nini daba kudigeregen.”

<sup>36</sup> Jisas komina dora güre tugu dünlügeaga. Menüm wageaga, “Karün güre egimengab aigo tugu garba, ferede karün omo güre dibüragüdi karün egimengab giwafaigarge. Nu bangüdiba, karün omo baba kogifuruweregeaga, baba tugu karün mara omo baba, karün egimengab sibe taideregarge.”<sup>37</sup> Fere dür sike egimengab gamde wain omob mum kunfaigedige. Nu bangüdiba, wain omob mumüde dür sike pusufotuwar wain kübüdüm gam edogeregeaga. Bangar dür sike tugu koigeregeaga.<sup>38</sup> Babaure, dür sike omo gamde wain omob mum kunfaigen. <sup>39</sup> Bangar fere nu wain mum egimengab niaganwaib baba, nu menüm wagfaigeaga, ‘Ye wain omob mum nimeiafaigarge. Egimengab baba nama.’”

## 6

*Jisas Dü Kaberegi gam füni tageiberegib kabiaure dorageaga*

(Matyu 12.1-8 baba gam tugu Mak 2.23-28)

<sup>1</sup> Dü Kaberegi güre gam Jisas wit küm toi kodigo urigeaga. Bangar nugeab daidaiwegi toi wit magmagüb sike dufotugebüre kubaeg noa noagüdi nüdaiwen.<sup>2</sup> Bangeagako, Farisi gürekoi baba kegeudi menüm wagen, “Dü Kaberegi gam baba kabia gegi kedeb, babaure nini amure bangenan?”<sup>3</sup> Bangar Jisasde dora ninib maig menüm toteaga, “Devitüde daba geaga babab doraman nini ninaiargedag? Baba sese gam nuge, nugeab büreabmana keab ogunongeagagüdi wagün.”<sup>4</sup> Bangar Devit Keriabüb sel fata gam iruwaboudi, Keriabüb nurmaga gam bret difürüfaigen baba deaga. Bret baba kedeb babaure, Keriabüb kobegegi ferewar gürena neregen. Bangeagako, Devit nu neaga, bangüdi nugeab büreabmana tugu dünlügeaga. Dora baba ninaiargedede?”<sup>5</sup> Bangar Jisasde namana menüm wangeaga, “Fereb Nono nu Dü Kaberegi taugeaga.”

*Dü Kaberegi gam Jisasde, fere kube kogi namabereaga*

(Matyu 12.9-15 baba gam tugu Mak 3.1-6)

<sup>6</sup> Dü Kaberegi güre gam Jisas kunube fata gam iruwaboudi ferefinabur dora dünlügeaga. Baba gam fere güre büreaga, nub kube namayaub kumudi fananamgeaga.

<sup>7</sup> Kabiaib sibam ferewar tugu Farisiwar keab Jisas idadau taugen, amure, Dü Kaberegi

gam fere subo tutug baba idadangebeagade, kenedag baba sibamgebüregen. Jisas dora gam diferebüre, erekobo fitawebüregen. <sup>8</sup> Bangeagako, Jisas ninib ututun sibamgeaga. Babaure fere kube kogi baba menüm waweaga, "Na siradibe ferengab ege gam meag biboue." Bangar baba fere siradüdi biboyeaga. <sup>9</sup> Bangar Jisasde menüm wangeaga, "Ye totongebüregün. Dü Kaberegi gam kabia nama gegide, ede kabia kogi gegide? Fere sagüngüdar nama bürebende, ede kogifürungegide?" <sup>10</sup> Bangar Jisas fere gürenakuti gam agügübina kümünadi fere baba menüm waweaga, "Kube nagüb surugabere." Fere baba bangeaga babade, kube nugeab maig namaweaga. <sup>11</sup> Bangeagako, kabiab sibam ferewar tugu Farisiwar tugu magirangar nuge nuge menüm wagen, "Jisas gam am bangegi?"

*Jisasde saina mogoi toi gürena bede fogo aküre uruageaga  
(Matyu 10.1-4 baba gam tugu Mak 3.13-19)*

<sup>12</sup> Bana baba sese Jisas sibdibwebüregeaga, bangüdi gir güre gam komadi Keriabure utumnonou sibdibweaga. Baba utumnonou sibdibwa bürar kümüna subaiboia. <sup>13</sup> Sida taideaga, bangar nugeab daidaiwagi toi yagüngar oguren. Bangüdi gürena bede fogo aküre uruangeaga. Bangafotudi Jisasde wageaga, "Nini yeb dora turewegi ferewar." <sup>14</sup> Güre baba Saimon, bangar nu Jisasde yanım Pita duweaga. Bangüdi Andru tugu uruageaga, nu Saimonüb mebe, babade Jems babade Jon babade Filip babade Bartolomyu. <sup>15</sup> Babade Matyu babade Tomas babade Jems, nu Alfiusüb nono, babade Saimon, nu Selot simaingab gingannab, <sup>16</sup> Babade Judas, nu Jemsüb nono, babade Judas Iskariot, kuri baba ferede Jisas nugeab karau kube gam difereregeaga.

*Jisasde ferefínabur epüra namangabereaga  
(Matyu 4.24-25 baba gam tugu Mak 3.7-12)*

<sup>17</sup> Bana Jisas nugeab daidaiwagi simai keab gir gamde kanen. Bangüdi nu kümüna kübüdim güre surur fanam gam nugeab daidaiwagi gin ere simai keab biboudi büreaga. Ferefínabur epüra fanamge. Judia distriküb fib toib ferefínabur oguren, fib ere Jerusalémüb ferefínabur tugu oguren, sağu güre Tair fib ereie Saidonküre kodigo büreaga baba gammabwar, nini tugu komen. <sup>18</sup> Nini nugeab dora edebüre oguren, bangüdi nude subo nugengab namabürüngeregeagagüdi oguren. Bangar ferefínabur etob kogide kogifürungeaga baba, Jisasde etob kogi baba ferefínabur gam dufotugeaga. <sup>19</sup> Bangar ferefínabur gürenakuti nu gam kube diferebüregen, amure, soğrı erekokai nu gam büreaga, baba sogide, ferefínabur nu gam kube differen baba, namabürüngafaigeaga.

*Jisasde wageaga kogiwab ferewar, nini ebebearwane  
(Matyu 5.1-12)*

<sup>20</sup> Bana Jisas nugeab daidaiwagi simai gam agügüdi menüm wageaga, "Nin kogiwab ferewar, nini ebebearwane. Keriabüb Koroba baba ninagüngab. <sup>21</sup> "Mügar nin oguno bürenanwar nin ebebearwane. Kuri nini daba fugongeregeaga. "Nini mügar mürbürenan, nini ebebearwane. Kuri nini kuigeregenan.

<sup>22</sup> "Kuri nini Fereb Nono daiwar fere simai nini kegengüdi, kob kürüna koigeregen. Bangüdi ninide ninag kudengüdi nenüngeregen. Bangüdi ninide, ninagüngab yanım kegeweregen baba, daba güre kürüna kogi sibe. Bangar baba sese gam daba daba gürenakuti taidarba, nini ebebearwane. <sup>23</sup> Bangar baba kabia nini gam gediba, bana nini ebebearbenar mermerwane. Edane. Fib nama gam mur erekokai dagongüdi büreaga. Egime nugengab matananügmanade kabia baba sigena kiari ferewar gam güfaigen.

<sup>24</sup> "Bana nini kegeam ere tutugub fere simai, nini dabnana nini nagüngab kob namaberegi daba daba kiregafotuwenan.

<sup>25</sup> "Nini mügar daba nar fugongafaigeaga simai, nini dabnana, kuri nini ogunongeregeaga.

"Nini mügar kuigafaigenan simai, nini dabnana kuri baba nini merar agugur nagüngab ege gamde edogeregeaga. <sup>26</sup> Bana fere gürenakuti ninib yanım siradgaberdi, bana nini dabnana. Egime nugengab matananügmanade kabia baba sibenana kiou kiari ferewar gam güfaigen."

*Karau toi kob düñügegib kabia  
(Matyu 5.38-48)*

**6:8** Lu 5.22; 9.47    **6:12** Mt 14.23    **6:13** Mt 10.3-4; Mk 3.13-19; Jo 6.70    **6:20** Mt 5.3; 11.5; Je 2.5    **6:21** Sng 126.5-6; Ais 55.1; 61.3; IDT 7.16-17    **6:22** Mt 5.11; Jo 15.19; 16.2; 1 Pi 2.19; 4.14    **6:23** 2 Sto 36.16; Mt 5.12; Tu 5.41; 7.52; Kl 1.24; Je 1.2    **6:24** Amo 6.1; Mt 6.2; 6.5; Je 5.1    **6:25** Snd 14.13; Ais 65.13; Je 5.1-6    **6:26** Jo 15.19; 1 Jo 4.5

<sup>27</sup> Jisas namana menüm wageaga, "Ferewar nini dora yeb edfaigenan baba wangün, nini ninagüngab karauyanügmana kob dünungane. Bangüdi ferewar ninagure kob koigafaigen babawar gam, kabia nama gane. <sup>28</sup> Fere gürekoide Keriab nini kogi fürüngeregeagagüdi banüm doragediba, nini baba simai namabürüngebüre Keriab totowane. Bangüdi ferewar ninag kogifürüngen baba, sibdibwar Keriabüde niranganeregeaga. <sup>29</sup> Bana fere gürede suagamaranarba, suagab güresari tugu piruwa nu gam kümüno. Fere güre karün nab buruwarba, enegi nagüb tuguna ebgafotuwab do. <sup>30</sup> Fere gürenakuti daba daba sigegüdi totonediba, dünüge. Bana fere gürede daba daba nab kiregarba, nude maig nag dünebüregüdi ere doragegena. <sup>31</sup> Kabia gürenakuti ferefinabur ninag gam gebüregüdi güfaigenan, baba kabia gürena ninide maig gürewar gam gane.

<sup>32</sup> "Bana nini fere ninagure güfaigen babawar gürena kob dünungüdiba, Keriabüde yanım ninib siradgabereregarge. Menmen gügab fere simai nini tugu, kabia babanüm gürena güfaigen, fere ninagure güfaigen babawar gürena, kob dünungafaigen. <sup>33</sup> Bana ferewar kabia nama ninag gam güfaigen, baba kabianana baba ferewar gam maig toudiba, Keriabüde yanım ninib siradgabereregarge. Babanüm gürena, menmen gügab fere simai tugu, ferewarde kabia nama ninag gam güfaigen baba, maig tofaigen. <sup>34</sup> Bana nini nagüngab utunde, fere simai daba daba maig toweregengüdi, baba fere simai gürena daba daba dünungüdiba, Keriabüde yanım ninib siradgabereregarge. Menmen gügab fere simai tugu, nini fere menmen gügab fere simai gürena daba daba dünungafaigen. Baba amure, nini sibam, baba fere simai nugengab daba daba maig toweregen. <sup>35</sup> Bangeagako, nini nagüngab karauyanügmana kob dünungafaigen. Nini baba simai gam kabia nama gane. Nini fere simai ninag gam daba daba maig toweregedigegüdi utungenan baba simai, daba daba dünungane. Nini bangüdiba, kuri nini mur erekokai tugu. Bangar nini Keriab Kekia Asaub nono büreregelen. Nu fere simai nugeure esegüfaignedige gam tugu, fere kogi simai gam tugu kabia nama güfaigeaga. <sup>36</sup> Nini fere simai korarabüngane, Keriabüde ninagure kororabgafaigeaga sibe."

*Nini fere gürekoingab kabia nanawagana  
(Matyu 7.1-5)*

<sup>37</sup> Jisasde namana menüm wageaga, "Nini gürekoingab kabia nanaudi nini fere kogi gagana. Keriabüde kabia baba sibenana ninag gam tugu geregeaga. Nini ferengab menmen unaigane, bangar Keriabüde ninagüngab menmen unaigeregeaga. <sup>38</sup> Nini daba daba gürewar dünungane, bangar Keriabüde daba daba ninag dünungeregeaga. Nu ninag gam nama nama namana kabatangeregeaga, bangüdi gobabereregeaga, bangüdi búraiar kantüdi, namana gobabereregeaga. Bangar daba daba kürüna edogeregeaga, bangüdi ninag dünungeregeaga. Ninagüde aranümdag fere gürekoide dünungawaigenan, baba sibenana, Keriabüde ninag gam maigabürüngegeaga."

<sup>39</sup> Jisasde komina dora güre tugu menüm dünungegeaga, "Ege gomo gürede ege gomo güre erekobo abatarwebeagade? Kene. Nugekürenana ub gam fürügeregen. <sup>40</sup> Sibam degi mogoide nugeab sibam sarigegi fere emegerwarge. Bangeagako, nu idadau sibam düdi kenegafotudiba, baba sese gam, nu nugeab sibam sarigegi fere sibenana taidergegeaga.

<sup>41</sup> "Amure büreyanüb ege gam nom fanamere büreaga baba kegeun, bangeagako nagüb ege gam au mara ere baba büreaga baba utungabge? <sup>42</sup> Nagüb ege gam au mara ere büreaga baba kegewabgegarba, bana aranüm büreyan wawege, 'Mai, ye nab ege gam nom büreaga baba düfotuwebüregün gege'? Na kioutuka fere, nagüb ege gam au mara ere büreaga baba düfotubieie. Bangüdie nag idadau agüyüdi, büreyanüb ege gam nom fanamere büreaga baba düfotuwe."

*Au kogi nu nama kogi fürfaigeaga  
(Matyu 7.16-20 baba gam tugu Matyu 12.33-35)*

<sup>43</sup> Jisas namana menüm wageaga, "Au nama nu nama kogi fürfaigarge. Baba sibe au kogi nu nama nama fürfaigarge. <sup>44</sup> Fere au nama ferar kegefaigüdie, au namade kogi baba sibamgeregen. Fere simai nini muri dumegi tugu gam kümüna au kurabüb magi düfaignedige. Baba tugu au fanamere kogi dumegi tugu gam wain murib magi düfaignedige. <sup>45</sup> Fere nama nu, ututun nama epüra fanam nub kob gam büreaga.

**6:27** Kis 23.4; Snd 25.21; Mt 5.44; Ro 12.20    **6:28** Lu 23.34; Tu 7.60    **6:29** Mt 5.39; 1 Ko 6.7    **6:30** Lo 15.7-10;

Snd 21.26; Mt 5.42    **6:31** Mt 7.12    **6:32** Mt 5.46    **6:34** Mt 5.42    **6:35** Wkp 25.35-36; Sng 37.26; Mt 5.45

**6:37** Mt 6.14; 7.1    **6:38** Snd 19.17; Mt 7.2; Mk 4.24; Je 2.13    **6:39** Mt 15.14    **6:40** Mt 10.24-25; Jo 13.16; 15.20

**6:41** Mt 7.3    **6:43** Mt 7.16-17    **6:44** Mt 12.33    **6:45** Mt 12.34

Bangar nu kabia nama güfaigeaga. Fere kogi nu ututun kogi epüra nub kob gam bürarge. Bangar nu kabia kogi güfaigeaga. Babanüm ututun kob nub gam gobeaga baba, subede pitaifaigeaga."

*Fata idawegib kabia aküre  
(Matyu 7.24-27)*

<sup>46</sup> Jisas namana menüm wageaga, "Nini ye yanbaidi 'Erekokai, Erekokai,' güfaigenanko, amure yeb dora daiwarge? <sup>47</sup> Fere güre ye gam oguradi dora yeb edüdi daiwarba, bana ye fere babanümüb kabiaure wangeregün. <sup>48</sup> Baba fere nu fere güre fata idawebüregegi sibe. Nu ub kese kureregeaga, bangüdie kagu diferar kaneregeaga. Bangüdi kübüdm biar kanüdi kagu sogigabereregeaga. Bangüdie baba kekia fata fereregeaga. Bangar kuiai sese taidar yagüde fata baba esuwar, fata suruweregarge. Amure, fere baba nu fata nama sogi fereaga. <sup>49</sup> Bangeagako fere yeb dora edüdi daiwarge baba, nu fere güre fata udi gam tuaberegi sibe. Babaure kuri yagüde fata baba esuwarba, pirikanana surudi kürüna koigeregeaga."

## 7

*Jisasde maraipapangab taugegib sarua mogoi namabereaga  
(Matyu 8.5-13)*

<sup>1</sup> Jisas ferefínabur gam dora pitaifotudi, kümüna Kaperneam fib ere gam taideaga. <sup>2</sup> Maraipapangab taugegi güre büreaga, nu sarua mogoi güre tugu. Nu nugeab sarua mogoi baba idadai kob duwafaigeagako, mügar baba sarua mogoi nu subo tugu, bangar kumebürenanageaga. <sup>3</sup> Maraipapangab taugegi, Jisas büreagagegi dora edeaga, bangar nu Judawarüngab taba fere simai sugurungar kümüna totowedi ogura nugeab sarua mogoib subo namaberebüregüdi sugurungeaga. <sup>4</sup> Bana nini kümüna Jisas gam taidüdi, marbinab gamde kororab dora menüm wawen, "Baba taugegi nu fere nama, na nu saguwegi nama. <sup>5</sup> Nu sige Juda simai kob sigafaigeaga. Nugede sinib kunube fata idaweaga."

<sup>6</sup> Bana Jisas nini keab kümüneaga. Nu kümüna fata gam iroto taidarbere, baba maraipapangab taugegi babade, büreabмана sugurungar Jisas gam menüm dora düdi kümünen, "Erekokai, na ogurebüre utungegena. Ye fere namagar na ogura yeb fata gam iruweregabge. <sup>7</sup> Babaure ye menüm utungun, ye fere namagegar, ignede ogura na kegeneregün. Babaure na dora gürena doragab, yeb sarua mogoi maig namaweregeaga. <sup>8</sup> Ye banüm doragün, baba amure, ige tugu ige fere yanım tugubüde tauiar nu minigo bürün. Bana ige tugu ige maraipapawar tugu ige minigo bürfaigen. Bana ye güre waudi, 'na kümünegürba', nu kümünafaigeaga. Bana ige güre waudi, 'na oguregürba', nu ogurafaigeaga. Bana igeab sarua mogoi waudi, 'na fünai baba gegürba', nu güfaigeaga."

<sup>9</sup> Jisas dora baba edüdi, fere babab doraure tergeaga. Bangüdi piruaboudi ferefínabur ginere nuge daiwen baba wangeaga, "Ye wangün, fere memeb kob kainana sibe, Israel fere güre kegeurge." <sup>10</sup> Bana baba fere simai maraipapangab taugegide sugurungar kümünen baba, nini maigüdi fata gam oguren baba, sarua mogoi namaweaga baba kegewen.

*Jisasde Nain fib ere gammab mogoi güre kumarbere imowar siradeaga*

<sup>11</sup> Dü güre gam Jisas fib ere güre gam kümüneaga, yanım nub Nain. Nugeab daidaiwegiwar tugu ferefínabur gin erewar tugu nuge keab kümünen. <sup>12</sup> Nu güb fib ere baba koiveaga babab kudumege ere iroto taideaga, bangüdi fere gürekoi fere güre kumeaganwaib kemeidi fib ere obgoira füraboeni baba kaingeaga. Fere babab ana, nu nono gürenakuana baba tugu, kab nugeab tugu kumar oyemadi büreaga. Bangar baba fib ere gammab ferefínabur gin ere, finege baba keab oguren. <sup>13</sup> Erekokai finege baba kegeudi, kürüna kororabweaga, bangüdi finege menüm wawega, "Na meregena." <sup>14</sup> Bangüdi kümünadi, fere baba kemeien baba kur gam kube difereaga. Bangar fere simai kur baba kemeien baba biboyen. Bangar Jisasde wageaga, "Omo mogoi, ye wanün, na sirade." <sup>15</sup> Bangar fere kumeaganwaib baba, siradüdi gotogeaga, bangüdi dorageaga. Bangar Jisasde nugeab ana maig duweaga. <sup>16</sup> Ferefínabur gürenakuti Keriabüb sogi ere baba kegeudi kob siradar, Keriabüb yanım siradgaber. Nini wagen, "Kiari fere güre ere manage sige kodigo taideaga." Bangüdi wagen, "Keria manage nugeab ferefínabur sağungebüre ogurafotuweaga." <sup>17</sup> Bangar Jisasde daba daba geaga baba doraman,

ferefinabur gürenakutide düdi, Judia distriküb fib itut gürenakuti gam tugu eib eib fib gam tugu dora mangüdi urigegin.

*Jon Yagfidegibüde daidaiwegi aküre sugurungan Jisas gam kümünen  
(Matyu 11.2-19)*

<sup>18</sup> Jonüb daidaiwegiwarde baba daba daba gürenakuti Jisasde geaga babaure Jon wawen. Bangar Jonüde nugeab daidaiwegi aküre yagüngüdi, <sup>19</sup> nugeküre Erekokai gam kümüna menüm totowebüregüdi sugurungeaga, "Na fere Keriabüde sugurwar ogurebüre dora idafotuveaganwaib baba ferede, ede sin güre momoweregenande?" <sup>20</sup> Baba fere aküre Jisas gam taidüdi, wagen, "Jon Yag Fidegibüde sugursigar na gam ogurenan, menüm totonebüregaeaga, 'Na fere Keriabüde sugurwar ogurebüre dora idafotuveaganwaib baba ferede, ede sin güre momoweregenande?'"

<sup>21</sup> Baba sese gam Jisas ferefinabur eib eib subo tugub namabürüngeaga. Bangüdi etob kogitoi fanamge nini gam büreaga baba düfotugeaga. Bangüdi nude gar ege gomo simai, agügen. <sup>22</sup> Bangüdi Jisasde Jonüb daidaigegi aküre gam dora menüm toteaga, "Ninaküre daba daba mügar kegewenan tugu edenan tugu babaure kümüna Jon wawane. Ege gomowar nini maig agügen, kebe kogiwur urigen. Ferengab mube lepra subo tutug baba, urun taiden, kagub kogi simai nini dora eden, ferewar kugumgafotuwen baba, nini maig siraden, bangar kogiwab ferewar nini dora nama eden. <sup>23</sup> Bana fere simai ye kegeidi, kob kainana ninib fürügarge baba, nini ebebearwane."

<sup>24</sup> Fere aküre Jonüb dora düdi ogurenwaib baba, nugeküre kümünafotuwen, bana Jisasde ferefinabur Jonure menüm wangeaga, "Nini fib fere kene gam kümünenan baba, daba güre kegewebüre kümünenan. Nini kübürde kauta güre isoweaga baba kegewebüre kümünärge. <sup>25</sup> Nini am daba kegewebüre kümünenan? Nini kümüna fere güre karün toi nama nama eneaga baba kegewebüre kümünenande, io? Ferewar karün nama nama enüdi, mube gammab daba daba nama nama tugu, babanüm ferewar erekokayaungab fata gam bürfäigen. <sup>26</sup> Ba nini am daba kegewebüre kümünenan? Nini kiari fere güre kegewebüre kümünenande? Io, nuge dogo. Bana ye nini wangün, baba kiari fere Jon nu, kiari fere gürekoi gürenakuti emegerüngeaga. <sup>27</sup> Baba fereure dogo Keriabüb budide menüm wageaga, 'Ede. Ye fere güre igeab dora pitoebüre sugurwergün, bangar nu kese agfürüdi kümüneregeaga. Bangüdi nagüb erekobo ekotagabereregeaga.' <sup>28</sup> Ye menüm wangün, Jon fere gürenakuti meme kübündim gam büren baba, emegerüngeaga. Bangeagako fere nu Keriabüb Koroba gam kürüna fanamere büreaga baba, nu Jon emegerweaga."

<sup>29</sup> Ferefinaburie kegeam degi ferewar keab Jonüb kube gam yag fidewaib babaure, dora baba edftudi wagen, "Keriabüb kabia baba gürenakuti nama fanam." <sup>30</sup> Bangeagako, Farisiwarie kabiab sibam ferewar keab, nini Jon kube gam yag fidedige. Babauke, Keriabüde erekobo nama abatarüngeaga baba, nige duen.

<sup>31</sup> Bana Jisas namana menüm wageaga, "Ye mügar meme sese gammab ferefinaburure komina dora doragebüreba, ye komina dora aranüm doragü? Nini am fere sibe? <sup>32</sup> Nini mogoi farafara sibe guruwegi fib gagam gotogaboudi bürüdi, mogoi farafara gürewarure menüm yogezi sibe, 'Sin ninag meruwebüregüdi keag fuwenanko, ninag meruwarge, sin kororab mun orenanko, ninag meregi uruwenan.' " <sup>33</sup> Bana Jisas namana menüm wageaga, "Jon yag fidegi nu ogureaga ba, nu bret tugu wain mum tugu rifaijarge. Bangar ninagüde wagenan, 'Etob kogi nu gam büreaga.' <sup>34</sup> Mügar Fereb Nono ogureaga meme, nu daba tugu yag tugu neaga, bangar ninagüde wagfaigenan, 'Kegewanan, baba fere nu daba tugu wain mum tugu gugub nuaigeaga. Nu kegeam degi ferewar tugu menmen gügab fere gürekoi tugub büreanüg.' <sup>35</sup> Nini banüm wagfaigenan, bangeagako ferefinabur Keriabüb sibam deginwaib baba simaide, sige menüm abatarsigen Keriabüb sibam namafanam."

*Finege gürede Jisasüb kebe mara agugur fiduweaga*

<sup>36</sup> Farisi gürede Jisas ogura nuge küre daba nebüregüdi yaguweaga. Judangab kabia nini kurebdır kinboudı daba nuaigen. Babaure Jisas baba Farisib fata gam daba nebüre kurebdır kinboweaga. <sup>37</sup> Finege güre kabia kogkogi güfaijägeaga baba, nu baba fib ere gam büreaga. Nu Jisas Farisi babab fata gam daba neagagegi dora edüdi, wel kiag güre kuri nama tugu baba düdi ogureaga. Baba wel keag, kegenam gamde idawenwaib. <sup>38</sup> Bangüdi nu kümüna Jisasüb nige gam kebe iroto biboudi, mür büreaga.

Agugur nugeab Jisasüb kebemara gam edogeaga, bangar finege baba nugeab taba sarade tatageaga. Nu Jisasüb kebe epüra fanam nur dokuwarge, bangüdi wel kuri nama tugu baba düdi kebemara nub gam kubieaga.

<sup>39</sup> Baba Farisi Jisas yaguwar ogureaganwaib baba, nu daba daba finege babade geaga baba kegeudi, menüm ututun toitoiweaga, "Baba fere nu kainana kiari fere garba, finege baba nugeab kebemara gam kube difereaga baba sibamgeregeaga, bangüdi kabia nub tugu sibamgeregeaga. Baba finege nu menmen gügab finege."

<sup>40</sup> Jisas nu fere babab ututun sibamega, bangüdi menüm waweaga, "Saimon, ye dora güre wanebüregün." Bangar Saimonde wageaga, "Sibam sarigegi, na dora nab pitoie."

<sup>41</sup> Bangar Jisasde wageaga, "Fere aküre nini, fere gürena gam nurto tugu. Güre baba nu nurto K500.00 tugu, güre baba nu nurto K50.00 fanam tugu. <sup>42</sup> Nugeküre nugengab nurto maigaberegi towarge, bangar baba ferede nugeküreb nurto ebgafotuveaga. Bana nab ututun baba, aküre baba wonide baba fere namana meduebeaga?"

<sup>43</sup> Bangar Saimonde menüm dora toteaga, "Yeb utunba, fere nurto nugeab erekokai ebgafotuveaga baba." Bangar Jisasde waweaga, "Ututun nab kainana."

<sup>44</sup> Bana Jisas piruaboudi finege baba kegeudi, Saimon menüm waweaga, "Na finege meme kegeun de? Ye ogura fata nab gam iruaboinko, na ye yag siab kebemara gasaurge. Bangeagako finege meme nugeab agugurde yeb kebemara gasaweaga, bangüdi nugeab taba sarade püta tatageaga. <sup>45</sup> Na nudokiabge. Bangeagako, ye ogura iruaboin sese gam, meme finege nu yeb kebemara nudokua büreaga. <sup>46</sup> Na wel düdi yeb taba gam kubieabge. Bangeagako, meme finegede wel kuri nama tugu düdi ogura yeb kebemara gam kubieaga. <sup>47</sup> Bangar ye wanün, sige meme finege kegewenan gam, nu ye kürüna medweaga baba, sige sibam, Keriabüde nub menmen toi gürenakuti unaigafotuveaga. Bangeagako fere menmen fanamere gar Keriabüde nub menmen unaigeaga baba, nub medweaga baba fanamere." <sup>48</sup> Bana Jisasde finege baba menüm waweaga, "Ye nab menmen toi unaigafotun." <sup>49</sup> Fere simai tag gam nugekeab kuremdir kinen baba, dora baba edüdi, nugenuge menüm doragen, "Meme fere nu wonigar nu menmen toi unaigeaga?" <sup>50</sup> Bana Jisasde finege baba menüm waweaga, "Nagüb kob kainanade gar, mügar na Keriaab küre nama bürün. Na kümüne, kob nab dab fanam büreregeaga."

## 8

### *Finabur gürekoi Jisas daiudi urigen*

<sup>1</sup> Bana fanam bururudiba, Jisas fib ere ere gam tugu, fib itut urigüdi, ferefínabur gam Keriabüb Korobab dora nama pitoiaga. Bangar daidaiwegitoi gürena bede fogo aküre, nini tugu nu keab urigüdi kümünen. <sup>2</sup> Bangar finabur gürekoi, nuge egime Jisas nudede nini gam etob kogitoi difotugüdi, subo nugengab tugu kenegafotugeaga, baba finabur tugu, nu keab urigüdi kümünen. Güre baba Maria, nu Makdala fib ere gammab Mariagüdi yanbafaigen. Egime Jisasde nu gam etob kogi nonob tugu düfotuveaganwaib. <sup>3</sup> Joanae Susanaküre tugu, finabur gürekoi epürage tugu nu keab kümünen. Joana nu Kusab fia. Kusa nu Herotüb fatab taugegi büreaga. Baba finaburwarde, Jisas nugeab daidaiwegi simai keab sagüngebüre, nugengab daba daba düdi dünungafaigen.

### *Jisasde fere wit magi küm gam furaweaga babaure komina dora dorageaga (Matyu 13.1-9 baba gam tugu Mak 4.1-9)*

<sup>4</sup> Fib ere gürenakutib gammab ferefínabur Jisas gam oguren, bangar ferefínabur epürage gurudi büren. Bangar komina dora güre menüm düngleagega, <sup>5</sup> "Fere güre kümüna wit magi küm gam furabina kümünar, wit magi gürekoi erekobo gagam musudgeaga. Bangar ferede bitobaitowegin, ai toide tugu ogura nen. <sup>6</sup> Wit magi gürekoi kübüdim kegenam tugu gam musudigen. Bangar wit kuaia tataigenko, kübüdim yag kenegar, baba wit kuaiatoi gürenakuti genangabougüdi kugumgen. <sup>7</sup> Wit magi gürekoi muritoi dumegi tutug kodigo musudigen. Bangar muri dumegi tutug baba, wit kiaf foudi wit korotaugen. <sup>8</sup> Wit magi gürekoi kübüdim nama gam musudgüdi kuaia fowen baba, nama, 100, 100 banüm feren." Jisas komina dora baba doragafotudi menüm yogeaga, "Fere kagub tugu garba dora meme ederegeaga."

### *Jisas nu am ututun tugu gar komina dora gamde dora pitaifaigeaga (Matyu 13.10-17 baba gam tugu Mak 4.10-12)*

<sup>9</sup> Jisas komina dora babab ginim pitoiaga babaure, nugeab daidaiwagi toide, nuge totowen. <sup>10</sup> Bangar menüm wangeaga, "Ninag Keriabüde eungar Keriabüb Korobab, iwagegi dora toib, ginim, sibamgafotuwenan. Bangeagako, ferefinabur gürekoi nini komina dora gürena edfaigen. Bangar nini epürabede agugafaigenko, am daba güre sibamgedige. Nini dora epürabede ederegenko, dora babab ginim sibamgeregdedige."

*Wit magib komina dorab ginim  
(Matyu 13.18-23 baba gam tugu Mak 4.13-20)*

<sup>11</sup> Bangar Jisas namana menüm wageaga, "Komina dora memeb ginim baba menüm. Meme wit magi toi baba Keriabüb dora sibe. <sup>12</sup> Wit magi toi erekobo gam musudigen baba, nini ferefinabur Keriabüb dora edegei sibeko, kuri Satande oguradi dora baba kob ninib gam düfotuveaga. Satan menüm utungeaga, 'Nini kob kainanagedi Keriabüde igaingeregeagagüdi bangeaga.' <sup>13</sup> Wit magi toi kübüdim kegenam tugu gam musudigen baba, nini ferewar dora edüdi, düdi, dora babaure ebebearwagi sibeko, nini wit magi toi kübüdim gam ginim kanegi kene sibe, babaure sese siga fanam gamba, kob kainanageregen, bangar fürüregi sese gamba unonögidi Keriab ebgadügafaigen. <sup>14</sup> Wit magi toi dumegi muri toi kodigo musudigen baba, nini ferewar Keriabüb dora edegei sibeko, daba daba nuge gam tataigen babaure ututun toiトイudi, sarawen. Kegeam daba daba tugu kübüdim meme gammab daba dabaure tugu ebebearwegin. Bangar baba daba dabade korotaungar Keriabüb dora idadau daiwedige. Nini daba idadau ara ebeabgegige sibe. <sup>15</sup> Bangeagako, baba wit magi toi kübüdim nama gam musudigen baba, nini ferewar dora edüdi sogsgigi debetawegi sibe. Kob ninib baba nama fanam surur büreaga, bangar sogi biboudi nama für büren."

*Fere simai nini meram sumo saka tormogataugafaigedige  
(Mak 4.21-25)*

<sup>16</sup> Jisas namana menüm wageaga, "Fere nini nan furudi sumo saka tormogataugafaigedige, ede tag gadi gam difürügafaigedige. Nini furuadüdi tag kekia difürügafaigen, amure, ferewar fata gam irudiba, meram baba kim kegeweregen. <sup>17</sup> Daba daba gürenakuti iwagen baba, kuri ekeba tataigeregen. Daba daba gürenakuti ferewarde korotataugedi büreaga baba, kuri ekeba tataigeregen. Bangar fere sibamgeregen.

<sup>18</sup> "Nini dabnana, bangüdiba dora idadau ederegenan. Fere güre daba daba gürekoi darba, Keriabüde maig namana gürekoi duwegergeaga. Bangeagako, fere daba daba yamaige tugu baba, ige daba daba fanamere tugu güdigarba, Keriabüde nu gam baba daba daba, dufotuweregeaga."

*Wonso nini Jisasüb anamana tugu mebemana tugu?  
(Matyu 12.46-50 baba gam tugu Mak 3.31-35)*

<sup>19</sup> Baba sese gam Jisasüb anaie, Jisas nugeab mebemana, Jisas nuge kegewebüre oguren. Bangeagako, ferefinabur epürafanam gurudi büredurudi, Jisas nugeab gin nuge iroto oguregi dirugungeaga. <sup>20</sup> Fere gürekoide, Jisas menüm wawen, "Anin nagüb, mabünmania keab, nag kegenebüre obugo bai biboudi büren." <sup>21</sup> Bangeagako dora ninib maig menüm toweaga, "Ferefinabur Keriabüb dora edüdi daiwen, baba simai gürena nini yeb anigamana, nini yeb mabamana."

*Jisasde doragar kübür soji saweaga  
(Matyu 8.23-27 baba gam tugu Mak 4.35-41)*

<sup>22</sup> Dü güre gam Jisas nugeab daidaiwagi toi keab oude güre gam ebeden. Bangüdi menüm wangeaga, "Yag nigu bairasari kümünegi." Bangar kümünen. <sup>23</sup> Oude gururwarbere, Jisas nu kineaga. Bangarbere yag nigu gam kübür soji taideaga, bangar oude gam yag gobebüregeaga, bangar kenegebürenanagen. <sup>24</sup> Bangar kümüna Jisas imoudi wagen, "Eregeam, eregeam, sige kenegebüregenan bana." Bangar siradüdi kübür baba tugu yag nigu baba tugu nunurungeaga. Bangar kübür tugu yag nigu tugu saweaga, bangar yag maig binawarge. <sup>25</sup> Bangar Jisasde menüm totongeaga, "Aranüm? Kob kainanagegi ninib arag büreaga?" Bangar daidaigegi simai Jisasde fünai gugub geaga baba kegeudi, kimgüdi ututun toitoiwen. Bangar nuge nuge menüm wagen, "Am ferenana menüm? Nu kübür tugu yag tugu kakongar nugeküre dora nub eden."

*Jisasde fere güre gam  
etob kogi düfotuweaga*

(Matyu 8.28-34 baba gam tugu Mak 5.1-20)

<sup>26</sup> Bana Jisas nugeab daidaiwegi toi keab Gerasawarüngab yau kümüna taiden. Fib baba Galili yag nigu baira büreaga. <sup>27</sup> Bana Jisas onde ebgadüdi kümüna taideaga. Baba fib ere gammab fere güre nuge gam taideaga. Etob kogi gürekoi fere baba gam büren. Egimena ude dagfaigarge. Nu fata güre gam bürfaigarge. Nu ferefib gagam bürfaigeeaga. <sup>28-29</sup> Ferewar fere baba taugafaigen baba, muri sogi saka kube kebe sawaigafaigen. Bangeagako, nu muri sogi baba gurenakuti katafotugafaigeaga. Bangar etob kogi babade gufaigar, gururudi fere kene gam bag kümünafaigeaga. Bangar etob kogi fere baba ebgafotuwebüre güdi Jisas doragafotuweaga. Bangar fere baba Jisas kegeudi, magaudi Jisasüb kebe iroto fürügeaga. Bangüdi erenana yogüdi mengeaga, "Jisas, na Keriaab Kekia Asaub Nono, na ye gam am bangebüregün? Aio, na ye kogi fürüegena."

<sup>30</sup> Bangar Jisasde menüm totoweaga, "Nab yanim won?" Bangar wageaga, "Yeb yanim Maraipapa," amure, etob kogi epürage nu gam iruwen babaure, banüm wageaga. <sup>31</sup> Bangar baba etob kogi toide Jisas gam yogüdi wagen, "Na sin kudesigab ub ginim kene baba gam kanübugona."

<sup>32</sup> Dawai gin ere iroto gir fanam gam, daba nübüren. Bangar etob kogi toi Jisas sogsgo menüm totowen, "Na eusigab sin baba dawai toi gam iruweregenan." Bana Jisasde eungar kümünen. <sup>33</sup> Bangar baba etob kogi toi fere baba ebgadüdi kümüna dawai toi gam iruwen. Bangar baba dawai gin, erenana gururudu fib kogi güre gam kanen. Bangüdi yag nigu gam fürügidi yag nüdi kugumgen.

<sup>34</sup> Dawai taugegiwar baba daba taideaga baba kegeudi gusaraudi, dora düdi fib ere gam tugu, eib eib tugu kümünen. <sup>35</sup> Bangar ferefinabur ogura amdag dabana taideaga baba kegewebüregen. Bana Jisas gam ogura taiden baba, etob kogi fere baba uriawen baba kegewen. Nu ude dageaga. Ututun nugeab namawar Jisasüb kebe iroto gotogüdi büreaga. Bangar ferefinabur kegeudi kimigen. <sup>36</sup> Bangar fere egime etob kogi nu gam bürar Jisasde düfotuwar namaweaaga baba fereb doraman, fere daba daba taidar kegewenwaib babawarde dora mangen. <sup>37-39</sup> Bangar Gerasawarüngab distriküb fere gurenakuti Jisas baba fünai gugub geaga babaure ututungüdi, kimgüdi Jisas uriangüdi kümünebüregüdi bikuwen. Bangeagako, fere etob kogi toi uriawen babade Jisas menüm totoudi bikuweaga, "Na euiab ye naküre kümünaide?" Bangeagako, Jisasde sugurwar maigeaga, bangüdi menüm waweaga, "Na maigübe nagüb fib gam kümünabe, Keriaabüde nag, sagünebüre daba daba gurenakuti geaga babab dora pitoie." Bana Jisas oude gam ebedüdi maigeaga.

Bangar fere baba nugeab fib ere gam kümünadi, Jisasde nuge saguwebüre daba daba gurenakuti geaga babab dora, ferefinabur gam pitoiaga.

*Jisasde momugo güre kumeaganwaib maig sirad gabereaga, baba tugu finege Jisas nugeab karün tumaureaga baba tugu namabereaga*

(Matyu 9.18-26 baba gam tugu Mak 5.21-43)

<sup>40</sup> Bana Jisas maigüdi yag nigu baira kümünar, ferefinabur gurenakuti ebebäarwen, amure, momoudi bürenwaib babaure. <sup>41-42</sup> Bangar fere güre taideaga, nub yanim Jairas. Nu kunube fatab taba fere güre. Nu momugo gurenakuan fanam tugu, momugo baba nu mene gürena bede fogo aküre banüm. Momugo baba kumebürenanageaga. Bangar Jiras nugeab momugo babaure kob kürüna koigeaga. Babaure nu Jisasüb kebe iroto oksosob orudi, Jisas igaiudi Jairas nugeab fata gam kümünebüregüdi, totoudi bikuweaga.

Bana Jisas kümünar, ferefinabur ginbata nu keab kümünadi nu gam gütgütwanagen. <sup>43</sup> Finege güre büreaga, nu kagi sinoyegi bata bürfaigeeaga, nu mene gürena bede fogo aküre büreaga.\* Bangeagako kau fere gürede kagi subo nub namaberegi towarge. <sup>44</sup> Baba finege Jisasüb nige iroto oguradi, Jisasüb karün kuab babab maga kebe gam, gemuna tumaureaga. Banüm bangar, pirikana kagi nugeab paudi, kenegéaga. <sup>45</sup> Bangar Jisasde menüm totogeaga, "Wonide ye gam kuge difereaga?" Bangar gurenakuti wagen, "Ye kene. Ye kenegen." Bangar Pitade wageaga, "Eregeam, ferefinabur epürage ginbata biboudi koiwataunen, bangüdi nag gam gütgütwanagen." <sup>46</sup> Bangeagako Jisasde wageaga, "Gürede ye gam kuge difereaga. Sogi gürekoi uriaidi kümünar

<sup>8:31</sup> IDT 9.11    <sup>8:32</sup> Mt 8.30; Mk 5.11    <sup>8:41-42</sup> Mt 9.18; Mk 5.22    \* <sup>8:43</sup> Sibam ferewar gürekoi menüm utungen, dora adab dora meme tugu büreaga. Dora baba menüm, "Nu kau ferewarure nugeab kegeam gurenakuti namabürenwaib düfotuweaga."    <sup>8:44</sup> Mt 9.20; Mk 5.28    <sup>8:46</sup> Mk 5.30; Lu 6.19

wagün.”<sup>47</sup> Finege baba mügar sibamgeaga, iwageregarge. Bangarbere kutudi, Jisas gam iroto oguradi, kübündim gam nurmaga difürüdi oksosob oreaga. Bangüdi ferefinañbur gürenakutingab ege gam wageaga, “Kagi subo yeb pirikanana kenegeaga. Amure, ye Jisasüb karün tumaurun babade.”<sup>48</sup> Bangar Jisasde menüm waweaga, “Finege, na yeure kob kainanagün, bangarbere na maig namaun. Arie, kob nab dab fanam büreregeaga.”

<sup>49</sup> Jisas doraga bürarbere, kunube fatab taba fere güreb fata gammab fere güre oguradi, taba fere baba menüm waweaga, “Nab momugo kumeaga. Sibam sarigeji fere kub namana duwegen.”<sup>50</sup> Jisas baba edüdi, taba fere gam dora menüm toweaga, “Na kimigegega. Na kob gürena kainanagab, momugo nagüb maig siradergeaga.”<sup>51</sup> Bana Jisas taba fereb fata gam kümüneaga, bangüdi ferefinañbur eungar nuge keab fata gam iruwedige. Nu Pita igaiweaga, Jonie, Jems küre tugu, momugo babab emeana, nin gürena nuge keab iruwen.<sup>52</sup> Bangar ferefinañbur fata gam bürfotuwen baba, momugo babaure kororabünigar mür büren. Bangeagako, Jisasde menüm wangeaga, “Meragana. Kumarge. Eina kinbüreaga.”<sup>53</sup> Bangar kuipariwen, amure, nini sibamgen, momugo manage kumeaga.<sup>54</sup> Bangeagako Jisasde momugob kube debetaudi menüm yogeaga, “Momugo, na sirade.”<sup>55</sup> Bangar momugo babab etob maig nuge gam ogurar pirikanana siradeaga. Bangar Jisasde momugo baba daba gürekoi duwebüregüdi wangeaga.<sup>56</sup> Bangar momugob emeana tergen. Bangeagako, Jisasde nuge küre sogsogi menüm wangeaga, “Ninaküre daba meme taideaga babaure fere güre wawagana.”

## 9

*Jisasde daidaigegi gürena bede fogo aküre fünai dünügeaga  
(Matyu 10.5-15 baba gam tugu Mak 6.7-13)*

<sup>1</sup> Jisasde daidaigegi gürena bede fogo aküre baba yagüngar oguredi, sogi ere tugu yanım tugu dünügeaga. Baba sogi ere tugu yanım tugu baba, nini etob kogi gürenakuti ferefinañbur gagam büren baba difotugegilb düönügeaga. Baba tugu ferefinañbur amam subo tutug baba, namabürügelegen.<sup>2</sup> Bangüdi Keriabüb Korobab dora pitoiebüre tugu, subo ferewar namabürüngebüre tugu sugurungar kümünen.<sup>3</sup> Bangüdi menüm wangeaga, “Nini daba daba kiregüdi kümünagana. Nini urigegi at debetawagana, far tugu kemeiagana. Bret tugu kegenam tugu dagana. Baba tugu mube enegi aküre dagana.<sup>4</sup> Nini fib güre gam taidüdi fata güre gam iruwaboidiba, baba fata gammanna bürane. Kuri fib baba ebgadüdi gürekum kümünebüreie, fata baba ebgadane.<sup>5</sup> Fib ere güre gammab ferefinañbur ninag igaingüdi nugengab fata gam kümünedigegarba, baba fib ere ebgadane. Kümünebüreiba iibur kebe gama ninagüngab gam büreaga baba, porowane. Bangar baba kabia gegin baba, kogigüdi kim sibamgeregen.”<sup>6</sup> Bana daidaigegi simai fib adab adab gagam kümünen. Bangüdi dora nama pitoidi, babanana subo ferewar fib itut namabürügen.

*Jisas nu wondag baba, Herotüde sibamgebüreaga  
(Matyu 14.1-2 baba gam tugu Mak 6.14-16)*

<sup>7</sup> Kübündim bera taugegi agferegi Herotüde, Jisas daba daba geaga baba dora edüdi, ututun toitoiweaga, amure, fere gürekoidé menüm wagfaigen, “Jon ferefib gamde maig siradeaga.”<sup>8</sup> Bangar gürekoidé tugu wagfaigen, “Elaija taideaga.” Bangar gürekoidé wagen, “Kiari ferewar egime kugumgen babawar, güre maig ferefib gamde siradeaga.”<sup>9</sup> Babaure Herotüde menüm wageaga, “Ye sarua mogoi wangür Jonüb barub manage katafotun. Bangeagako, fere baba nu wongar tün nub siradar, ferewarde doragedi edün?” Bangüdi Jisas kegewebüregeaga.

*5,000 fere toi Jisasde daba düönügeaga  
(Matyu 14.13-21 baba gam tugu Mak 6.30-44 baba gam tugu Jon 6.1-13)*

<sup>10</sup> Dora turewegi ferewar maigüdi ogurafotudi, nuge daba daba gegin babaure Jisas wawen. Bangar Jisasde igaingüdi, fib ere güre gam kümünen, nub yanım Betsaida.<sup>11</sup> Ferefinañbur epüra, Jisas kümünafotuveagagegi dora edüdi, daiudi kümünen. Bangar nuge gam oguren babaure ebebearweaga. Nin gam Keriabüb Korobab dora pitoiaga, bangüdi babanana subo tutugub ferefinañbur idadangeaga.<sup>12</sup> Ututumira nugeab dora turewegi toi, nuge gam oguradi menüm wawen, “Na ferefinañbur sugurungab fib itut adab adab kümüneregen. Bangüdi daba tugu, kinegi fib tugu fitaweregen. Meme gam bürenan baba, fere kene.”<sup>13</sup> Bangeagako, Jisasde

daidaiwegi simai menüm wangeaga, "Ninagüde daba dünögane." Bangar wagen, "Sin daba yamaige. Bret taba tugu, wade aküre fanam gürena büreaga. Na sin kümüna meme ferefínabur gürenakutingab daba murugeregenangüdi gündag?"<sup>14</sup> Fere 5,000 banümdag bütren.

Bangar Jisas nugeab daidaiwegitoi menüm wangeaga, "Wanügar 50-50 gurudi götogeregen."<sup>15</sup> Daidaiwegi simai banüm bangedi, ferefínabur gürenakuti gotogen.<sup>16</sup> Bana bangar Jisas bret taba tugu wade aküre baba tugu düdi, kekia fib nama gam agügüdi Keriabure esegéaga. Bangüdi bret taba tugu wade tugu pusudi daidaiwegitoi dünügeaga, bangar kabataudi ferefínabur dünügen.<sup>17</sup> Bangar nedí fugongar daba makita makita bürdaiweaga baba, daidaiwegi simaide tobüdi far gürena bede fogo aküre gobaberén.

*Jisas nu wondag baba,  
Pitade dora pitoiaga*

(Matyu 16.13-19 baba gam tugu Mak 8.27-29)

<sup>18</sup> Gürena sese Jisas nugenakuana sibdibwüreaga, bangar nugeab daidaiwegitoi nuge keab bütren. Bangar menüm totongeaga, "Ferefínabur ye woni güfaigen?"<sup>19</sup> Bangar maig menüm dora towen, "Gürekoide menüm wagfaigen, na Jon yag fidegib. Gürekoide wagfaigen na Elaja. Bangar gürekoide wagen, 'Kiari ferewar egimengab baba, güre maig siradeaga.'<sup>20</sup> Bangar totongeaga, "Bana ninagüde ye wonigüdi wagenan?" Bangar Pitade dora maig menüm toteaga, "Keriabüde nugeab ferefínabur maig ogura igaingbüre dora idafotuweaganwaib na baba fere."

*Jisasde wageaga nuge kumudi maig siraderegeaga  
(Matyu 16.20-28 baba gam tugu Mak 8.30—9.1)*

<sup>21</sup> Bana Jisas nuge wondag baba, nugeab daidaiwegi simai dora sogi dünögüdi, fere güre wawagana güdi tageibirüregeaga.<sup>22</sup> Bangüdi wageaga, "Fereb Nono nu kub epürafanan kemeieregarge. Bangar taba ferewar, kobegegi taba ferewar tugu kabiaib sibam ferewar keab, nige duwerekengen. Bangüdi dora diferedi fere gürekoide orfotuweregen. Bangar dü küi gam ba maig siraderegeaga."

<sup>23</sup> Bangüdi daidaigegi gürenakuti menüm wangeaga, "Fere güre daiebüreba, nugeab ututun ebgaderegeaga. Bangüdi dü itut nugeab au fabgegi kemeide daieregeaga.<sup>24</sup> Amure, fere güre nugeab gotogegi sogsgogi debetawebüregüdiba, nub gotogegi kenegeregeaga. Bangeagako, fere güre yeure utungudi gotogegi nugeab uriafürüdiba, nub gotogegi nama büreregeaga.<sup>25</sup> Fere güre kübüdim gammab daba daba gürenakuti darseb, nuge koigüdi kumarba, baba daba daba gürenakutide aranüm saguwebeaga?<sup>26</sup> Fere güre igeure tugu igeab dora tugu febawarba, bana kuri Fereb Nono nugeab meram ere gam tugu, emeb meram tugu, Keriabüb dora dugurewegiwarüngab meram gam tugu büregi sese gam ogureregeaga baba, nu tugu baba fere febaweregeaga.<sup>27</sup> Ye kainana wangün, fere güreko meag bibowen baba, ara kumediberenana Keriabüb Koroba baba kegeweregen."

*Jisasüb mube pirudi adab taideaga  
(Matyu 17.1-13 baba gam tugu Mak 9.2-13)*

<sup>28</sup> Jisas dora baba baba dorageaga baba, dü düüm sob banüm kenegarbere, Pita, Jems, Jon, babawar igaingüdi gir gam komen, amure, sibdibwebüregeaga.<sup>29</sup> Sibdibwa bürarbere, nurmaga nugeab adab taideaga. Bangar karün nugeab maurasau taideaga, bangüdi meramgeaga.<sup>30</sup> Bangar fere aküre nuge keab doraga bütren baba, Mosesie Elajaküre.<sup>31</sup> Nugeküre Keriabüb meram tugu taidüdi, Jisasde Jerusalem bag daba daba güftudie, kübüdim baba ebgadüdi kümünergeaga babaure doragen.<sup>32</sup> Pitab mube tugu, daidaigegi aküre babab mube tugu siroi siroingar kinen. Bangar kuri maig siraden baba, Jisasüb mube gam meram kegewen, baba tugu fere aküre Jisas keab bibowen baba tugu kegengen.<sup>33</sup> Bana fere aküre Jisas keab bibowen baba, Jisas ebgadüdi kümünebüregedibere, Pitade Jisas menüm waweaga, "Eregeam, sige meag bütrenan baba nama. Sin kim yana fata küi fereregenan. Güre nagüb güre Mosesüb, güre Elajab." Pita dora baba dorageagako, nuge dora aranüm dorageaga baba, babab iginim sibamgarge.

---

9:18 Mt 16.13; Mk 8.27	9:19 Mt 14.1-2; Mk 6.14-15; Lu 9.7-8	9:20 Mt 16.15-16; Mk 8.29; Jo 6.68-69	9:22
Mt 16.21; 17.22; Mk 8.31; 9.31; Lu 9.44; 18.32-33	9:23 Mt 10.38; 16.24; Mk 8.34; Lu 14.27	9:24 Mt 10.39; Lu 17.33; Jo 12.25	9:25 Mt 16.26; Mk 8.36
9:26 Mt 10.33; Mk 8.38; Lu 12.9; 2 Ti 2.12	9:28 2 Pi 1.17-18	9:31	Mt 17.3; 17.9; Mk 9.4; 9.9; Lu 9.22; 13.33
9:32 Mt 17.2-3; Mk 9.2-4; Jo 1.14; 2 Pi 1.16-18			

<sup>34</sup> Pita dora baba dora gar bere, demenana fioude korotaungar kimigen. <sup>35</sup> Bangar demenana sube güre fiou kodigode menüm wageaga, "Meme yeb Nono. Nu igeab fünai gebüre uruagafotur büreaga, nub dora edane." <sup>36</sup> Baba sube doragafotuwar agügen baba, Jisas nugenakuana bürar kegewen. Bangafotudi gir ebgadüdi maig musuwen baba, daidaigegi simai baba daba kegewen baba, fere güre wawedige.

*Jisasde nono güre etob kogi tugub namabereaga*

(Matyu 17.14-21 baba gam tugu Mak 9.14-29)

<sup>37</sup> Dü güre kenegar, Jisas nugeab daidaiwegi simai keab gir ebgadüdi kanedibere, ferefinañur ginbata oguradi, Jisas gamam kaiwen. <sup>38</sup> Bangar baba ferefinañur kodigo, fere güredé menüm yogeaga, "Sibam sarigegi, na yeb nono kegewebüregüdi igena totonadaiun. Ye nono gürenakuana baba gürena. <sup>39</sup> Etob kogi güre nu gam manag manag iruwafaigar nono baba kerübürofaigeaga. Bangar etob kogi babade güfaigar, nono baba kutuafaigüdi kiregirewar sube gam simuk sapa sapafaigeaga. Baba etob kogide mube nub kogifuruafaigüdi, pirika nono baba ebgadügafaigarge. <sup>40</sup> Bangar nagüb daidaigegiwar etob kogi baba düfotuwebüre igena wangaurugunko, towedige."

<sup>41</sup> Bangar Jisasde dora menüm toteaga, "Ferefinañur nini kob kainanagarge baba, ututun ninib tugu kabia ninib tugu namage. Ye agarbede nini keabnana bütüdi kub ninib kemeieregün? Nono nab igaiudi ogure." <sup>42</sup> Bana nono baba Jisas iroto ogurarbere, etob kogi babade burañitwuwar fürügüdi kiregireweaga. Bangeagako, Jisasde etob kogi baba nunurweaga, bangüdi nono baba namabürtüdi maig eme duweaga. <sup>43</sup> Bangar ferefinañur gürenakuti, Keriabüb sogi ere baba kegeudi tergen.

*Jisasde maig wageaga nuge kumeregeaga*

(Matyu 17.22-23 baba gam tugu Mak 9.30-32)

Ferefinañur Jisasde daba daba geaga babaurenana ututun toitoiwen, bangar Jisasde nugeab daidaiwegi simai menüm wangeaga, <sup>44</sup> "Nini dora meme, kagub idadau difürübenar edane. Fereb Nono ferewarüngab kube gam difereregen." <sup>45</sup> Bangeagako, daidaigegiwar nini dora babab iginim sibamgedige. Dora babab iginim baba, ninag gam iwaveaga, babaure nini idadau sibamgedige. Bangar maig wangebüregüdi totwebüregenko, kimigen.

*Woni nu sinib yanim tugub fere?*

(Matyu 18.1-5 baba gam tugu Mak 9.33-37)

<sup>46</sup> Gürena sese daidaigegi simai nuge menüm doramaraignen, "Woni nu sinib yanim tugub fere?" <sup>47</sup> Ninib kob gam ututun baba büreaga baba, Jisas nu sibamgeaga. Babaure mogoi fara fanam güre igaiudi ogura nuge iroto difereaga. <sup>48</sup> Bangüdi daidaigegi simai menüm wangeaga, "Fere yeure ututungüdi mogoi fara fanam meme ebebearuaburuweaga baba, nu ye ebebearuabriaga. Babaure fere ye ebebearuaburuiaiga baba, nu emüga ebebearuaburuweaga, nude suguryar oguran. Amure, fere yanim kene ninag kodigo bütüregeaga baba, nu fere yanim tugu."

*Fere nini keab karaugarge baba, nu ninagüngab büreyanüg*

(Mak 9.38-40)

<sup>49</sup> Jon Jisasüb dora edüdi dora menüm toteaga, "Eregeam, sini fere güre kegewenan baba, nagüb yanim gamde etob kogitoi difotugeagako, daisigarge. Babaure baba fünai, tageiburuwenan." <sup>50</sup> Bangeagako, Jisasde menüm waweaga, "Fere nini keab karau kene baba, baba ninagüb büreyanüg, amure, baba fünai geaga baba ninagüb fünai sibe babaure tageiburuagana."

## **Jisas nugeab daidaigegi simai kiab Jerusalem kümünen**

(Sapta 9.51—19.28)

*Samaria distriküb ferefinañur Jisas euwedi nugengab fib gam ogureregarge*

<sup>51</sup> Keriabüde Jisas igaiudi fib nama gam komegi sese manage irotogeaga. Babaure Jisas Jerusalem kümünegi ututun sogi deaga. <sup>52</sup> Bangar daba daba dugutuwebüre, ferewar kese sugurungan kümünen. Bangar kümüna Samaria distriküb fib güre gam taiden, bangüdi Jisasüb daba daba dugutuwebüregen. <sup>53</sup> Bangeagako, baba fib gammab ferewar, Jisas igaiudi nugengab fata gagam kümünegi uruwen. Amure, nini sibam, Jerusalem kümünebüregeaga. <sup>54</sup> Daidaigegi aküre, Jemsie Jonküre Samaria distriküb ferefinañurüngab kabia baba kegeudi, Jisas menüm totowen, "Eregeam, sin keb yagudar

**9:35** Ais 42.1; Mt 3.17; 12.18; 17.5; Mk 1.11; 9.7; Lu 3.22      **9:44** Mt 16.21; 17.22; Mk 8.31; 9.31; Lu 9.22; 18.32-33

**9:45** Mk 9.32; Lu 2.50; 18.34      **9:46** Lu 22.24      **9:48** Mt 10.40; 23.11-12; Mk 9.37; Lu 10.16; Jo 12.44; 13.20      **9:49**

Nam 11.28; Mk 9.38      **9:50** Mt 12.30; Lu 11.23      **9:51** Mk 10.32; 16.19      **9:53** Jo 4.9      **9:54** 2 Kin 1.9-16

fib nama gamde musudi baba ferewar fükürangeregeaga. Baba fünai gebüregeenan baba, na medneagade?"<sup>55</sup> Bangeagako, Jisasde pируaboudi nunurungeaga.<sup>56</sup> Bangar fib güre gam kümünen.

*Jisasde, nuge daiwegib kabiaure dorageaga  
(Matyu 8.19-22)*

<sup>57</sup> Jisas daidaigegiwar keab erekobo gam kümünedibere, fere gürede menüm waweaga, "Na fib gürenakuti gam kümüneregün baba, ye daidaineregün."<sup>58</sup> Bangar Jisasde menüm waweaga, "Dugumob mam nini kübüdim gam kinegi abuk tugu, ai toi tugu nini deab tutugok, Fereb Nono nu kinegi kur kene."<sup>59</sup> Bana Jisasde fere güre menüm waweaga, "Na ogura daie." Bangeagako, fere babade wageaga, "Eregeam, uruab ye kümüna emüga ub kurbürüdie."<sup>60</sup> Bangar Jisasde waweaga, "Ebgade. Fere kugumgen baba, nuge nuge ub kurwanageregen. Na kümüna Keriabüb Korobab dora pitioe."

<sup>61</sup> Maig fere gürede Jisas menüm waweaga, "Eregeam, ye dainebüregünko, uruab ye kümüna giniaimana fereberengüdiede?"<sup>62</sup> Bangar Jisasde menüm waweaga, "Fere Keriabüb fünai toadüdi fünaiwarbere kübüdim gammab daba dabade burbarweaga babanüm fere, nu Keriabüb Korobab fünai geregarge."

## 10

*Jisasde 72 fere simai sugurungar nugeab sarua debüre kümünen*

<sup>1</sup> Kuri Erekokaide namana 72 ferewar uruageaga, bangüdi sugurungar aküre kümünen, nini nuge gam agfürüdi kümünen. Sugurungar gürenakuti fib ere gagam tugu fib nudede kümünebüregeaga baba gam tugu.<sup>2</sup> Bangüdi menüm wangeaga, "Küm gam daba epüra fanam ebeabgafotuwarge. Bangeagako kiregegib sarua fere namai büredige. Babaure küm Emeure sibdibwane, bangar kim sarua ferewar sugurungar kümüna nugeab daba tobğeregen.

<sup>3</sup> "Nini kümünane. Edenan, ye nini sugurungür sipsip farafara sibe dugumob mamtoi kodigo kümünabewenan.<sup>4</sup> Nini kegeam far tugu far tugu kebemara enegi tugu kemeidi ninag keab kümünagana. Bangüdi ferefínabur erekobo gam kaingüdi fereberengagana.<sup>5</sup> Nini fata güre gam iruwaboidiba, bana nini dora meme kese doragane, 'Meme fata gammab ferefínaburwar, kob dab fanam bürane.'<sup>6</sup> Bana fere güre kob dab fanam büregib baba fata gam bürarba, ninib dora nama baba fere gam kim büreregeaga. Bangeagako babanüm fere sibe bürargegarba, ninib dora nama ninag gamma maigeregeaga.<sup>7</sup> Nini fata gürena baba gamma bürane. Bangüdi daba daba gürenakuti nudede düñügeregen baba gürena nifaigane, baba daba düñügedi nenan baba, baba ninagüngab mur, amure, fere saruagafaigeaga baba, nu nugeab mur deregeaga. Babaure nini fata itutwagana.

<sup>8</sup> "Nini fib ere güre gam kümüna iruwar igaingüdi nugengab fata gam kümünediba, bana daba nudede kabatangeregen baba dane.<sup>9</sup> Nini baba fib ere gam subo fere büren baba namabürgane. Bangüdi babawar gam dora menüm pitoiane, 'Keriabüb Koroba ogura nini gam etogeaga.'<sup>10</sup> Bangeagako nini kümüna fib ere güre güb gam iruwar, igaingüdi nugengab fata gam kümünegi uruwediba, bana nini kümüna fib erekobo gam biboudi, menüm doragane,<sup>11</sup> 'Ninib fib ere gammab kübüdim nom sinib kebe gam büreaga baba, sini düfotuwenan. Baba, nini menüm abatarüngebüre, baba kabia genan babade nini menmen tugu. Bangeagako nini idada utungane. Keriabüb Koroba ogura etogeaga.'<sup>12</sup> Ye nini wangün, dü Keriabüde ferefínabur dora gam difürüngebüre uruageaga gam, kub baba, baba fib ere gammab ferefínabur gam taideregeaga, kub baba Sodom fib erewar gam taideaga baba, kürüna emegerwerekeregeaga."

*Ferefínabur kob piruwedige baba nini dabnanai  
(Matyu 11.20-24)*

<sup>13</sup> Jisas namana menüm wageaga, "Korasin fib ere gammab ferefínabur nini dabnanai. Betsaida simai nini dabnanai. Fere güre fib ere Tairie Saidon tugu gam kümünadi dora migu ige ninag kodigo idaidaun sibe, nu idaidawagba, egimena Tairie Saidon tugu nini kob pirudi enegi kororabüb enüdi, keb sobo gam gotogag. Amure, nuge menmen toi gegin baba kürüna kororab abatargebüre.<sup>14</sup> Bangeagako Keriabüde ferefínabur dora gam difürüngebüre dü uruageaga gam, kub nini gam taideregeaga baba kub, Tair simiae

Saidon simai gam taideaga baba, kürüna emegegeweregeaga.<sup>15</sup> Bana Kaperneam simai, nini Keriabüde sirarüngaberar fib nama gam komeregenangagana. Kürüna kene. Nini kürüna gemuna fere kumegingab fib gam kaneregengan."

<sup>16</sup> Bana Jisasde daidaigegi simai menüm wangeaga, "Fere nu ninib dora edeaga baba, nu yeb dora edeaga. Fere nu nige dünügeaga baba, nu ye nige siaga. Bana fere nu ye nige siaga baba, nu Keriab nige duweaga, nugede suguryar oguran."

*Fere simai nonob tugu bede fogo aküre (72) baba maigegin*

<sup>17</sup> Kuri Fere simai nonob tugu bede fogo aküre Jisasde sugurungar kümünen baba, nini maigüdi oguradi kürüna ebebearwen. Wagen, "Erekokai, sini nagüb yanım yanbawenan, bangar etob kogkogi sinib dora daiwen."<sup>18</sup> Bana Jisasde menüm wangeaga, "Ye Satan kegeun, fib nama ebgadüti uyankengenimüb meram sibe musuweaga.<sup>19</sup> Edane. Ye ninag yanım dünungafotun, bangar ninag kogi fürungegib matutoi tugu makaras toi tugu, bitobaitongeregenan. Bangüdi nini Satanüb sogi gürenakuti emegegeweregenan. Satan ninagüngab karauianüg. Bangar nini daba gürede kogifürungeregarge.<sup>20</sup> Bangeagako nini fidoudi menüm doragagana, 'Etob kogi simai sinib dora daiwen.' Kene. Nini nagüngab yanım Keriabüde nugeab budi gam fib nama gam bag feifotuweaga babaure ebebearwane."

*Jisas ebebearudi Eme Keriab gam esegeaga*

(Matyu 11.25-27 baba gam tugu Matyu 13.16-17)

<sup>21</sup> Baba sese gam, Etob Kedebüde gar Jisasüb kob ebebearweaga, bangar Jisasde menüm wageaga, "Emüga, na fib nama gammab tugu kübüdim gammab tugu Erekokai, ye naure esegün, amure, na meme daba daba ferewar sibam nama tugu, ututun nama tugu gam iwagafürün, bangüdi na ferewar mogoi farafara sibe büren gam abatargün. Emüga, na nagüb ututun daiidi na banüm bangün."<sup>22</sup> Jisas namana menüm wageaga, "Emüga nu, daba daba gürenakuti yeb kube gam difereaga. Bangar Nono nu, am fere güre fanamde sibamgarge. Emüga nugenakuana fanam nu sibamgeaga. Bana Emüga tugu, am fere güre fanamde sibamgarge. Nonoie, ferewar nono nugede, Eme abatarüngeweaga, nini gürena Emüga sibamgen."

<sup>23</sup> Daidaigegiwar gürena Jisas keab büren, bangar nu piruaboudi kegengeaga, bangüdi menüm wageaga, "Ferewar daba daba ninag kegefaigenan baba kegeudiba, ebebearwegen.<sup>24</sup> Ye nini wangün, egime kiari fere epürage tugu erekokayau epürage tugu, nini daba daba ninag mügar kegewenan baba kegewebüregen, bangeagako nini kegewedige. Bangüdi nini dora ninag edfaigenan baba edebüregen, bangeagako nin ededige."

*Samaria distriküb ferede Judia distriküb fere güre saguweaga babaure Jisasde doramangeaga*

<sup>25</sup> Bana kabiab sibam fere güre siradüdi, Jisas fururebürewadi menüm totoweaga, "Sibam sarigegi, ye arangüdie gotogegi nama tüpur tüpur büregib düi?"<sup>26</sup> Bangar Jisasde menüm totoweaga, "Am dora kobia gam büreaga? Na ninaifotudi aranüm utungun?"<sup>27</sup> Bangar kabiab sibam ferede menüm dora toteaga, "Nini Keriab kob duwane, Erekokai sigeab. Nini kürüna nagüngab kob gamde kob duwane, nagüngab etob gamde, nagüngab sogi gamde, nagüngab ututun gamde tugu. Bangüdi ninagüde ninag kob duenan sibe, büreanmana kürüna kob dünungane."<sup>28</sup> Bangar Jisasde menüm waweaga, "Ebabako, na dora kainana toun. Na bangüdiba, na gotogegi nama tüpur deregün."

<sup>29</sup> Bangeagako baba kabiab sibam fere, nu Jisasde waudi na sibam kenegegi uruweaga, babaure Jisas menüm totoweaga, "Bana kabiade wagüdi yeb büreyaligeaga baba, woniure dorageaga? Won sob nini yeb büreyaimana?"<sup>30</sup> Bangar Jisasde dora menüm toteaga, "Fere güre Jerusalem ebgadüti Jeriko fib ere gam kaneaga. Bangarbere be ferewar erekobo gam iwagüdi büren babade, orudi nub daba daba gürenakuti kiregen, bangafotudi kümünen, bangedi nu erekobo gam kinbüreaga, bangüdi kumebürenanageaga.<sup>31</sup> Baba sese gam kobegegi fere güre baba erekobo daiidi kaneagaba, fere erekobo gam kinbüreaga baba kegeweaga, bangüdi erekobo kureb gamde katudi emegeudi kaneaga.<sup>32</sup> Banüm sibenana Livaib gin gammab fere

**10:15** Ais 14.13-15    **10:16** Mt 10.40; Mk 9.37; Lu 9.48; Jo 5.23; 13.20    **10:18** Jo 12.31; 16.11; IDT 9.1; 12.8-9

**10:19** Sng 91.13; Mk 16.18; Tu 28.5    **10:20** Kis 32.32; Ais 4.3; Dan 12.1; Mt 7.22; Fl 4.3; Hi 12.23; IDT 3.5; 21.27

**10:22** Mt 28.18; Jo 1.18; 3.35; 10.15; 17.2    **10:23** Mt 13.16-17    **10:24** 1 Pi 1.10    **10:25** Mt 19.16; Lu 18.18

**10:25** Mt 22.35-40; Mk 12.28-34    **10:27** Wkp 19.18; Lo 6.5    **10:28** Wkp 18.5; Neh 9.29; Ese 20.11-13; Ro 10.5;

güre tugu ogura baba gam taideaga, bangüdi baba fere kegeweaga, bangüdi erekobo kureb gamde katudi emegerudi kaneaga.

<sup>33</sup> "Bangeagako Samaria distriküb fere güre nu erekobo yau oguraburaka baba fere gam taideaga. Nu baba fere kegeweaga, bana nub kob kürüna baba fereure kororabweaga. <sup>34</sup> Nu baba fere iroto kümünadi, editoi nub gam wel tugu wain mum tugu kubekubeiweaga, bangüdi korotaugeaga. Bangafotudi baba fere atügüdi, nugeab donki gam diferar gotogeaga. Bangüdi igaiudi guruwegi fata güre gam kümünadi, idadau fere baba taugeaga. <sup>35</sup> Bana dü kuri gam kegeam silva aküre baba guruwegi fatabeme duweaga, bangüdi menüm waweaga, 'Na meme fere idadau tauge. Meme fere taugüdi nagüb kegeam gürekoi namana ebgafotudiba, bana ye maig maigüdiba, maigabürneregün.'

<sup>36</sup> Bana Jisasde baba kabiab sibam fere menüm totoweaga, "Na aranüm utungun? Baba fere küi baba, wonide baba fere be ferewarde kogifuruwen babab bureiab bürebeaga?" <sup>37</sup> Bangar wageaga, "Fere nure kororabwar saguweaga baba fere." Bangar Jisasde menüm waweaga, "Na kümünabenau, baba kabia sibenana ge."

### *Jisas Mariaie Marta kürengab fata gam büreaga*

<sup>38</sup> Jisasie daidaigegi simai keab kümünen, bangüdi kümüna fib güre gam taiden. Finege güre baba fib gammab yanim nub Marta, nu Jisas igaiudi nugeab fata gam kümüneaga. <sup>39</sup> Marta nu mebe güre tugu, yanim nub Maria. Maria nu ogura Erekokaib kebe iroto gotogeaga, bangüdi dora nub edeaga. <sup>40</sup> Bangeagako, Marta nuge daba ekotagegib füni gugub geaga babaure ututun toitoiweaga. Bangüdi Jisas gam kümünadi menüm waweaga, "Erekokai, maba yeb nu ye ebgaiadar igenakuana fanam daba ekotagün. Na babaure utungabge dag? Wawab ogura sagie." <sup>41</sup> Bangeagako Erekokaide dora nub menüm towega, "Marta, na daba daba gürenakutiure ututun toitoiudi kob kumun. <sup>42</sup> Na daba gürena fanamure ututunge. Meme daba Mariade debüregeaga baba, kürüna nama fanam, babaure tageiburuge, nu daba nama debüregeaga."

## 11

### *Sibdibwegib kabia*

(Matyu 6.9-15 baba gam tugu Matyu 7.7-11)

<sup>1</sup> Jisas adab sibdibwabüreaga, sibdibwafotuwarbere, daidaigegi gürede menüm waweaga, "Erekokai, sibdib sarigabürüsige. Egime Jonüde nugeab daidaiwegi simai sarigabürungeaga sibe." <sup>2</sup> Bangar Jisasde menüm wangeaga, "Nini sibdibwebüreba, menüm doragane,

'Sinib Emsig, yanim nab  
kedeb büregegeaga.

Koroba nab ogureregeaga.

<sup>3</sup> Dü gürenakuti gürena gürena gam daba sige,  
daba tugu dü babab gürena.

<sup>4</sup> Gürewarde sin gam menmengafaigen baba,  
sin unaigafaigenan.

Babaure na sinib menmen toi unaigafotuge.

Na banaka fururegi wagab  
sin gam taidebeagana.'

<sup>5</sup> Bangar Jisasde namana menüm wangeaga, "Fere güre ninag kodigo nu epeib tugugarba, utumnonou kümüna epeib baba menüm waweaga, 'Mai, ye bret küi siebüregüdi na gam oguran, kurie maig toweregün.' <sup>6</sup> Igeab epeai güre ogura fata gam kaiar, daba kenegar na gam oguran." <sup>7</sup> Bana bangar fere fata goime büreaga babade dora menüm towarba, 'Na füni siegena. Ye fub manage fürtaudi, mogoi keab kinfotuwenan, maig siradüdi daba daba dünegi siroiaga.' Fere büreab gam dora banüm towabeagade? Kenenai. <sup>8</sup> Ye wangün, fata eme sıradüdiba, büreab daba daba gürenakuti kene baba, kiregüdi duwerecoegeaga. Büreab kob kainanagamde saguwebüregarge. Kene. Amure, büreabüde igboroborowar siroiweregeaga babaure, bangeregeaga. <sup>9</sup> Babaure ye wangün, ningad daba daubauregüdiba, sibdibubenar Keriaab totowar dünögereegeaga. Nini daba daba fitakakaüdiba, kegeweregenan. Nini fub poroporowarba, Keriabüde fub taibürüngeregeaga. <sup>10</sup> Fere gürenakuti Keriaubre

sibdibwafaigen baba, nini daba daba kiregafaigen. Fere daba fitafaigeaga baba, kegefaigeaga. Fere fub poroporofaigeaga baba, Keriabüde fub taiburuafaigeaga.

<sup>11</sup> "Ninagüngab mogoi gürede wagüdi, emüga Wade güre siegüdi banümeme totowarba, emede matu kogi güre duwebeagade, io? Kenenai. <sup>12</sup> Bana mogoi gürede wagüdi, emüga wagib güre sie güdi banümeme totowarba, emede makaras güre duwebeagade, io? Baba tugu kenenai. <sup>13</sup> Nini mogoi emewar, kabia kogi fanam güfaigenanko, ninagüngab mogoi daba nama nama düñügegi nini idada sibamgenan. Babaure, nini sibamgeregenan, ninagüngab Emnüğ fib nama gam büreaga baba, ferewarde totowen baba, Etob Kedeb düñügebüre ebebearwerekeregeaga."

*Jisas Belsebul tugu fünaiweagagüdi wagen*

(Matyu 12.22-30 baba gam tugu Mak 3.20-27)

<sup>14</sup> Jisasde etob kogi güre fere güre gam büredi, fere babab sube gütuwataweaga baba etob kogi dufotuweaga. Etob kogi uriawarbere, baba sube güt baba dorageaga. Bangar ferefina bur kegeudi tergen. <sup>15</sup> Bangeagako, fere gürekoide wagen, "Nu Belsebulrüb soğigamde etob kogitar kudengafaigeaga. Belsebul nu etob kogitarüngab taba fere." <sup>16</sup> Bangar fere gürekoide, Jisas fururebürewadi, Jisas totowedi dora migü güre bera sibe idawebüre güdi totowen. Nu Keriabüb fünai geagade güdi sibamgebüre dora migü güre idawebüre totowen. <sup>17</sup> Bangeagako, Jisas ninib ututun sibamgeaga babaure, menüm wangeaga, "Kantri güre gammab ferewar aküresari taidüdi waragediba, baba kantri nu koigeregeaga. Baba tugu, fata gin gürena gammab fere simai aküresari taidüdi nuge nuge waragediba, baba fata gin koigeregeaga. <sup>18</sup> Ninagüde wagenan, ye Belsebulrüb soğigamde etob kogitoi dufotugafagün. Be Satanüb gin aküresari taidüdi nuge nuge karau karaugediba, Satan nu daba daba taugegi soğitugu bürereregarce. <sup>19</sup> Belsebulrude sagiafaigeaga baba kainana garba, wonide ninag Israelüngab gin sagüngüdi etob kogitoi dufotugafagün? Ninagüngab gindennana dora ninib baba, kainanage güdi abatarüngeregen. <sup>20</sup> Bangeagako, Keriab nuge soğisiar etob kogitoi dufoturba, nini sibamgane, Keriabüb Koroba manage ninag gam ogurafotuweaga.

<sup>21</sup> "Fere güre soğitugude keime maga aküresari sob banüm debetaudi fata nugeab taugarba, nub daba daba gürenakuti idada bürereregeaga. <sup>22</sup> Bangeagako, fere güre soğiri ere tugude taidüdi fere baba käre waragüdi emegerwarba, fere babab marai daba daba gürenakuti kiregaderegeaga. Fere baba, marai daba daba baba bürar baba kekia biboudi soğidi deaga. Bangüdi nub daba daba gürenakuti gürewar kabatangeregeaga.

<sup>23</sup> "Fere yeb epeige baba, nu ye käre karaugafaigeaga. Fere ye sagüidi ferefina bur tobgaigarge baba, nu ferefina bur daidaingar sarafägen."

*Etob kogi maig ogureaga*

(Matyu 12.43-45)

<sup>24</sup> Jisas namana menüm wageaga, "Etob kogi fere güre baba ebgadüdiba, fib sabig gam kaberebüre kümünafaigeaga. Bangeagako, fib sabig gam büregi fib nama kegewargegarba, menüm wageregeaga, 'Fata egime bürünwaib gam maigeregün.' <sup>25</sup> Bangüdi fata baba ina gasafotudi karün nama nama differen baba kümüna kegeweregeaga. <sup>26</sup> Babaure nu kümüna etob kogitoi nonoh tugu nuge kabia kogi güfaigeaga baba, emegerwegiwar igaingeregeaga. Bangüdi fata baba gam irudi bürereregen. Egime fere nub gotogegi kogibaba erege, mügaruba, kürünerekokaigeregeaga."

*Am ferewar kürüna ebebäueben?*

<sup>27</sup> Ferefina bur epüra büren sese gam, Jisasde dora pitoiaga. Baba ferefina bur kodigo, finege gürede menüm yogeaga, "Finege nag sinoidi ebe düneaga baba, nu ebebäueben?" <sup>28</sup> Bangeagako, Jisasde wageaga, "Banümgena, menüm wagegi, ferewar Keriabüb dora edüdi daiwen baba, nini ebebäueben."

*Fere gürekoide Jisas dora migü idawebüregüdi totowen*

(Matyu 12.38-42 baba gam tugu Mak 8.12)

<sup>29</sup> Ferefina bur epüra Jisas gam namanana oguradaiwen, bangar Jisasde menüm wangeaga, "Meme sese gammab ferefina bur nini kogi. Ye Keriabüb fünai günde kene baba sibamgebüre, bera güre kegewebüre yogen. Bangeagako, nini bera güre kegeweregedige. Bera gürenakuana kegeweregen baba, kiari fere Jonab bera gürena. <sup>30</sup> Jona nu egime bera sibe Keriabüde Ninive fib erreb ferewar abatarüngéaganwaib.

11:11 Mt 7.9-10    11:15 Mt 9.34; 10.25; 12.24    11:16 Mt 12.38; 16.1; Mk 8.11    11:17 Mt 12.25; Mk 3.24; Jo 2.25    11:20 Kis 8.19    11:22 Kl 2.15    11:23 Mt 12.30; Mk 9.40; Lu 9.50    11:24 Mt 12.43    11:26 Mt 12.45;

Jo 5.14; Hi 6.4; 2 Pi 2.20    11:27 Lu 1.28; 1.42; 1.48    11:28 Mt 7.21; Lu 8.15; 8.21; Je 1.25    11:29 Mt 16.4; Mk 8.12    11:30 Yna 1.17; 2.10; 3.4

Banüm gürena meme sese gammab ferefina bur gam, Fereb Nono nu, Keriabüde bera sibe abatarüngeregeaga.<sup>31</sup> Keriabüde ferefina bur dora gam difürüngegi dü uruageaga gam, Sebayaub finege erekokayau nu dora gam biboweregeaga. Bangüdi meme sese gammab ferefina bur üngab kabia kogiure dorageregeaga. Amure, baba finege erekokayau nu, kürüna kütüb büreagako, Solomonde nugeab sibam nama pitoiaga baba edebüre Israel ogureaga. Bangeagako, fere güre mügar meag büreaga baba nu Solomonüb sibam kürüna emegerweaga.<sup>32</sup> Keriabüde ferefina bur dora gam difürüngega gam, Niniveb fere war dora gam biboweregen. Bangüdi meme sese gammab ferefina bur üngab kabia kogiure dorageregen. Amure, Ninivewar nini Jonade dora pitoiaga baba edüdi kob pirusen. Bangeagako, fere güre mügar meag büreaga baba, nu Jona kürüna emegerweaga.”

### *Mubeb meram*

(Matyu 5.15 baba gam tugu Matyu 6.22-23)

<sup>33</sup> Jisasde namana menüm wageaga, “Fere meram furuadüdi ub güre fata gadi gamde, ede sumo saka tormogat augafaigedige. Tag kekia dferedi, fere fata gam iruweregen baba, meram baba kegeweregen.<sup>34</sup> Ege nagüb baba, nagüb mubeb nan sibe. Ege nagüb nama garba, mube nab meramgeregeaga. Banüm gürena, ege nab kogi garba, mube nab gituwatwera geaga.<sup>35</sup> Babaure idadau tauge, meram nag gam büreaga baba, kumatauneregegeaga banai.<sup>36</sup> Mube nagüb gituwegi fanam kene, gürenakuti meramgabowarba, bana mube nagüb nan meramde noregi sibe gürenakuti meramgaboweregeaga.”

### *Farisiwarie kabiab sibam fere war tugu kabia kogi güfaigen*

(Matyu 23.1-36 baba gam tugu Mak 12.38-40 baba gam tugu Luk 20.45-47)

<sup>37</sup> Jisas dora pitaifotuwarbere, Farisi gürede, ogura nugeküre daba nebüregüdi totoweaga. Bangar Jisas fata gam iruwaboudi gotogeaga.<sup>38</sup> Farisi baba Jisas kegeweaga baba, gotogüdi daba neaga. Amure, yag fidfotidi daba nargegar, ututun totoiweaga.<sup>39</sup> Bangeagako, Erekokaide menüm waweaga, “Nini Farisiwar, yag negi noi tugu fade tugu nige yau baba idadau gasafägenan. Bangeagako, gama gam ba, be kabia tugu kabia kogkogi nini gam gobeaga.<sup>40</sup> Nini susukuna fere war! Fere daba daba obgoira idaweaga baba, gama gam tugu idaidaweaga.<sup>41</sup> Bangeagako, daba daba fade gam büren baba, fere daba daba sigagen baba düntügane, bangar baba daba dabade sagüngeregen. Nini bangeregenan baba, ninagüngab daba daba gürenakuti urun bürreregegin.

<sup>42</sup> “Farisiwar nini dabnana. Küm gammab yar fanam fanam tugu sau tugu tobtofbagaigenan baba, tob fogo tugu taibürügäfaigenan. Bangüdi tob gürenakuana fanam baba, Keriab duwafaigen. Bangeagako, ninag Keriab kob duwegi kabia tugu kabia nama tugu, ebgadügäfaigenan. Babaure nini mügar Keriab kob duwegi kabia ure sogiferane, kabia nama gebüre tugu sogiferane. Bangüdi küm gammab yar fanam fanam tugu sau tugu, Keriab duwegi kabia ure kagudwagan.

<sup>43</sup> “Farisiwar nini dabnana. Nini kunube fata gam gotogegi kur agferegi baba gam gotogebüregüfaigenan. Bangüdi guruwegi gam ferefina bur ninag fereberengebüregüdi güfaigenan.

<sup>44</sup> “Nini dabnana. Nini ferefib gam kadabura ara orbürügedige gar ferede ara sibamgedige sibe. Bangar baba ferefib kekia urikasawedi Keriabüb ege gam tig tugu büregi sibe.”

<sup>45</sup> Kabiab sibam fere güre dora baba edüdi Jisas menüm waweaga, “Sibam sarigegi, na Farisiwar gam dora babanüm gün baba, na sin tugu kogfürüsügün.”<sup>46</sup> Bangar Jisasde wageaga, “Kabiab sibam fere war nini tugu dabnana. Nini daba daba kub tugu degi kabia sibe genan, bangüdi fere war düntügane, bangar kemeiegi dirugungeaga. Bangeagako, ninagüde fanam kube magi güre difürüdi, kub toi baba sagüngüdi kemeifaigargi.

<sup>47</sup> “Nini dabnana. Matananügmanade kiari fere war kiasorungedi kugumgenwaib, bangar nini baba kiari fere war üngab ferefib karün nübürüngäfaigenan.<sup>48</sup> Ninag matananügmanade fere kiangegi kabia abatarungedi, ninagüde nama kabia güdi maig güre war abatarüngäfaigenan. Bangar ninagüde ferefib karün nübürüngäfaigenan. Amure, matananügmanade kiari fere war kiasorungedi kugumgen.

<sup>49</sup> “Keriabüb ututun nama surur baba menüm wageaga, ‘Ye kiari fere war tugu dora turewegi fere war tugu sugurungür baba fere war gam kümüneregen. Bangar

ferewarde, gürekoi kogifürüngüdi kiasorungedi kugumgeregen.<sup>50</sup> Babaure kiari ferewar kiasorungen baba ferewarüngab menmen baba, Keriabüde kübüdim meme taibereaga sese gammhana toadüdi ogura mügar taideaga. Baba menmen baba, mügarüb ferefínabur gam büreregeaga, bangar baba menmenüb kub kaiweregen.<sup>51</sup> Kiari ferewar kiasorungen baba, Abel gamde tuadüdi ogura Sekaraia gam kenegen. Baba fere nu bai feregi kur tugu Keriabüb fata kodigo orfotuwen. Io, ye wangün, baba kabia kogi gürenakutib mur kogi baba, ferefínabur mügar büren baba gam taideregeaga.

<sup>52</sup> "Kabiab sibam ferewar nini, dabnana. Sibam kümüna degi fubu gammab ki manage ninag dufotuwenan. Ninagba fib baba gam kümünegi uruwenanko, ferefínabur gürewar irudi sibam debüregen baba, ninagüde ninib erekobo gütüwatawenan."

<sup>53</sup> Bana Jisas fata nuge büreaga baba ebgadeaga. Bangar kabiab sibam ferewarie Farisiwar keab Jisasure kob koigen, bangüdi toto eib eib totowen.<sup>54</sup> Sarabewedi dora güre namage maig towar, dora gam diferebüregüdi, toto totowen.

## 12

*Farisiwarüngab kiou kabiaure dabnanai  
(Matyu 10.26-27)*

<sup>1</sup> Tausen tugu ferefínabur ogura guruwedi, fib kürüna gütigar, nuge nuge kebe bitobaitawanagegi sibe büreaga. Bangar Jisas nugeab daidaigegi simai gam kese dora menüm pitoiaga, "Nini Farisiwarüngab yisure dabnana. Kiou kabia ninibure wagün.<sup>2</sup> Baba daba gürenakuti kotobata büreaga baba, agüba tataigeregen. Bangar iwagegi dora gürenakuti baba, fere sibamgeregen.<sup>3</sup> Babaure, ninag dora gürenakuti utumnonou doragenanwaib baba, ferefínabur sida tugu ederegen. Dora gürenakuti ninag dab fanam fata goime doragenanwaib baba, fata kekia biboudi ferefínabur gam pitoieregen."

*Fere Keriabure gürena kimigeregeaga  
(Matyu 10.28-31)*

<sup>4</sup> Jisas namana menüm wageaga, "Yeb mai sob, ye menüm wangün. Nini ferewar mube gürena orfotugafaigüdi, kuri am daba güre maig gegi kenewar babaure, kimigagana.<sup>5</sup> Bangeagako, ninag wonurenana dag kimigaga babaure, ye wanügebüregün. Nini Keriabure kimigane. Keriab nu fere orfotudiba, fere baba keb gam fotuwagi nu yanim tugu. Ye kainana wangün, nini Keriabure kimigane.

<sup>6</sup> "Ninag sibam, fere nini aküre magi fanam gamde, ai fanam fanam taba tugu murgafaigen. Bangar Keriab nu baba aitoi, güre fanamure kaguduafaigarge.<sup>7</sup> Baba tugu, Keriab ninagüd taba sara toigürenakuti ninaifotuweaga, bangüdi ninag idadau sibamegaga. Babaure, nini kimigagana. Keriab ninag taungeaga baba, aitoi fanam fanam taungegi kabia emegerweaga. Babaure nini ai fanam fanam epüra emegerüngarge."

*Sige Jisasüb gin gam bürenangüdi dora fotuwagi maiagegige  
(Matyu 10.32-33 baba gam tugu Matyu 12.32 baba gam tugu Matyu 10.19-20)*

<sup>8</sup> Jisas namana menüm wageaga, "Ye wangün, fere nu yeb gin gam bürüngüdi banüm ferefínabur wangarba, Fereb Nono nu tugu, fere baba nugeabgüdi, Keriabüb dora dugurewegi simai banüm wangeregeaga.<sup>9</sup> Bangeagako, fere nu yeb gin gammabge güdi banüm ferefínabur wangarba, ye tugu nu yeb gegüdi banüm Keriabüb dora dugurewegi simai wangere.

<sup>10</sup> "Fere nu Fereb Nonoküre dora maraigüdi, Keriabüde menmen nub baba unaigafotuweregeaga. Fere nu Etob Kedeb nenuidiba, Keriab nub menmen baba unaigafotuweregeaga.

<sup>11</sup> "Bana kunube fata gagam tugu, kübüdim bera taugegi gagam tugu fere yanim tutugam yatangüdi kümünediba, bana kimküdi menüm utungagana, 'Sin dora aranüm maig toweregenan? Sin dora aranüm doragübügo?' Kenenal.<sup>12</sup> Baba sese gammhana Etob Kedebüde dora nini gam maig towegi baba abatarüngeregeaga."

*Kegeam fere nanauro kabia geaga babab komina dora*

<sup>13</sup> Ferefínabur gin ere baba kodigo, fere gürede Jisas menüm waweaga, "Sibam sarigegi, emüga yeb manage kumeaga, babaure nadie igeab awai wawab daba

daba emügade ureadi kümüneaga baba, kabataudi güresari siebüregüdigin.”<sup>14</sup> Bangeagako, Jisasde totoweaga, “Aranüm? Ye ninaküreb dora nanaregi tugu daba daba kabatagegi tugu fere bürürge.”<sup>15</sup> Bangüdi ferefinafur menüm wangeaga, “Nini dabenana kege kegeudi bürane. Nini irimsorum daba daba kiregebüre ege neregenan banai. Nag daba daba epüraje tuguko, baba daba daba nagüb sibe gotogegi nama deregabge.”<sup>16</sup>

<sup>16</sup> Bangar Jisas nini gam komina dora güre menüm pitoiaga, “Kegenam fere güreb küm gam daba epüra fanam ferarge.”<sup>17</sup> Bangar fere baba arangügüdi, banüm utungeaga, ‘Igeab daba gürenakuti sapagegi baba, igeab daba fata baba towarge.’<sup>18</sup> Bangar menüm wageaga, ‘Igeab daba fatatoi gürenakuti esuafotugüdi, fata ere ere tuweregün, banguidagügüdi utungeaga. Bangüdi igeab wit magi gürenakuti tugu igeab daba daba nama baba fatatoi gam sapagere.’<sup>19</sup> Bangar igeure menüm wageregün. Ye kümđan toi degib daba daba nama epüra fanam tobgaftun. Bana mügar kabereregün. Bangüdi kobe erekokai bata kobegüdi daba yan nüdi ebebearuabüreregün.’<sup>20</sup> Bangar Keriabüde menüm waweaga, ‘Na kürüna nanauro fere. Na mügar meme utumnonounana kumeregün. Bangar nag daba daba gürenakuti duguftaufunwaib baba, wonide debeaga?’<sup>21</sup> Bangar Jisasde wageaga, “Baba daba fere nugengab daba daba tobgaftaigen baba gam taidereregeaga, bangeagako, Keriabüb ege gam koigeb büren.”

### *Kororabgüdi ututun toitoi wegib kabia*

(Matyu 6.25-34)

<sup>22</sup> Bana bangar Jisas nugeab daidaigegi simai wangeaga, “Ye menüm wangün, nini komina dora baba utungübenar, ninagüb gotogegi namaure ututungüdi am daba nübüögüdi, banüm doragagana. Baba tugu ninagüngab ututun toitoi mube gam am ude dagübögüdi, banüm doragagana.”<sup>23</sup> Gotogegi nama nu daba negib daba gürenage, baba tugu mube nu ude dagegib daba gürenage.<sup>24</sup> Arokwar utungane, nini daba orfaigedige, daba tobugaftaigedige. Nini daba fata kene, daba daba sapagegi fata kene. Bangeagako, Keriabüde daba dünügafaigeaga. Bana ferefinafur niniba, aitoi kürüna emegerügenan.<sup>25</sup> Nini gam güre, idadau büregüdib kobiaure ututun toitoiwarba, baba ututun toitoiwegib kabiade nugeab gotogegi namab sese baba, fanam buruwaurebeagade? Kenenai.<sup>26</sup> Bana ninagüngab ututun toitoiwegib kabiade, ninagüb gotogegib sese fanam buruwaurebeagade? Kenegarba, nini amure daba güregüreure kürüna ututun toitoiwarba?

<sup>27</sup> “Nini kakas toi idadau kegewane, aranümdag tataigen. Nini bikidefaigedige. Nini ude idafaigedige. Bangeagako, ye wangün, egime erekokayau Solomon nugeab karün nama nama gürenakuti enfaigeaga, bangeagako, kakas toi nama babab karünde Solomonüb karün kürüna emegerweaga.<sup>28</sup> Mügar baba sibirtoi meag bag büreaga baba, kiarigenana ferede kitkatüdi keb gam fobotgeregen. Ug sibir sibir baba, Keriabüde karün nübüprungafaigeaga. Babaure, ferefinafur nini kob kainana fanamere tugu baba, nini menüm utungane, ninag tugu Keriabüde karün nama nama, nübüprungeregeaga.<sup>29</sup> Babaure, nini am daba nüb, am yan nübüögüdi, kororabgüdi banüm ututun toitoiwagana.<sup>30</sup> Kübüdim gammab ferefinafur gürenakuti, daba daba babanüm fitaudi kororabgafaigen. Bangeagako, ninagüngab emnüğ nu sibamgafotuweaga, nini baba daba daba deregenan.<sup>31</sup> Babaure nini Keriab uruwar ninagüngab erekokayau büregi ututun dar, nugede korobangeregeaga. Bangüdi baba daba tugu dünügeregeaga.”

### *Daba nama nama tobgegib kabia*

(Matyu 6.19-21)

<sup>32</sup> Jisas namana menüm wageaga, “Nini sipsip gin fanamere, nini kimigagana. Ni-nagüngab emnüğ, nu ninagüngab erekokayau bürüdi, ninag igaingüdi nugeab koroba gam bürebüregüdi doragafotuweaga.”<sup>33</sup> Nini uruwar ferede ninagüngab daba daba gürenakuti murugedi, baba kegeom, fere daba daba kene babawar dünungane. Nini kegeom far koigafraigarge babanüm dane, bangüdi fib nama gammab daba nama nama tobthane. Fib nama gam, daba daba kenegafraigarge, be ferede düfaigedige, sam kokogide daba daba kogifuruwafaigedige.<sup>34</sup> Ninagüngab daba nama nama arag arag dag büreaga baba, baba fib gam gürena ututun ninagüngab tugu büreregeregeaga.”

### *Sarua mogoi toi nama baba bigsaisaigüdi bürfaigen*

(Matyu 24.42-44)

<sup>35</sup> Jisas namana menüm wageaga, "Nini ude ninagüngab sigagabürügübenar, sogogi dagane, bangüdi nan furudi, bigsaisaudi bürane." <sup>36</sup> Fere güre finege degib dü gam, eregeam güre büreregeaga, finege degib dü baba gam, kobe ere kobegedi eregeam baba daba nifotudi, ureadi maig ogurebüregar sarua ferewarde momofaigen baba ferewar sibe, nini bürane. Nu ogura fub poraurarba, pirikanana fub taifotuweregen. <sup>37</sup> Eregeam oguradi nugeab sarua mogoi toi ara kinedi kegengarba, bana baba sarua mogoi toi nini ebebearweregen. Ye nini gam kainana wagün, eregeam nugeab, nugeab ude sigagabürüdi sogogi dageregeaga, bangüdi wanügar daba nebüre kurebdir kinbougeregegin. Bangar nugede oguradi daba dünungeregeaga. <sup>38</sup> Bana eregeam sigerügde, kuaida omonana doragegin sese gam oguradi, sarua mogoi toi kegengar ara kinedigegarba, baba sarua mogoi toi nini ebebearweregen.

<sup>39</sup> "Nini daba baba utungane. Fata eme, be fere oguregi sese nu sibamgündiba, nu be fere baba euwar fata nugeab gogudi iruweregarge. <sup>40</sup> Nini tugu bigsaisaiwane. Fereb Nono nu ogureregargegüdi utungeregenan baba sese gam, nu ogurereggeaga."

*Sarua mogoi nama tugu kogi tugub komina dora  
(Matyu 24.45-51)*

<sup>41</sup> Pitade Jisas menüm totoweaga, "Erekokai, komina dora baba sin gürena sigünde, ede ferewar gürenakuti gam tugude?" <sup>42</sup> Bangar Erekokaide menüm wageaga, "Am taugegi nu ututun nama tugu, füni nugeab tugu nama güfaigeaga, baba fere, eregeam nu taugegi babanüm, sarua mogoi toi nugeab taugebüre uruagafaigeaga. Bangüdi eregeamde daba negi sese uruageaga baba sese gammhana, taugegide sarua mogoi toi gam tugu daba agüiregeregeaga. <sup>43</sup> Sarua mogoi babanüm baba, nu saruwagabürbere, eregeam nugeab maig ogura kegeweregeaga baba sese gam, nu ebebearwerefgeaga. <sup>44</sup> Ye nini gam kainana wagün, eregeam nugeab daba daba gürenakuti taugegi, sarua mogoi baba uruageregeaga. <sup>45</sup> Bangeagako, baba sarua mogoi menüm utungeaga, 'Igeab Eregeam pirika ogureregargegüdi' sarua mogoi gürekoi tugu sarua finabur tugu kiasorungeaga. Bangüdi daba tugu yan tugu nüdi nanaurogeaga. <sup>46</sup> Bana sarua mogoi baba dü güre gam ara bigsaisaigarbere, eregeam ogurereggeaga, baba tugu, sese güre gam ara sibamgarbere ogurereggeaga. Bangar eregeamde sarua mogoi baba kürüna kogifurudi, fere simai dora ara edibe wegi simai keab difereregeaga.

<sup>47</sup> "Sarua mogoi güre nugeab eregeamüb ututun sibamgafotuweaga. Bangeagako, daba daba dugutuwarge tugu, eregeam nugeab ututun tugu daiwarge baba, eregeamde sogogi orereregeaga. <sup>48</sup> Bangeagako, sarua mogoi güre baba, eregeamüb ututun sibamgarge baba, gege degi kabia geaga, bangeagako, eregeamde fanamere orereregeaga. Fere gürenakuti daba daba epüra fanam deginwaib baba, nini daba daba epüra fanam maig toweregegin. Fere gürenakuti fere güreb kubé gam daba daba epüra fanam diferegina baba, bana wawedi maig daba daba epüra fanam namana maig toweregeaga."

*Jisas ferefinabur aküresari pitaigebüre ogureaga  
(Matyu 10.34-36)*

<sup>49</sup> Jisas namana menüm wageaga, "Ye kübüdim gam keb fotuwebüre oguranwaib, bangar keb baba pirikanana burirwebüre utungun. <sup>50</sup> Ye yan fidegi gürena babanüm deregün. Mügar durge. Ye kob darab tugu bürüdi kümüna, baba daba taidarie." Jisas yan fidegi babaure dorageaga baba, nuge kubude korotauweregeaga babaure komina dorageaga. <sup>51</sup> Jisas namana menüm wageaga, "Nini banaka yeme kübüdim gam marai gürenakuti kumafotuwebüre ogureaga güdi utungeregenan. Kene. Ye wangün, ye ferefinabur aküresari pitaigebüre oguran. <sup>52</sup> Mügar tugu kuri tugu, mogoi gin gürena gammnah taba tugu fata gürena gam bürediba, bana nini gin aküresari pitaigeregegin. Küide aküre gam karaugeregegin, akürede küi gam karaugeregegin. <sup>53</sup> Pitaigeregegin, emede nugeab nonoküre karaugeregeaga, bangar nonode eme küre karaugeregeaga. Bana anade mege küre karaugeregeaga, bangar megdede anaküre karaugeregeaga. Fere güreb anade fere babab fiaküre karaugeregeaga, bangar finegede kabüb anaküre karaugeregeaga."

*Ferewar daba daba tataigeaga babab ginim sibamgedige  
(Matyu 16.2-3)*

<sup>54</sup> Jisasde ferefinabur epüra fananam menüm wangeaga, "Ninag sida kanegiyau fiou korowar kegeudiba, ninag pirikanana wagfaigenan, 'Yag ogurebüreggeaga.' Bangar

**12:35** Kis 12.11; Mt 25.1-13; Ef 6.14; 1 Pi 1.13      **12:36** Mk 13.34-36; 1 Pi 1.13      **12:37** Jo 13.4      **12:39** 1 Te

5.2; 2 Pi 3.10      **12:39** Mt 24.43-44      **12:40** Mk 13.33; 1 Te 5.6; 2 Pi 3.12      **12:44** Mt 25.21-23      **12:47** Lo 25.2;

Tu 17.30; Je 4.17      **12:48** Wkp 5.17; 1 Ti 1.13      **12:50** Mt 20.22; 26.38; Mk 10.38-39; Jo 12.27      **12:51** Mt 10.34

**12:53** Mai 7.6

kürünana yag ogurafaigeaga. <sup>55</sup> Ninag sautüb kübür sogi siradar kegeudiba, wagfaigenan, ‘Mügar sida füg büregegeaga.’ Bangar kürüna sida füg bürfäigeaga. <sup>56</sup> Nini kioutuka fere simai, nini daba daba kübündim gam tugu magadi gam tugu tataigafaigeaga baba idadau nanafaigenan. Bangeagako, am dabaure, nini mügar meme sese gam daba daba tataigeaga baba nanafaigegi kabia sibamgarge?”

*Nag fere dora gam difürünebüregeaga babaküre dora idabere  
(Matyu 5.25-26)*

<sup>57</sup> Jisas namana menüm wageaga, “Be ninag am dabaure idadau ututun nama degi kene, am kabia nama nama baba namade kogi baba nanafaigarge? <sup>58</sup> Na fere güre nag dora gam diferebüregeaga, baba fere küre urigüdi kümünadiba, ninagküre erekobo gam kümünad kümünadiba, nuküre fanam dora idaure. Banaka burunüdi jas gam kümünar, jasüde mamüb kube gam difürünar, mamüde igainüdi kakia fata gam iruwaberereregeaga babaure. <sup>59</sup> Ye wanün, na kakia fata gam bütübenana, kegeam uruugan baba, na gürenakuti murugafotuabie, euneregén.”

## 13

*Fere kob pируwarge baba, nu kenegeregeaga*

<sup>1</sup> Jisas dora pitaifotuwarbere, fere gürekoide, Galili distriküb ferewarure Jisas gam dora mangen. Pailatüde nugeab maraipapawar wanügar, ferewar Keriabure bai feren baba sese gam, kiasorungen baba dora mangen. Bangar kagi ninib dür bai feregib kagi kekia edogeaga. <sup>2</sup> Bangar Jisasde menüm wangeaga, ‘Nini aranüm utungenan, Galili distriküb ferewar, kugumgen baba, menmen ninibüde Galili gürekoib menmen emegerungeagade? Bangar baba daba kogi baba, ferewar gam taideaga babab ginimde, io? <sup>3</sup> Kürüna kene. Ye wangün, nini kob pируwargegarba, kabia babanüm gürena ninag gürenakuti gam taideregeaga. <sup>4</sup> Bana ferewar gürena bede fogo düm egime Jerusalemüb fib fanam Siloam gen bag kekia fata baba pokudi korotaungar kugumgen baba, nini aranüm utungenan, ferewar fata pokudi korotaungeaga baba ferewarüngab menmende ferewar gürekoijerusalem büren babawarüngab menmen emegerweagade, io? <sup>5</sup> Kürüna kene. Ye wangün, nini kob pируwargegarba, kabia babanüm gürena ninag gürenakuti gam taideregeaga.”

*Au nama ferarge babab komina dora*

<sup>6</sup> Bana Jisasde komina dora güre menüm pitoiaga, “Fere güre nugeab wain küm gam, au kurab güre orbereaganwaib, bangafotudi kuri kurab magi magi fitawebüre baba au bara gam ogureaga. Bangeagako, güre fanam kegewarge. <sup>7</sup> Babaure, küm gammab sarua fere menüm waweaga, ‘Eduń. Kurab magi fitawebüre au meme gam kümdan küi oguran, bangeagako, magi ferarge. Babaure, na au meme katafotuwe. Amure kübündümük kidam uguna kenegafotuweaga.’ <sup>8</sup> Bangar sarua ferede dora nub menüm toteaga, ‘Eregeam, uruab kümdan gürena meme fanam bururarie. Bara gam kübündim pusudi bulmakaub sib difereregün. <sup>9</sup> Kümdan güre baba gam nama ferebeagadag. Kene garba, bana katafotuwe.’”

*Dü kaberegi gam, Jisasde finege güre namabereaga*

<sup>10</sup> Israelüngab Dü Kaberegi gam, Jisasde kunube fata güre gam, ferefínabur dora sarigabürungeaga. <sup>11</sup> Baba gam, finege güre büreaga, etob kogi güre nu gam büreaga. Bangar baba etob kogide subo duwar, kümđan 18 büreaga. Babaure, finege babab gom dagar kuarigeaga, bangar idadau bibowegi dirugweaga. <sup>12</sup> Jisasde finege baba kegeudi, yagwar oguradi, menüm waweaga, ‘Finege, ye nab subo namabürün.’ <sup>13</sup> Bangüdi finege baba kekia kuge differar, finege baba pirikanana idadau biboweaga, bangar Keriabüb yanim siradgabereaga. <sup>14</sup> Bangeagako, kunube fatab taba fere nu, Jisasde finege baba Dü Kaberegi gam namabereaga babaure Jisasure magiraweaga. Bangar taba ferede ferefínabur menüm wangeaga, ‘Fünaiwegi dü kubete tugu. Nini ferede ninagüngab subo namabürügebüre güdiba, fünaiwegi dü gam ogurane. Banaka Dü Kaberegi gam subo ninagüngab namabürügebüre, fere güre totouagana.’ <sup>15</sup> Bana Erekokaide taba fereb dora menüm toteaga, ‘Nini kioutuka ferewar. Dora ninib tugu kabia ninib tugu gürenage. Dü kaberegi gam, ninag gürenakuti bulmakaub fata gam kümünadi, bulmakaubtoi tugu donki toi ninagüngab subaifotugafaigüdi, yag nebüre igaingüdi kümünafaigenan. <sup>16</sup> Bangeagako, finege meme, nu Abrahamüb matanab. Bangar

Satande kümdan 18 wartawar büreaga. Bana aranüm? Ye baba dabade finege meme wartaweaga baba namaburuwebüre, Dü Kaberegi gam geregürgegede, io?"<sup>17</sup> Banüm wagar, nugeab karauabмана kürüna maiagen. Bangar ferefınabur gürenakuti, baba kabia nama nama gürenakuti geaga babaure ebebearwegin.

*Sau mastet magib komina dora*

(Matyu 13.31-32 baba gam tugu Mak 4.30-32)

<sup>18</sup> Jisasde namana menüm wageaga, "Keriabüb Koroba am daba sibe? Komina dora aranüm güi?" <sup>19</sup> Nu sau mastet gen babab magi sibe. Fere gürede mastetüb magi düdi nugeab küm gam oreaga. Bangar kuri mastet baba au sibe erekokaigar, ai toide ogura nub kuge gagam deab feren."

Yisüb komina dora

Jesus回答說  
(*Matyu* 13,33)

<sup>20</sup> Bangar Jisasde namana menüm wageaga, "Keriabüb Korobaure komina dora aranüm güi? <sup>21</sup> Nu yis sibe. Finege gürede plaua far güre wagwagwfotudi yis baba düdi plaua tugu pirparweaga. Bangar kuri baba plaua gürenakuti dündünweaga."

*Nini kudumege fanam gam iruwane*

(Matyu 7.13-14 baba gam tugu Matyu 7.21-23)

<sup>22</sup> Jisas Jerusalemüb erekoboyau kümünad kümünadi, fib ere ere gagam tugu fib gagam tugu kümünadi ferefinabur dora sarigabürungeaga. <sup>23</sup> Bangar fere gürede menüm waweaga, "Erekokai, Keriaab fere gürena gürena maig igaingebeaga dag?" Bangar Jisasde menüm wangeaga, <sup>24</sup> "Nini kudumege fanam gam iruwebüre, sogi ken biane. Ye wangün, fere epura iruwebüregenko, dirugungeaga. <sup>25</sup> Kuri fata eme siradüdi, fub fürtauweregeaga. Bangar nini ogura obugo biboudi fub poroudi menüm yogeregenan, 'Erekokai, fub taibürüsige.' Bangar nini gam dora menüm toweregeaga, 'Ye nini sibamgürge, nini aragüb.' <sup>26</sup> Bangar ninagiüde menüm waweregenan, 'Sini na keab daba tugu yanag tugu nenanwaib. Bangüdi nag sinib erekobo gam biboudi sarigabürüsigün.' <sup>27</sup> Bangeagako, menüm wangeregeaga, 'Ye nini sibamgürge, nini aragüb. Nini kabia kogi gügab ferewar, nini gürenakuti ye gam segane.' <sup>28</sup> Nini Abraham tugu Aisak tugu Jekop tugu kegengeregenan, baba tugu kiari ferewar gürenakuti Keriaüb Koroba gam büren babawar tugu. Bangeagako, Ninagba, kudengedi obugo büreregennan. Bangar ninag mürüdi maga gürtäta büreregennan. <sup>29</sup> Bangar ferefinabur kantri toi sida mowegiyau, sida kanegiyau, notyau, sautayu tugu, nugengab fib ebgagaiudi, oguradi, Keriaüb Koroba gam daba nebürue gotogeregen. <sup>30</sup> Bana edane. Fere gürekoi mügar kürüna kuri büren baba, nini keseweregen. Fere gürekoi mügar nini kesewen baba, nini kürüna kuri büreregennan."

## *Jisas Jerusalemure kororabweaga*

(*Matyu* 23.37-39)

<sup>31</sup> Baba sese gammanna Farisi gürekoi oguradi, Jisas menüm wawen, "Na fib meme ebgadibe gürekum kümüne, amure, Herotüde norfotuwebüregeaga." <sup>32</sup> Bangar Jisasde menüm wangeaga, "Nini kümüna dugumob mam kogi baba menüm wawane, 'Mügar kiarige etob kogitoi difotugüdi subo ferewar namabürögere. Dü küi gam ba igeab funai kenegafotuweregün.' <sup>33</sup> Bangeagako, mügar, kiarige, ba kiarige, ye urigüdi kümüneregün. Amure, kiarie fere fib güre gam bürarbere, orfotuebena. Kene. Jerusalem gam gürena orfotuweregen.

<sup>34</sup> "Jerusälem, Jerusälem, na kiari ferewar kiasorungafaigün. Na bangüdi ferewar Keriabüde nag gam sugurungan ogurafaigen baba, kiasorungebüre kegenam saka kurtongafaigün. Kuaida ana nugeab sab sige fara korobangafaigeaga baba sibe, ye epüra bede namana nab mogoi toi korabangebüregün. Bangeagako, nini uruwenan.  
<sup>35</sup> Edane. Mügar fib ninib koigüdi uguna bürereregeaga. Ye wagün, nini kegeieregarge. Nini ara kegeiegi sese gam menüm wageregenan, 'Keria bafe meme gam nama geregeaga. Kümüna kümüna Erekokaib yanim gamde ogureregeaga baba sese gamie maig,' kegeieregenan."

14

*Jisasde fere güre mube adagaberegi namabereaga*

**13:24** Mt 7.13; Ro 9.31; Fl 3.12      **13:25** Ais 55.6; Mt 7.23; 25.10-12; Lu 6.46      **13:27** Sng 6.8; Mt 7.23; 25.41  
**13:28** Mt 13.42; 22.13; 24.51; 25.30      **13:28** Mt 8.11-12      **13:29** Sng 107.3; Lu 14.15      **13:30** Mt 19.30; 20.16;  
Mk 10.31      **13:34** Mt 23.37      **13:35** Sng 118.26; Ais 1.7; Jer 22.5; Mai 3.12; Mt 21.9; Mk 11.9-10; Jo 12.13

<sup>1</sup> Israelüngab Dü Kaberegi güre gam, Jisas kümüna Farisiwarüngab taba fere güreb fata gam daba neaga. Bangar idadau taugen. <sup>2</sup> Bangar fere güre mube nub adagabereaga baba, nu Jisas iroto büreaga. <sup>3</sup> Jisas fere baba kegeabürüdi, kabiab sibam ferewarie Farisiwar keab menüm totongeaga, "Dü kaberegi gam subo ferewar ida idangübüde kenedag?" <sup>4</sup> Bangeagako, nini sube gütudi dora maig towedige. Bangar fere baba igaiudi, namabürüdi uruwar kümüneaga. <sup>5</sup> Bangafotudi menüm wangeaga, "Ninag kodigo Dü Kaberegi gam fere güreb nonode bulmakau dag yag ubroime kanarba, nonode bulmakau baba pirikanana buruwar moubeagade kene?" <sup>6</sup> Bangar nini dora baba maig towegi dirugungeaga.

*Jisasde wageaga, fere nu, nuge obgogabereregeaga*

<sup>7</sup> Jisas ferewar baba daba negi gam oguredi kegengeaga baba, gotogegi kur agferegi gam gürena gotogebüregegin. Bangar komina dora güre dünlügeaga. Menüm wageaga, <sup>8</sup> "Fere gürede finege degib kobe erekokai gam yagunar na kümünadiba, kur agferegi baba gam gotogegenä, güregüdi kur baba fere güre yanim ere tugu, nab yanim emegerwegib uruagedi büreregeaga. <sup>9</sup> Bangar kuri fere yagüneaga baba fere de, oguradi menüm waneregeaga, 'Na kur agferegi meme, fere meme duwe.' Bangar nagna maiağüdi kümüna kürüna kuri gotogeregün. <sup>10</sup> Babaure, na fere gürede dabaure yagunar kümünadiba, na kürüna kuri gotoge. Bangabba, fere yagüneaga babade oguradi waneregeaga, 'Mai, na ogura kur agferegi meme gam gotoge.' Nu bangarba, ferewar nag keab daba nen babawarüngab ege gam, nag yanim erekokai deregün. <sup>11</sup> Fere nugede nugeab yanim siradgabereaga baba, Keriabüde nub yanim obgogabereregeaga, bangeagako fere nugeab yanim obgogabereaga baba, Keriabüde nub yanim kekia asau siradgabereregeaga."

*Fere sige gam daba daba maig toweregedige baba, kob dünlügegi*

<sup>12</sup> Jisasde, fere nuge yaguwar daba negi gam ogureaga baba fere, menüm waweaga, "Na daba güre kobegüdiba, nagüb fib gammab büreanmana, awanmana, mabünmana, ginianmana tugu nagüb fib büreanmana tugu kegeom ere ere tutug baba yagüngegenä. Kuri nag tugu yagnedi kümüna fata ninib gam daba nüduen banai. Bangüdi daba nag gam maig toweregegin. <sup>13</sup> Baba kene. Na daba erekokai kobegüdiba, bana kororab ferewar, mube koigegi ferewar, tugu kebe kogi, ege kumkumwar yagünge. <sup>14</sup> Fere babanümwar, nini daba nag gam maig toweregedige. Bangar nag ebebäwregün, amure, kuri surur ferewar ferefib gam siradegi sese gam, Keriabüdeie nag gam daba baba maig toweregeaga."

*Kobegegi erekokaib komina dora*

(Matyu 22.1-10)

<sup>15</sup> Baba ferewar gammab fere güre, Jisas keab daba neaga baba, dora baba edüdi Jisas menüm waweaga, "Ferefirabur Keriabüb Koroba gam gotogüdi daba neregen baba, nini ebebäwregegin." <sup>16</sup> Bangeagako, Jisasde menüm waweaga, "Fere güre kobe erekokai kobegebürewdi, fere epürafaham yagüngar baba kobe gam ogurebüreba. <sup>17</sup> Bana nuge kobe baba kobegegi dü uruageaga gam, nugeab sarua mogoi wawar, ferewar nuge egime yagüngeaga babawar gam kümünebüregüdi waweaga. Bangüdi sarua mogoide menüm wangeregeaga, 'Nini ogurane. Daba daba gürenakuti dugutuafotuveaga.' <sup>18</sup> Bangeagako, baba ferewar wagen, 'Kümünerégüdarge.' Fere gürede wageaga, 'Ye küm güre murugafotun, babaure kümüna kegeweregin. Kororab tugu, ogureregürge.' <sup>19</sup> Bangar gürede wageaga, 'Kororab tugu, ogureregürge. Ye saruagegib bulmakau fogo tugu murgun. Babaure kümüna sarua dünlügaurebüregün.' <sup>20</sup> Bangar gürede wageaga, 'Ye mügananan meme finege dün. Babaure ogureregürge.'

<sup>21</sup> "Bana, sarua mogoi baba baba dora edüdi nugeab eregeam gam maigeaga. Eregeam baba baba dora edüdi magirawar, nugeab sarua mogoi menüm waweaga, 'Na fib ere babab erekobo ere ere gürenakuti gam tugu erekobo fanam fanam gürenakuti gam tugu kümünagere. Bangüdi kororab ferewar tugu, fere mube kogkogiwatugu, ege kumkum, kebe kogkogib ferewar tugu, igaingüdi igeab fata gam ogura iruwane.'

<sup>22</sup> "Bana sarua mogoi bangafotudi wageaga, 'Eregeam, nag wagün sibe güfotunko, fata gobarge.' <sup>23</sup> Bangar eregeamde sarua mogoi menüm waweaga, 'Na fib ere ebgadibe, erekobo ere ere gürenakuti gam tugu küm toib güb kureb tugu daidaiwe. Bangüdi refirabur kirarüngüdiba, sogsgobi wangab yeb daba gam ogureregegin. Ye fata

gobebürewadigün. <sup>24</sup> Ye wangün, baba ferewar egime yagüngün baba, nini gürenakuti yeb daba makita fanam neregedige.' "

*Fere idadau ututungafotubeie Jisas daiwe  
(Matyu 10.37-38)*

<sup>25</sup> Ferefirinabur gin ere Jisas daiwen, bangar piruaboudi menüm wangeaga, <sup>26</sup> "Fere ye gam ogurebüreba, nugeab eme ana, fia mogoi toi tugu mebemana ugemanu tugu nugeab gotogegure tugu kob kumudi, yeure kob kumarge baba, nu yeb daidaigegi büreregarge.

<sup>27</sup> Fere nugeab au fabgegi ara kemeidi daiarge baba, nu yeb daidaigegi büreregarge.

<sup>28</sup> "Ninag gam güre, kekia fata idawar ferewar baba fata gam büridi nugeab daba daba taugegib fata idawebüregüdiba, bana baba fata idawegib mur agandag baba, gotogüdi utun kese deregeaga. Kegeam nugeab baba, fata kenegafotuebeagade kene baba sibamgebüre. <sup>29</sup> Nu baba kese bangarge baba, bana simen kese difürüdi fata baba kenegafotuwargregarba, fere gürenakuti kegeudi makirkirwerekiggin. <sup>30</sup> Menüm wageregen, 'Baba fere fata baba tuabereagako, kenegafotuwargregarba.'

<sup>31</sup> "Bana erekokayau güre kümüna erekokayau güre küre waragebüreba, gotogüdi idadau ututungafotudie kümüneregeaga. Nuge 10 tausen maraipapa banüm tugu, erekokayau güre baba nu tugu 20 tausen maraipapa banüm tugu dag ogurebeaga. Babaura nu sibamgafotudie, erekokayau güre babab maraipapawar keab waragüdi kenegafotueben de kene dag baba sibamgebüregeaga. <sup>32</sup> Bana nu utungar towargegarba, karauaiab kütünba bürarberenana, marai kumafotubewüre fere sugurungan karauaiab waurebüre kümüneregen."

<sup>33</sup> "Babanüm gürena, ninag gam güre nugeab daba daba gürenakuti nige duwargregarba, nu yeb daidaigegi büreregarge."

*Sigai kogi taideaga babae Jisas komina dorageaga  
(Matyu 5.13 baba gam tugu Mak 9.50)*

<sup>34</sup> Jisas namana menüm wageaga, "Sigai nu daba nama. Bangeagako, sigaib fiām kenegarba, bana arangüdar sigai baba maig fiām bürebeaga? <sup>35</sup> Sigai babanüm baba, küm gam daba saguwar fouweregare. Baba tugu, bulmakaub sib tugu turudi küm gam difereregüdige. Kene. Sige uguna difotugafaigenan. Fere kagub tugu garba dora meme ederegeaga."

## 15

*Sipsip iwageaga babab komina dora  
(Matyu 18.12-14)*

<sup>1</sup> Kegeam degi fere epürage tugu, menmen gügab fere gürekoi tugu Jisasüb dora edebüre Jisas nuge iroto oguren. <sup>2</sup> Bangar Farisiwarie kabiab sibam ferewar keab Jisasure yadığıdi menüm wagen, "Baba fere nu menmen gügab ferewar keab kadkadüğü nini keab daba nüfaigeeaga."

<sup>3</sup> Bangar Jisaside komina dora meme dünlügeaga, <sup>4</sup> "Bana ninag gam güre 100 sipsip tugu bürarbere sipsip güre iwagarba, 99 sipsip baba gürenakum sapagar daba nüdi bürereggen. Bangüdi sipsip gürenakuanu baba fitaudi kümüna kaiudie.

<sup>5</sup> Sipsip baba kaiuabürüdiba, ebebearudi kemeidi fogob nugeab gam kinmegabürüdi maig fibigo oguregeaga. <sup>6</sup> Bana fata nugeab gam taidüdiba, büreabmaniae, fib büreabmanea tugu yagüngar ogura guruwereggen. Bangar wangeregeaga, 'Nini ye keab ebebearwane! Yeb sipsip güre iwageaganwa, maig fitaudi dün!' <sup>7</sup> Bangar Jisaside menüm wageaga, 'Ye wangün, fere güre menmen gügab kob pируwar, ebebear babanüm gürena, fib nama gam taidügafaigeaga. Ferewar 99 baba, nini surur büren baba nini kob pируwagi funai kene. Bangeagako, menmen gügab fere güre kob pируwarba, dora dugurewegiwarüngab ebebear baba kürüna erekokai, nini namana namana ebebearuafigen."

*Kegeam iwageaga babab komina dora*

<sup>8</sup> Bangar Jisaside namana menüm wageaga, "Be finege güre kegeam gürena mor tugu, bangarbere kegeam magi aigo tugu güre fata gam iwagarba, arangebeaga? Nan furudi fata gam ina gasaudi idadau agügeregeaga. Bangüdi fitaudi kümüna nugeab kegeam baba kaiuweregeaga. <sup>9</sup> Bana kegeam nugeab kaiudi düdiba, büreabmaniae fib büreabmanea keab yagüngar ogura guruwereggen. Bangar wangeregeaga, 'Nini ye keab

**14:24** Mt 21.43; 22.8; Tu 13.46    **14:26** Lo 33.9; Mt 10.37; Lu 18.29; Jo 12.25; IDT 12.11    **14:27** Mt 10.38; 16.24;

Mk 8.34; Lu 9.23; 2 Ti 3.12    **14:33** Fl 3.7-8    **14:34** Mt 5.13; Mk 9.50    **15:1** Lu 5.29-30    **15:2** Tu 11.3; Ga 2.12

**15:4** Ese 34.11; 34.16; Mt 18.12; Lu 19.10    **15:6** 1 Pi 2.10; 2.25    **15:7** Lu 5.32

ebebearwane! Yeb kegeam magi güre kenegeaganwaib maig fitaudi dün!' " <sup>10</sup> Bangar Jisasde menüm wageaga, "Ye wangün, menmen gügab fere güre kob pируwar, ebebear babanüm gürena Keriabüb dora dugurewegiwar kodigo taidügafaigeaga."

### *Emüga nono aküre tugu babab komina dora*

<sup>11</sup> Bangar Jisasde namana menüm wageaga, "Fere güre nu nono aküre tugu. <sup>12</sup> Bangar nono fanam babade eme menüm waweaga, 'Emüga, nag daba daba awai küre gam kabataudi sigebüregün baba, yeb baba mügar sie.' Bana emnüğ nugeab daba daba gürenakuti aküresari kabatageaga. <sup>13</sup> Nono fanam baba, ere batamge nuge daba daba tobgüdi fere gagam sugarweaga. Bangüdi kegeam düdi, fib güre kütünba kümüna büreaga. Nu kümüna baba fib gam bürdü fido kabia epürafanam geaga. Bangar kegeam nugeab gürenakuti kenegeaga. <sup>14</sup> Bana kegeam kenegeaga sese gam, baba fib gam oguno sese taideaga. Baba sese gam, nub daba daba gürenakuti kenegeaga. <sup>15</sup> Bangarbere kümüna baba fib gammab fere güre gam fünai deaga. Bangar baba ferede nugeab dawai taugebüre, dawai güb gam sugarwar kümüneaga. <sup>16</sup> Dawaitoi omai sige sige negin baba kegengabürüdi, nuge tugu ogunoweaga. Bangeagako, baba sese gam, fere gürede daba duwarge. Bangar omai sige sige gürekoi kiregüdi nebüregeaga.

<sup>17</sup> "Bana mügar ututun nama düdi, wageaga, 'Emügal sarua mogoi gürenakuti nini daba epürage tugu. Bangeagako, ye meag bürün baba oguno kogigiaga. <sup>18</sup> Bagena, ye maig sıradüdi igeab emüga gam kümüne. Bangüdi menüm wawere, 'Emüga, ye Keriab gam tugu na gam tugu menmengün. <sup>19</sup> Mügar ye fere namagar, nagüb nono güdi yanbayeregabge. Ye ebgaiadab nagüb sarua mogoi güre sibe büreregün.' <sup>20</sup> Bana sıradüdi eme gam kümüneaga.

"Nu kütüba bürarberenana, emede kegewarbere ogureaga. Bangar emeb kob, nonoure kürüna kororabweaga. Bangar emede gururudi kümüna nono kobagüdi, nurdokweaga. <sup>21</sup> Bangar nonode menüm waweaga, 'Emüga, ye Keriab gam tugu na gam tugu menmengün. Mügar ye fere namagar, nagüb nono güdi yanbayeregabge.' <sup>22</sup> Bangeagako, emede nugeab sarua mogoi toi yagüngar oguredi menüm wangeaga, 'Nini igeab karün namafanam kuab baba düdi ogura pirika enburuwane. Bangüdi kube magi gam saia güre difüruwane. Bangüdi kebe gam tugu kebe sagwegi enburuwane. <sup>23</sup> Bangübenar kümüna bulmakau fara adagegi baba dubenar orane. Bangar kobe nüdi ebebearwagi. <sup>24</sup> Amure, yeb nono meme nu kumeagagünko, mügar nu maig gotogegi deaga. Nu iwaveagako, maig igaiwenan.' Bana kobe erekokai kobegüdi ebebearua büren."

<sup>25</sup> "Bana baba sese gam, nono keman baba, nu küm gam büreaga. Kuri maigüdi fata iroto oguradiba, ferefinabur garabina epüraudi meruwen baba edeaga. <sup>26</sup> Bangar sarua mogoi güre yagüdi menüm totoweaga, baba 'Amdagegin?' <sup>27</sup> Bangar sarua mogoide waweaga, 'Mabün nagüb manage maig ogura taideaga. Bangar emünde bulmakau fara adagegi baba oreaga, amure, emün kegeweaga baba, mabün nagüb nama fanam bürüdi ogura maig taideaga babaure ebebearweaga.' <sup>28</sup> Nono keman dora baba edüdi, magirawar fata gam iruwégi uruweaga. Bana eme obugo füraboudi, magira nub kumafotuwébürewadi, dora nama duweaga. <sup>29</sup> Bangeagako, emeb dora menüm toteaga, 'Aranüm? Ye uguna sarua mogoi sibe, sarua nab kümdan epürafanamdürge. Bangüdi dora nab büraifaigurge. Baba, gürenabede fanam güre meme sogub fanamere güre siab igeab büreyaimana keab ebebearurge. Kürüna kene, <sup>30</sup> Bangeagako, nono nagüb meme, nagüb daba daba gürenakuti erekobo gammab finabur gam kenegafotuwéaga. Bangafotidi, mügar maig ogurar, nag ebebearuabürüwebürewadi bulmakau fara adagegi baba orun."

<sup>31</sup> "Bangar emede menüm waweaga, 'Nono, na bata bata ige küre burfaigün, babaure yeb daba daba gürenakuti baba, nab. <sup>32</sup> Bangeagako, mügar sige ebebearwagi, bangar kob sigeab namauo, amure, mabün kumeagagünko, mügar maig gotogegi deaga. Iwaveagako, mügar sigede maig igaiwenan.'

## 16

### *Sarua mogoi maig bekto idabürügeaga babab komina dora*

<sup>1</sup> Jisasde nugeab daidaigegi simai menüm wangeaga, "Kegeam fere güreb taugegi güre büreaga. Bangar fere gürekoidie, kegeam fere baba gam oguradi, taugegi gam dora menüm oren, 'Taugegi nagüb baba, nagüb daba daba uguna kenegafotuwéaga.' <sup>2</sup> Bangarbere kegeam ferede, taugegi yaguwar ogurar waweaga, 'Nab kabiab dora edün

baba aranüm? Na kümüna yeb daba daba nagüb kube gam büreaga babab doraman feie. Na kürüna taugegi büreregabge.'

<sup>3</sup> "Bana baba taugegi nugede, nuge menüm waweaga, 'Mügar arangüi? Eregeam taugegi füniye gam düfotuwebüregeaga. Ye ugu fere taidüdi, fere güre gam kübüdim pusuwagi füniye degi sogi kene. Bangar fere gürekoi kegeam siebüre wangegi tugu maiagün. <sup>4</sup> Bangeagako, mügar ye daba gegi sibamgün, eregeamde taugegi füniye gam kudeiarba, ferevaro narto tutug baba, kim igaidi nugengab fata gam kümüneregen. Bangar ige sagiebüregüdi nini gam kabia nama nama geregün.' <sup>5</sup> Babaure, fere gürena gürena nugeab eregeam gam narto tutug baba, yagüngar nuge gam oguren. Fere gürekese taidar, taugegide totoweaga, 'Na yeb eregeam gam narto agan dün?' <sup>6</sup> Bangar wageaga, 'Ye 100 wel kiag dün.' Bangar taugegide waweaga, 'Na budi faga nagüb narto feienwaib baba de, bangüdi narto 100 wel kiag baba ebgadibenau pirika gotogaboudi 50 gürena feibere.' <sup>7</sup> Kuri fere güre taidar, taugegide totoweaga, 'Nab narto agan?' Bangar wageaga, 'Ye 100 wit far dün.' Bangar taugegide waweaga, 'Na budi faga nagüb narto feienwaib baba de, bangüdi narto 100 wit far baba ebgadibenau pirika gotogaboudi 80 gürena feibere.'

<sup>8</sup> "Bangar kuri, eregeam baba, taugegide kabia geaga baba sibamgüdi, taugegi kogi babab yanim siradgabereaga, amure, kabia geaga baba, fere ututun tugub sibe. Fere nini kübüdim meme gamnab kabia daiwafaigen baba, nini nugengab füniwegi am am erekobo baba kürüna sibamgen. Bangüdi fere meram gamnab kabia daiwafaigen baba, emegerünen.

<sup>9</sup> "Ye wangün, meme kübüdim gamnab kegeam kogi gamde, ninag ferefina buraburengar ninagüngab büreanügmana tataigüregüdi genan. Bangar kuri kegeam debetawegi sese baba kenegarba, kim igaingüdi tüpur tüpur büregi fata toi gam kümüneregen.

<sup>10</sup> "Fere güre daba fanam idadau taugafaigüdiba, nu daba ere ere tugu idadau taugeregeaga. Fere daba fanam idadau taugafraigarge baba, nu daba ere ere tugu idadau taugeregarge. <sup>11</sup> Nini meme kübüdim gamnab kegeam kogi, idadau taugafraigegarba, wonide kainana daba taugegi ninag dünügebeaga? <sup>12</sup> Be ninag fere güreb daba daba idadau taugareggarba, wonide ninagüb daba daba dünügebeaga?

<sup>13</sup> "Saru mogoi güre taugegi aküre gamnana minigo büreregargabe. Güre ogub dudi, güreure kob darabgeregeaga. Güreb dora edüdi, güre nige duwerekeregeaga. Nini Keriab minigo tugu, kegeam minigo tugu büreregargabe."

#### *Jisasde kabiab dora tugu Keriabüb Korobab dora tugu pitoiaga*

<sup>14</sup> Farisiwar nini kegeamure güfaigegin, babaure, dora Jisasde dorageaga baba dora gürenakuti edüdi makirkir dora duen. <sup>15</sup> Bangeagako, menüm wangeaga, "Ninag Farisiwar ferewarde menüm wangebüregüdi utun düfaigenan, baba Farisiwar nini surur kabia gürengin. Bangeagako, daba daba ninagüngab sibim gam iwagüdi büreaga baba, Keriab nu sibam. Daba fereb utunde namageaga baba daba, Keriabüb ege gam kürüna kogi.

<sup>16</sup> "Kabiab dora tugu, kiari ferewarüngab dora tugu egimena büridi ogura Jonüb sese gam taideaga. Bangeagako, Jonüb sese gam toadeaga baba, Keriabüb Korobab dora nama baba, fib itut taideaga. Bangar fere gürenakuti koroba baba gam iruwebüre sogiferen.

<sup>17</sup> "Magadi tugu kübüdim tugu kim kenegeregeaga. Bangeagako, Keriabüb kabiab dora fanamere fanam kenegeregargabe."

#### *Jisas kam katuwegib kabiature dorageaga*

(Matyu 5.31-32 baba gam tugu Matyu 19.9 baba gam tugu Mak 10.11-12)

<sup>18</sup> Jisasde namana menüm wageaga, "Am fere, fia ureadi finege güre deaga baba, siba kabia geaga. Baba tugu finege güre egime kabüde ebgadeaganwaib baba, fere gürede düdiba, baba tugu siba kabia geaga."

#### *Kegeam fereie, Lasarus kürengab doraman*

<sup>19</sup> Jisasde namana menüm wageaga, "Egime kegeam fere güre büreaga, nu karün maur nama nama enüdie, baba kekia karün ebeab kuab baba, enfaigegi bata. Bangüdi dü itut nu daba nama nama nüfaigeaga. <sup>20-21</sup> Kegeam fere babab fata kudumege iroto, kogiwab fere güre kinbürfaiseaga. Kogiwab fere babab yanim Lasarus, nu kegeam fere

**16:8** Jo 12.36; Ef 5.8; 1 Te 5.5    **16:9** Dan 4.27; Mt 6.19-20; Lu 14.14; 1 Ti 6.17-19    **16:10** Mt 25.21; Lu 19.17-26

**16:13** Mt 6.24    **16:15** 1 Sml 16.7; Sng 7.9; Snd 6.16-17; Mt 23.28; Lu 10.29; 18.9-14    **16:16** Mt 4.17; 11.12-13; Lu 7.29    **16:17** Sng 102.26-27; Ais 40.8; Mt 5.18; 1 Pi 1.25    **16:18** Mt 5.32; Mk 10.11; 1 Ko 7.10-11    **16:20-21** Mt 15.27

babab kur gadi gam daba makita musuafaigeaga baba düdi nebürewadi utungafaigeaga. Nub mube gam ed gin gin kakagiaboudi büreaga, bangar mamüde ogura nugengab saguib sige edi nub beraberafaigen.

<sup>22</sup> "Kuri kogiwab fere baba kumar, Keriabüb dora dugurewegiwarde kemeidi kümüna Abraham keab diferedi büreaga. Kegeam fere baba tugu kumar ub kurberen.<sup>23</sup> Nu fere kumfotuwenwaib fib gam darab erekokai tugu büreaga. Nu kekia agügüdi, Abraham kegeweaga baba, kütüb asau büreaga, Lasarus tugu nu keab büreaga.<sup>24</sup> Bana kegeam fere baba menüm yogeaga, 'Emüga Abraham, na yeure kororabge, bangüdi, Lasarus wawab nugeab kube magi gamde yag fanam düdi ogura yeb saguib gam diferar fanam nargeregeaga. Ye keb meme gam bürüdi darab gugub dün.'

<sup>25</sup> "Bangeagako, Abrahame wageaga, 'Nono, na daba güre utunge. Nag omo bürun sese gam, na daba nama nama gürenakuti kiregün. Bangar Lasarus nu daba kogkogi gürenakuti kiregeaga. Bangeagako, mügar meme fib gam, kob nub dab fanam büreaga, bangar na darab kogi dün.<sup>26</sup> Baba tugu, daba güre, sin tugu ninag tugu kodigo, Keriabüde yagbara güre erekokai difereaga. Babaure, fere meag büren baba, yagbara baba bugataiudi nin gam kümünegi baba, dirugungeaga. Baba tugu, fere bag büren baba, yagbara bugataiudi sin gam oguregi dirugungeaga.'

<sup>27</sup> "Bangar kegeam ferede wageaga, 'Bana bangarba emüga, ye totonün, Lasarus suguruab igeab emügab fata gam kümünebeagade?<sup>28</sup> Ye mabamana taba tugu büren, babaure, Lasarus wawab kümüna dora sogsgo düñügar kabia nugengab idabürügo, banaka nini tugu darab erekokai degib fib gam meag oguraduen, babaure.'<sup>29</sup> Bangeagako, Abrahame wageaga, 'Mosesüb dora tugu kiari ferewarüngab dora tugu büreaga, baba gam kim kagub differeregen.'<sup>30</sup> Bangar kegeam ferede wageaga, 'Emüga Abraham, kene. Baba towarge. Bangeagako, fere güre kumeaganwaib ferefib gamde siradüdi nini gam kümünarba kob piruweregen.'

<sup>31</sup> "Bangar Abrahame menüm waweaga, 'Nini Mosesüb dora tugu kiari ferewarüngab dora tugu edfaigedigegarba, bana fere güre ferefib gamde siraderegeaga tugu, doragar kob kainanageregedige.'"

## 17

### *Kabia kogide kob kainana kogifuruwafaigeaga*

(Matyu 18.6-7 baba gam tugu Matyu 18.21-22 baba gam tugu Mak 9.42)

<sup>1</sup> Jisasde nugeab daidaigegi simai menüm wangeaga, "Ferefinabur menmen gam fürügebüre, daba daba adab adab tataigeregeaga. Bangeagako, fere baba kabia kabia taibürägeaga baba, nu dabnanai.<sup>2</sup> Kegenam güre erekokai saka nagüb barub wartaudi masyag nigumo fotuwediba, baba kogi. Baba sibenana, na mogoi fara güre namana kabia kogi güre abatarudiba, baba kürüna kogi.<sup>3</sup> Babaure nini ninagure idadau taugane.

"Awan ede mabün nagüb menmen garba, wawab kabia nugeab baba idabero. Kob piruwarba, menmen nub unaige. <sup>4</sup> Be dü gürena baba gammanna fere güre ogura nag gam menmengafotudiba, wageregeaga, yeure kororabgüdi yeb menmen unaigegarba, bana menmen nub unaige. Maig aküre bede ogura nag gam menmengafotudiba, wageregeaga, yeure kororabgüdi yeb menmen unaigegarba, bana menmen nub unaige. Banüm gürena kümüna nonob tugu bede taideregeaga."

### *Jisas kob kainanagegi kabiaure dorageaga*

<sup>5</sup> Dora turewegi ferede Erekokai menüm wawen, "Na sinib kob kainana baba namana gab erekokaigo."<sup>6</sup> Bangar Erekokaide menüm wangeaga, "Kob kainana ninib fanamere sau mastet gen babab magi sibeko, nini au wawegi toweregeaga, 'Na nagüb ginimtoi sidiragubenu kümüna masyag nigumo biboudi büregarba,' au baba ninagüb sube daiweregeaga."

### *Jisas sarua mogoi kabiaure dorageaga*

<sup>7</sup> Jisasde namana menüm wageaga, "Ninag kodigo fere gürede sarua mogoi kümüna küm gam kübündim pusuwebürede, sipsip toi taugebüre wawarba, bana baba sarua mogoi saruagafotudi maig fata gam ogurarpa, nugeab eregeamde menüm wawebagadag, 'Na pirika ogura gotogüdi daba ne gebeagade'? <sup>8</sup> Kenenai. Eregeamde sarua mogoi menüm waweregeaga, 'Na yeb daba ekotagübenau ude dagübe yeb daba ordüdi

**16:24** Ais 66.24; Sek 14.12; Mk 9.43-44    **16:25** Jop 21.13; Lu 6.24    **16:29** Ais 8.20; Jo 5.39; 5.45; Tu 15.21    **16:31**

Jo 11.44-48; 12.10-11    **17:1** Mt 18.6-7; Mk 9.42    **17:3** Wkp 19.17; Snd 17.10; Mt 18.15; Je 5.19    **17:5** Mk 9.24

**17:6** Mt 17.20; 21.21; Mk 9.23; 11.23    **17:8** Lu 12.37

ogura sie. Ye kese daba tugu yang tugu nürie, bana na kurie daba tugu yang tugu ne.’  
<sup>9</sup> Be eregeamde sarua mogoi baba, sube daidaiweaga babaure esegebeagadag? Kenenai.  
<sup>10</sup> Babaure ninag tugu, daba daba gürenakuti Keriabüde wangeaga baba sibenana güfotudiba, bana menüm wagane, ‘Sin eregeamde fünai sigeaga babaure ena sube daidaiwenan. Sin yanim debüre fünaiudarge.’ ”

*Jisasde fere fogo tugu lepra subo tutug namabürügeaga*

<sup>11</sup> Jisas erekobo daiudi Jerusalem kümüneaga. Bangüdi Samaria distrikie Galili distrik kodigode urığıdü kümüneaga. <sup>12</sup> Fib güre gam taidar, fere fogo tugu lepra subo tutugu ogura erekobo gam kaiwen. Nini kütübana bibowen, <sup>13</sup> bangüdi erenana menüm yogen, “Jisas, eregeam, na sinure kororabge.” <sup>14</sup> Jisasde kegengüdi, menüm wangeaga, “Nini kümüna mube ninagüngab Keriabüb kobegegi ferewar abatarüngane.” Bana kümünedi mube nugengab urun taideaga. <sup>15</sup> Nin kodigo fere güre kegeweaga baba, nugeab mube maig namaweaga baba kegeudi maigeaga. Nu igyogüdi, Keriabüb yanim siradgabereaga. <sup>16</sup> Nu kümüna Jisas gam taidüdi, Jisasüb kebe iroto oksosob orudi, nurmaga kübüdim gam difürüdi, esegeaga. Fere baba, nu Samaria distriküb ferefirinaburüngab gin gammab. <sup>17</sup> Jisas fere baba kegeudi wageaga, ‘Yeba, fere fogo tugu urun taiden gün. Bangeagako, fere dam tugu baba arag büren?’ <sup>18</sup> Maigüdi, ogura Keriabüb yanim siradgaberegi kenedag, io? Fere meme gin güre gammab nu nugenakuanade?” <sup>19</sup> Bana Jisasde fere baba menüm waweaga, “Na siradibe kümüne. Kob kainana nagübüde, nag maig namabereaga.”

*Fereb Nono agüba taideregeaga*

(Matyu 24.23-28 baba gam tugu Matyu 24.37-41)

<sup>20</sup> Farisiwarde Jisas menüm totowen, “Am sese gam Keriabüb Koroba ogurebeaga?” Bangar Jisasde dora ninib menüm toweaga, “Keriabüb Koroba oguregi sese gam, am daba güre bera sibe taideregarge, bangar ferefirinabur nugengab egede kegeweregedige. <sup>21</sup> Bangar menüm wageregedige, ‘Kegewenan, meag büreaga,’ ede ‘Egina bag büreaga.’ Edenan. Keriabüb Koroba manage ninag kodigo büreaga.”\*

<sup>22</sup> Bangar Jisas nugeab daidaigegi simai menüm wangeaga, “Kuri sese taideregeaga baba, ninag Fereb Nonob sese güre, kegewebürenana geregenan. Bangeagako, kegeweregarge. <sup>23</sup> Bangar ninag menüm wangeregen, ‘Kegewenan, nu egina bag büreaga,’ ede ‘Kegewenan, nu meag büreaga.’ Bangeagako, nini kümüna daingagana. <sup>24</sup> Ninag sibam, uyankengenim taidügafaigeaga baba, magadi gürenakuti meramgafaigeaga. Bana Fereb Nono tugu nuge oguregi sese gam babanüm gürena geregeaga, bangar ferefirinabur gürenakuti kegeweregegin. <sup>25</sup> Bangeagako, nu kub epüra fanam kemeidie, bangar meme sese gammab ferewar nige duwerekigin.

<sup>26</sup> “Noab sese gam kabia babanüm geginwaib, kabia babanüm gürena, Fereb Nono oguregi sese gam geregegin. <sup>27</sup> Noab sese gam daba, yang negi fünai gübüren, ferewar finabur kiregegin, finabur kam degin, bangedi kümüna kümüna Noa oude ere gam iruwagi sese gam taiden. Bana kuiia erekokai taidüdi ferefirinabur gürenakuti kogifürüngeaga. <sup>28</sup> Ferefirinabur kabia babanüm gürena, Lotüb sese gam geginwaib. Baba, yang negi gam büren, daba murugegi, sugurwegi fünai tugu küm fünai fata fünai güdi büren. <sup>29</sup> Bangeagako, Lot nu Sodom ebgadüdi kümüneaga, bangar baba dü gammanna keb tugu kegenam salfa tugu, yang sibe magadi gamde musuweaga. Bangüdi ferefirinabur gürenakuti kogifürüngeaga. <sup>30</sup> Bana Fereb Nono agüba taidegi dü gam, kabia babanüm gürena taideregeaga.

<sup>31</sup> “Baba dü gam, fere güre fata kekia bürar nugeab daba daba fata goime bürarba, debüre iruvebeagana. Babanüm gürena, fere küm gam büreaga baba, fata gam maigüdi ogurebeagana. <sup>32</sup> Nini Lotüb fia gam daba taideaga baba utungane. <sup>33</sup> Fere güre nugeab gotogegi nugede debetawebüregüdiba, gotogegi nub kenegeregeaga. Bangeagako, fere güre nugeab gotogegi ye gam ebgadüdiba, gotogegi nub nama büreregeaga.

<sup>34</sup> “Ye wangün, Fereb Nono utumnonou taideregeaga baba, fere aküre kur gürena gam kineregegin, bangar Keriabüde güre igaiudi, güre ebgadar büreregeaga. <sup>35-36</sup> Finabur

**17:10** Mt 25.30; Ro 3.12; 1 Ko 9.16-17; Fm 1.11      **17:11** Lu 9.51-52; 13.22; Jo 4.4      **17:12** Wkp 13.46      **17:13**

Wkp 13.45-46      **17:14** Wkp 13.2; 14.1-32; Mt 8.4; Lu 5.14      **17:19** Mt 9.22; Mk 5.34; Lu 7.50      **17:20** Jo 3.3;

18.36      **17:21** Mk 13.21; Lu 17.23; Ro 14.17      \*      **17:21** Sibam ferewar gürekoi dora adab meme menüm turegegin, “Edenan. Keriabüb Koroba manage ninag roime büreaga.”      **17:23** Mt 24.23; Mk 13.21; Lu 17.21; 21.8      **17:24**

Mt 24.27      **17:25** Mk 8.31; 9.31; Lu 9.22      **17:26** Stt 6.5-8; 7.1-24; Mt 24.37      **17:27** Stt 7.6-24      **17:28** Stt

18.20-19.25      **17:30** 2 Te 1.7      **17:31** Stt 19.17; 19.26; Mt 24.17-18; Mk 13.15-16      **17:32** Stt 19.26      **17:33** Mt

10.39; 16.25; Mk 8.35; Lu 9.24; Jo 12.25      **17:34** Mt 24.40-41; 1 Te 4.17

aküre plaua taiberebüre wit magi toabüreregeegin, bangar Keriabüde güre igaiudi güre ebgadar büreregeaga.”\* <sup>37</sup> Daidaigegi simai dora baba edüdi, Jisas menüm totowen, “Erekokai, baba daba daba arag taidebeaga?” Bangar Jisasde menüm wangeaga, “Araugam dag fere mob mob büreaga baba gam gürena, mabig ogura guruafaigen.”

## 18

*Finege güre jasüde saguwebüregüdi sogifereaga babab komina dora*

<sup>1</sup> Jisasde komina dora güre dünlügeaga, bata bata sibdibwegibure sarigabürüngeaga, bangar siroigeregedige. <sup>2</sup> Menüm wageaga, “Fib ere güre gam, jas güre büreaga. Jas baba Keriabure kimgafaigarge, nu ferewarure tugu, idau utungafaigarge. <sup>3</sup> Baba fib ere gam tugu finege güre büreaga, baba oyemadi. Bata bata jas baba gam oguradi wafaigeaga, ‘Karau yeb kogifürüyebüregeaga. Na dora gam sagie.’ <sup>4</sup> Omo gam jasüde finege baba saguwagi uruweaganwaib. Bangeagako, kuri menüm utungeaga, ‘Ye Keriabure kimigürge, ye ferewarure idau utungurje. <sup>5</sup> Bangeagako, finege oyemadi baba, ye kub siegi bata. Babaure dora gam saguidag. Banaka bata bata ogureregeaga. Bangar ye nub dora edezi gürenakuti siroieregeaga.’”

<sup>6</sup> Bangar Erekokaide namana menüm wageaga, “Nini jas kogi babab dora baba edane. <sup>7</sup> Bana aranüm? Ferefirinabur Keriabüde nugeab uruageaga, bangar dü itut gituwagi itut nugeure mür büren baba, Keriabüde sagüngeregargedag, io? Dago dagongüdi pirika sagüngeregargedag, io? <sup>8</sup> Ye wangün, nu pirikanana sagüngeregeaga. Bangeagako, Fereb Nono ogureregeaga baba, ferefirinabur kübüdim gam büren baba, kob kainanagende, kene? Baba kegengeregeaga.”

*Fere aküre Keriabure sibdibwen babab komina dora*

<sup>9</sup> Fere güre güre, nuge surur bürüdi, gürewar sin sibe büredige güdi utungafaigen. Jisasde babanüm ferewarure komina dora menüm dünlügeaga, <sup>10</sup> “Fere aküre, sibdibwebüre nugeküre Keriabüb fatab güb gam kümünen. Güre nu Farisi, güre baba nu kegeam degi fere. <sup>11</sup> Farisi baba nu biboudi, nugeab kob gamde menüm sibdibweaga, ‘Keria, ye fere gürewar sibege, babaure ye nagure esegün. Nini begafaigegin, baba tugu kabia nama güfaigedige tugu finabur kam tutug gam menmengaigegin. Bangeagako, ye kene. Baba tugu ye kegeam degi fere baba sibege. <sup>12</sup> Kunube itut ye daba kudigiegib dü aküre uruagafaigün. Ye daba daba gürenakuti düdiba, fogo tugu tobgafaigüdi kabatagafaigün bangüdi tob gürena baba nag dünafaigün.’ <sup>13</sup> Bangeagako, kegeam degi fere nu kütuba biboweaga, bangüdi fib nama gam kekia agügegi uruweaga. Kene. Nu utugudi wageaga, ‘Keria, ye menmen gügab fere. Na ye niraraie.’”

<sup>14</sup> Bangar Jisasde wageaga, “Ye wangün, kegeam degi fere baba, nugeab fata gam maigeaga sese gam, nu gürena Keriabüb ege gam surur fere taideaga. Bangeagako, fere güre baba kogi. Amure, fere gürenakuti nugengab yanim siradgaber baba, Keriabüde nini obgogabereregeaga. Fere gürenakuti nuge obgogaber baba, Keriabüde yanim ninib siradgabereregeaga.”

*Jisasde mogoi fara fara nuge gam uruwedi ogurebüregüdi dorageaga*

(Matyu 19.13-15 baba gam tugu Mak 10.13-16)

<sup>15</sup> Ferefirinabur mogoi fara fara Jisas gam yatangüdi oguren, mogoi fara fara ebe gammab tutug yatangüdi oguren. Jisasde nini gam kube düferebüregar yatangen. Bangeagako, daidaigegi simai kegeudi baba ferefirinabur nunurungen. <sup>16</sup> Bana Jisasde mogoi fara fara yağınlar nuge irotu oguregin, bangüdi daidaigegi simai menüm wangeaga, “Nini mogoi fara fara uruwar ige gam oguren. Tageibirüngagana. Amure, Keriabüb Koroba baba, fere memenüm mogoi fara fara sibeb. <sup>17</sup> Ye nini gam kainana wagün, fere güre Keriabüb Koroba mogoi fara farade düfaigen baba sibe dargegarba, nu baba gam iruweregarge. Kürüna kene.”

*Taba fere daba daba epürage tugude Jisasküre dorageaga*

(Matyu 19.16-30 baba gam tugu Mak 10.17-31)

\* **17:35-36** Sibam fere gürekoide wagon, meme boro gam, dora güre tugu büreaga. Dora baba menüm, “Fere aküre kum gam büreregeegin, bangar Keriabüde güre igaiudi güre ebgadar büreregeaga.” Matyu 24.40 baba kegewane.

**17:37** Jop 39.30; Mt 24.28    **18:1** Ro 12.12; Ef 6.18; Kl 4.2; 1 Te 5.17    **18:5** Lu 11.7-8    **18:7** IDT 6.10    **18:8** Hi 10.37; 2 Pi 3.8-9    **18:9** Lu 10.29; 16.15    **18:11** Sng 135.2; Ais 1.15; 58.2; Lu 16.15; IDT 3.17    **18:12** Stt 14.20; Ais 58.2-3; Mt 23.23    **18:13** Sng 51.1    **18:14** Jop 22.29; Mt 23.12; Lu 14.11; Je 4.6; 1 Pi 5.5-6    **18:15** Mt 19.13; Mk 10.13    **18:16** Mt 19.14; Mk 10.14; 1 Ko 14.20; 1 Pi 2.2    **18:17** Mt 18.3; Mk 10.15

<sup>18</sup> Taba fere gürede Jisas menüm totoweaga, "Sibam sarigegi nama, ye am bangüdie gotogegi nama tüpur tüpur büregi düi?" <sup>19</sup> Bangar Jisasde menüm waweaga, "Amure ye namagüdi yanbain? Keriab nugenakuana nu nama. <sup>20</sup> Na kabiab dora toi sibamgafotun, 'Nini finege tutug baba, nini siba kabia gagana. Nini ferefinabur gürekoi kiasorungar kugumgebena. Nini begagana. Nini kiougüdi ferefinabur gürekoi dora gam difürüngagana. Nini emnügen aninigmama minigo büridi dora ninib daiwane.'"  
<sup>21</sup> Bangar taba ferede wageaga, "Ye fara yeusanana ogura mügar, ye kabia baba gürenakuti daiwasagün." <sup>22</sup> Jisas dora baba edüdi, taba fere baba menüm waweaga, "Na daba güreure sigagün. Na nagüb daba daba gürenakuti sugurue, bangüdi kegeam baba düdiba, kororab ferewar kabatange. Na bangüdiba, na fib nama gam daba nama nama deregün. Bangüdi ogura ye daie." <sup>23</sup> Bangeagako, taba fere dora baba edüdi, kob koigeaga, amure, nu daba daba epüra fanamge tugu.

<sup>24</sup> Jisas taba fere baba kegeweaga baba, kob koigar menüm wageaga, "Ferewar daba daba epürage tugu baba, nini Keriabüb Koroba gam iruwebüre bikideweregegin.  
<sup>25</sup> Kegeam fere Keriabüb Koroba gam iruwebüre bikideweregegin. <sup>26</sup> Ferewar dora baba edüdi menüm wagen, "Bangarba, wonidenana gotogegi nama tüpur büregi debeaga?"  
<sup>27</sup> Bangar Jisasde wageaga, "Baba daba, ferede geregarge, bangeagako, Keriabüde geregeaga."

<sup>28</sup> Bangar Pitade menüm wageaga, "Edün. Sin fib tugu daba daba sinib tugu ebgafotudi, dainenan." <sup>29-30</sup> Bangar Jisasde menüm wangeaga, "Ye nin gam kainana wagün, fere gürenakuti Keriabüb Korobaure utungüdi, nugengab fata tugu, fianügmana, owa mebemana, emnügen aninigmama, mogoitoi ebgagaingüdiba, bana kübüdim meme gam büren sese gammanna Keriabüde daba daba epürafanam dünungeregarge. Nuge daba daba egimeb tutug büren baba, emegerweregeaga. Bangar sese kuri taidebüregeaga baba, gotogegi nama tüpur tüpur büregi deregegin."

### *Jisas maigina wageaga nuge kumudie maig siraderegeaga*

(Matyu 20.17-19 baba gam tugu Mak 10.32-34)

<sup>31</sup> Jisas daidaigegi simai gürena bede fogo aküre igaingüdi menüm wangeaga, "Edane. Mügar Jerusalem kümünab. Bangar dora gürenakuti kiari ferewarde Fereb Nono gam daba daba tataigeregeagagüdi feienwaib baba, mügar kürüna tataigeregeaga.  
<sup>32</sup> Gürewarüngab gingamnab fere simaingab kube gam nu duwerekeregin. Bangüdi makirkir dora duwerekeregin, kogifurudi, sibgoruwerekeregin. <sup>33</sup> Bangüdi gege düdi orfotuwerekeregin. Bangeagako, dü küi gamba maig siraderegeaga." <sup>34</sup> Bangeagako, daidaigegi simai nini, dora babab ginim sibamgedige. Dora babab ginim ninib kob gam iwaveaga, bangar dora baba geaga baba, nini idau sibamgedige.

### *Jisasde ege gomo güre namabereaga*

(Matyu 20.29-34 baba gam tugu Mak 10.46-52)

<sup>35</sup> Jisas Jeriko fib ere iroto taidüdi, fere güre ege gomo erekobo maga gam gotogüdi ferefinabur kegeamure toto totongeaga, baba kegeweaga. <sup>36</sup> Ferefinabur gin ere oguren baba edüdi, fere menüm totongeaga, "Baba amdagegin?" <sup>37</sup> Bangar wawen, "Jisas Nasaretüb ogureaga." <sup>38</sup> Bana baba ege gomo menüm yogeaga, "Jisas, na Devitüb matanab, na ye kororabie." <sup>39</sup> Fere agfürüdi oguren babawarde, nunurudi menüm wawen, "Na sube gütüwe." Bangeagako, nu bikuwadaid igyogüdi, erenana magaudi mengeaga, "Na Devitüb matanab, na ye kororabie." <sup>40</sup> Bangar Jisas ogura biboudi, fere baba nuge gam igaiudi ogurebüregüdi wangeaga. Ege gomo baba iroto ogurafotuwarbere, Jisasde menüm totoweaga, <sup>41</sup> "Ye na gam am bangebüre güdi gün?" Bangar wageaga, "Erekokai, ye agügebüregün." <sup>42</sup> Bangar Jisasde waweaga, "Ege nab kim namawerekerega. Kob kainana nagübüde gar nag namaun." <sup>43</sup> Bangar pirikanana ege nub pitoiar agügeaga. Bangar Jisas daiudi kümünadi, Keriabüb yanım siradgabereaga. Bangar ferefinabur gürenakuti baba kegeudi, nin tugu Keriabüb yanım siradgaber.

## 19

### *Jisas Sakiusüb fata gam kümüneaga*

**18:18** Mt 19.16; Mk 10.17; Lu 10.25      **18:20** Kis 20.12-16; Lo 5.16-20; Ro 13.9; Ef 6.2; Kl 3.20      **18:22** Mt 6.19-20; 19.21; 1 Ti 6.19      **18:24** Mt 19.23; Mk 10.23; Snd 11.28      **18:27** Jer 32.17; Sek 8.6; Mt 19.26; Mk 14.36      **18:28** Mt 4.19-20; 19.27; Mk 10.28      **18:29-30** Lo 33.9; Mt 19.29; Mk 10.29-30      **18:31** Sng 22; Ais 53; Mt 16.21; Mk 10.32; Lu 24.44      **18:32** Mt 27.2; Lu 9.22; 9.44; 23.1; Jo 18.28; Tu 3.13      **18:34** Mk 9.32; Lu 9.45; Jo 10.6; 12.16      **18:38** Mt 15.22      **18:42** Lu 7.50; 17.19

<sup>1</sup> Bana Jisas kümüna Jeriko fib ere gam taideaga, bangüdi fib kodigode kümünadi fib ere emegerwebüregeaga. <sup>2</sup> Fere güre baba fib ere gam büreaga, nub yanım Sakius. Nu keteam degi ferewarüngab taba fere, babaure nu keteam epürage tugu. <sup>3</sup> Jisas nu fere aranümdag baba kegewebüregeaga. Bangeagako, Sakius nu fere siga babaure, ferefinaur gin ere büredurudi Jisas kegewegi dirugweaga. <sup>4</sup> Bangar Jisas kegewebüre nu kese gururu kümünadi, kurab düm güre komeaga. Nu sibam, Jisas baba erekoboyau kümüneregeaga. <sup>5</sup> Bana Jisas Sakius büreaga baba gam taidüdi, baba au kekia agügüdi, Sakius menüm waweaga, "Sakius, pirika musue. Mügar ye nab fata gam büreregin." <sup>6</sup> Bangar Sakius kob ebebearudi pirikanana musudi Jisas igaijadi nugeab fata gam kümüneaga. <sup>7</sup> Bangar fere gürenakuti kegeudi menüm nunurgen, "Nu kümüna fere güre menmengafaigeaga babab fata gam büreaga."

<sup>8</sup> Nini fata gam bürübenana, Sakius biboudi Erekokai menüm waweaga, "Erekokai, ede. Mügar igeab daba daba gürenakuti aküresari kabatagere, bangüdi güresari kogiwab fere dünungere. Baba tugu, ige fere güre sarabeudi am dag daba nub güre begüdiba, bana ye maig baba dabanova dogob tugu toweregün." <sup>9</sup> Bangar Jisasde menüm waweaga, "Mügar, Keriabüde meme fata gammab ferefinaur igain-gafotuweaga. Baba fere tugu nu Abrahamüb matanab. <sup>10</sup> Fereb Nono nu fere kenegen baba maig igaingebüre ogura fitangeaga."

*Sarua mogoi fogo tugu keteam degin babab komina dora  
(Matyu 25.14-30)*

<sup>11</sup> Ferefinaur Jisas doragabüreaga baba eden, bangar komina dora güre tugu dünungeaga. Amure, nu Jerusalem iroto manage taideaga. Bangar Keriabüb Koroba mügarnana agüba taidergeagagüdi utungen. <sup>12</sup> Menüm wageaga, "Eregeam güre fib güre kütüba kümünebüregarba, nu erekokayau uruageregegin. Bangar kuri nugeab fib mudimere gam maigüdi, nugeab gin taugeregeaga. <sup>13</sup> Nu kümünebürewadi, nugeab sarua mogoi fogo tugu yagüngeaga, bangüdi keteam aküre mor aküre mor kabatangeaga. Bangüdi menüm wangeaga, 'Nini keteam meme dibenar bisnis fünai fünaiwarbere, ige maigeregün.'

<sup>14</sup> "Bangeagako, fere babab fib büreabmana, nure kürüna kob koigegin. Bangar nu kümünafotuwarbere, fere gürekoi sugurungedi dora düdi fib eregeam kümüneaga baba fib gam kümünen. Menüm wagedua, 'Sin baba fere sinib erekokayau taidegi uruwenan.' <sup>15</sup> Bangeagako, nu manage erekokayau uruagegin, bangafotuwedie kuri maig ogureaga. Nu maigüdi ogurafotudiba, menüm wageaga, 'Sarua mogoi toi egime keteam düntügünwaib baba, yagüngane. Fere gürena gürena keteam agan agan degin baba, keteam omo agan agan taibürügegin baba sibamgebüregün.'

<sup>16</sup> "Bana fere güre nukese oguradi wageaga, 'Eregeam, ye nab keteam aküre mor, düdi fünaiudi omo taibürün baba, keteam 200 taibürün.' <sup>17</sup> Bangar erekokayaude menüm waweaga, 'Na sarua mogoi nama, babaure na fünai nama gün. Na daba kürüna fanamere baba idadu taugün, babaure na mügar fib ere fogo tugu taugegib yanım dünnün.'

<sup>18</sup> "Bana sarua mogoi güre oguradi wageaga, 'Eregeam, ye nab aküre mor saka bisnis fünaiun baba, mügar ye keteam omo 100 taibürün.' <sup>19</sup> Bangar erekokayaude waweaga, 'Na fib ere taba tugu taugegib difürünün.' <sup>20</sup> Bangar sarua mogoi güre oguradi wageaga, 'Eregeam, aküre mor nab mia büreaga. Ude dira güre gamde wartaudi difürür büreaga. <sup>21</sup> Amure, ye kegenen baba, na tamari bürün. Baba daba fere gürewarde dferedi büreaga baba, na düfaigün. Daba daba gürewarde orenwaib baba, baba tuguna, na düfaigün. Babaure ye naure kimigün.'

<sup>22</sup> "Bangar erekokayaude baba sarua mogoi menüm waweaga, 'Na sarua mogoi kürüna kogi! Ye nagüb dora gamdenana, nag dora gam difürüneregün. Ye fere tamari baba, nag ye sibamgafotun, bangar ye daba daba feredi dferedi büreaganwaib tugu orenwaib tugu yede düfaigün.' <sup>23</sup> Bana am ginimure keteam yeb keteam fata gam dferabge? Bangar ige maig oguradiba, keteam omo taibürün baba, gürekoi tugu maig deregün?" <sup>24</sup> Bangar fere iroto bibougegin gam menüm wageaga, 'Aküre mor nu gam baba dane, bangüdi fere keteam 200 tugu baba duwane.' <sup>25</sup> Bangar menüm wawen, 'Eregeam, nu manage keteam 200 tugu.'

<sup>26</sup> "Bangar wageaga, 'Yede wangün, fere gürenakuti daba daba gürekoi tugu baba, yede namana gürekoi dünungeregün. Bangeagako, fere güre daba daba kenegarba, bana

daba fanam fanam debetaweaga baba, yede nu gam düfotuweregün. <sup>27</sup> Bangeagako, yeb karautoi baba, nini ye nugengab erekokayau büregi uruwen. Igaingüdi ogura yeb ege gam meag kiasorungar kugumgen.’”

<sup>28</sup> Jisas komina dora baba doragafotudi, urigegi nugeab maig tuadüdi erekobo daiudi Jerusalem komeaga.

## **Jisas Jerusalem taidüdi Keriabüb fatab gübroime ferefínabur sarigabürüngeaga**

(*Sapta 19.29—21.38*)

*Jisas erekokayau sibe Jerusalem iruveaga*

(*Matyu 21.1-11 baba gam tugu Mak 11.1-11 baba gam tugu Jon 12.12-19*)

<sup>29</sup> Jisas fib Betfrageie Betani iroto taideaga, girtorub Oliv gen baba gam. Bangüdi daidaigegi aküre sugurungeaga. <sup>30</sup> Bangüdi nugeküre menüm wangeaga, “Ninaküre fib egina büreaga baba gam kümünane. Ninaküre baba fib gam kümünadiba, donki sogub güre keneigaberedi büreaga baba, ninaküre kegeweregenan. Egime fere güre nu gam gotogaurage. Donki baba muri kuregafotudi igaiudi meag ogurane. <sup>31</sup> Bangarbere, fere gürede wangüdi, ‘Amure donki baba kuregenan?’ banüm totongarba, bana ninaküre dora nub menüm towane, ‘Erekokai nu gam füni tugu.’”

<sup>32</sup> Jisasde nugeküre sugurungar, nugeküre kümünene baba, daba daba gürenakuti nugeged wangeaga baba sibenana kegewegin. <sup>33</sup> Nugeküre donki babab muri kuregedibere, donki ememanade nugeküre menüm totongan, ‘Ninaküre amure donki baba kuregenan?’ <sup>34</sup> Bangar nugeküre wagen, ‘Erekokai nu gam füni tugu.’”

<sup>35</sup> Bana nugeküre donki düdi Jisas gam oguren. Bangüdi nugeküre enegi aküre aküre enenwaib baba, enegi kuab kuab mube obgoira baba, kuguregudi, donki kekia ibarbürügen. Bangüdi Jisas saguwedi donki kekia gotogeaga. <sup>36</sup> Donki kekia gotogüdi kümünar, ferefínabur nugengab enegi kuab kuab mube obgoira baba kuguregudi erekobo gam ibabarwegin. <sup>37</sup> Nu erekobo güre Oliv gir gamde kaneaga baba erekobo iroto taideaga. Bangar nugeab daidaigegi gin ere ebebear toaden. Nini dora migu gürenakuti kegewenwaib baba utungüdi, erenana yogüdi Keriabüb yanım siradgaber. <sup>38</sup> Menüm yogen, “Baba erekokayau Erekokaib yanım gamde ogureaga, Keriabüde nu gam nama geregeaga. Keriab kekia asaub yanım siradgaberegi! Fib nama gam kob dab fanam Keriab keab büreaga.”

<sup>39</sup> Farisi gürewar baba ferefínabur gin ere kodigo büren babawarde, Jisas menüm wawen, “Sibam sarigegi, nagüb daidaigegi simai baba nunurunge. Nini dora babanüm doragebena.” <sup>40</sup> Bangar dora menüm toweaga, “Ye wangün, sube gütüwediba, kegenam toide igyogüdi, Keriabüb yanım siradgabereregen.”

*Jisas Jerusalemure mereaga*

<sup>41</sup> Jisas Jerusalem iroto taidüdi, fib ere kegeudi, Jerusalemure mereaga. <sup>42</sup> Menüm wageaga, “Jerusalem, mügar meme dü gammanna nag idanedi dab fanam büregi daba daba baba, sibamgebüre wadigün. Na baba sibam garba, baba nama. Bangeagako, baba daba daba iwagegi gam büren, bangar na kegeweregabge. <sup>43</sup> Na edün. Kuri sese güre taidergegeaga, bangar nagüb karauianmanade ogura kübüdim tobgüdi nagüb güb ere koiweregegin. Bangüdi güresari güresari gürenakuti koiwatauneregegin. <sup>44</sup> Bangüdi na nagüb mogoi fara fara nagüb gübroime büren babawar keab, pusunüdi kürüna kogifürüneregen. Bangüdi kegenam nagüb güre euwedi kegenam güre kekia büreregarge, amure, Keriab nag sagünebüre ogureaga baba, na sibamgabge.”

*Jisasde fere simai Keriabüb fatab gübroime bisnis idawen baba kudengeaga*

(*Matyu 21.12-17 baba gam tugu Mak 11.15-19 baba gam tugu Jon 2.13-22*)

<sup>45</sup> Bana Jisas Keriabüb fatab gübroime iruwaboudi, fere bag bisnis füniaudi büren baba kudengeaga. <sup>46</sup> Menüm wangeaga, “Keriabüb budi gam dora menüm büreaga, ‘Fata yeb baba, sibdibwegib fata büreregugeaga.’ Bangeagako, ninide gar, be fere-warüngab iwagegi fata sibe taideaga.”

<sup>47</sup> Bangüdi dü itut Keriabüb fatab gübroime ferefínabur sarigabürüngeaga. Bangar kobegegi taba ferewarie, kabiab sibam ferewar tugu, ferefínaburüngab taba ferewar keab, Jisas orfotouwedi kumebüregüdi, erekobo fitawegin. <sup>48</sup> Bangeagako,

ferefinabur gürenakuti dora nub edebüre kürüna sogiferen, bangar taba ferewar nu orfotuwegi erekobo güre kegewedige.

## 20

*Jisas wonidedag yanim duweaga babaure totowen  
(Matyu 21.23-27 baba gam tugu Mak 11.27-33)*

<sup>1</sup> Dü güre gam, Jisas Keriabüb fatab gübroime, ferefinabur dora dünungüdi, nini gam dora nama pitoiaga. Bangar kobegegi taba ferewarie, kabiab sibam ferewar tugu, taba ferewar keab nu gam oguren. <sup>2</sup> Bangüdi menüm wawen, "Na yanim baba tugu sogi baba tugu aragüb düdi meme daba daba gün baba, wasige? Baba tugu wonide yanim baba düneaga?" <sup>3</sup> Bangar dora ninib menüm toweaga, "Ye tugu, ye daba güreure totongebüregün. Nini waiane, <sup>4</sup> Jon fere yag fidüngeaga baba, ninib utun baba, baba fib nama gammab dabade, ede baba ferewarüngab daba gürenade?" <sup>5</sup> Bana nuge nuge menüm doragen, "Baba fib nama gammab daba güdi, wagüdarba, wageregeaga, 'Amure nure kob kainanagarge?' <sup>6</sup> Bana, 'Baba ferewarüngab daba gürena güdi, wagüdarba, fere gürenakuti sige gam kegenam fotuweregen, amure, Jon nu kiari fere güdi banüm sogsogi kob kainanagen.' <sup>7</sup> Bana Jisas menüm wawen, "Sin sibamge, Jon kabia baba aragübdag düdi fere yag fidüngeaga." <sup>8</sup> Bangar Jisasde menüm wangeaga, "Ye tugu, wonidedag yanim meme siar fübai meme gün baba, wanügeregürge."

*Fere kogitarde wain küm taugen babab komina dora  
(Matyu 21.33-46 baba gam tugu Mak 12.1-12)*

<sup>9</sup> Jisasde ferefinabur komina dora güre menüm düngleagega, "Fere güre wain küm idaweaga. Bangüdi wain küm baba, fere gürewar bisnis fübai gebüregen babawarüngab kube gam difereaga. Bangüdi nuge fib güre kütüba kümüna sese kuab büreaga. <sup>10</sup> Bana wain muri tori nama feregi sese gam, sarua mogoi güre sugurwar fere wain küm gam fübaiwen gam kümüneaga. Küm baba gammab wain gürekoi duwebüregüdi sugarweaga. Bangeagako, fere küm gam fübaiwen babawarde, sarua mogoi baba orudi, kudewedti uguna kümüneaga. <sup>11</sup> Bangar küm emede maig sarua mogoi güre sugurwar nini gam kümüneaga. Bangeagako, nu tugu füraboudi orudi kogifuruwen. Bangüdi maiagaburudi kudewedti uguna kümüneaga. <sup>12</sup> Bana maig sarua mogoi güre sugurwar kümüneaga. Bangeagako, kürüna kogifurudi, kudewedti obugo füraboweaga. <sup>13</sup> Bangarbere küm emede wageaga, 'Mügar amdagi? Igeab nono sugarwüregün, ye nurenana gün. Kim dora nub edebendag.' <sup>14</sup> Bangeagako, nonob ogur, fere küm gam saruagen babawarde kegeudi, nuge nuge menüm wagen, 'Fere baba emeb daba daba gürenakuti deregeaga. Babaure, orfotudar kumar, sigedenana küm meme degi.' <sup>15</sup> Bangarbere, kudewedti küm obgoira kümünar, orfotuwedi kumeaga.

"Bana nin utungenan aranüm, wain kümüb emede baba ferewar gam am bangebeaga? <sup>16</sup> Nu oguradi baba ferewar küm gam fübaiwen baba kiangar kugumgebende. Bangüdi wain küm baba fere gürewar dünüğeregeaga." Fere dora baba edüdi wagen, "Nu bangebeagan'a."

<sup>17</sup> Bangeagako, Jisas nin gam agügüdi wageaga, "Bana amure Keriabüb budi gam dora baba feiberedi büreaga,

'Kegenam baba kamdawarde  
kogigüdi dufotuwenwaib.  
Mügar kegenam baba,  
fatab güb sogi furuwegi agferegi büreaga'?

<sup>18</sup> Fere gürenakuti baba kegenam kekia fürgündiba, gürenakuti puspasweregegin. Kegenam baba fere güre kekia musudiba, kegenamde gürenakuti ebagudi kogifuruwüregaeaga."

<sup>19</sup> Kabiab sibam ferewarie, kobegegi taba ferewarkeab menüm sibamgen, Jisas komina dora baba, ninag gamma oreaga. Babaure, baba sese gammana siradüdi sauaigebüregen. Bangeagako, ferefinaburure kimigegin.

*Romüb Erekokayau Sisar gen baba kegeam duwebende, kene?  
(Matyu 22.15-22 baba gam tugu Mak 12.13-17)*

<sup>20</sup> Bana kobegegi taba ferewarie kabiab sibam ferewarkeab, Jisas idadau taugen. Bangar taroudi kegewebüregüdi fere sugurungedi oguren. Baba ferewar kiougüdi sige nub dora kürüna edebüregenangen. Dora gam diferegi dora güre gar dora gam diferebüregüdi sarabewebüregen. Bangar kübüdim bera taugegi agferegib kube gam diferedi, Jisas dora gam difereregeaga. <sup>21</sup> Menüm totowen, "Sibam sarigegi, sin sibam, dora nab kainana, bangar na ferefinabur dora surur dünungafaigün. Bangar na dora gürena babanüm gürena fere dünungafaigün, fere yanım tugude ede yanım kene tugu. Na kainana dora gamde, ferefinabur Keriabüb kabiäure sarigürünafaigün." <sup>22</sup> Bana na aranüm utungün? Romüb Erekokayau Sisar gen baba kegeom duwegide kene?" <sup>23</sup> Bangeagako, sarabe baba gen baba, Jisas nu sibamgafotuveaga. Bangar wangeaga, <sup>24</sup> "Kegeom güre abataryane. Baba kiangeanim tugu yanım tugu kegeom gam büreaga baba wonib?" Bangar wagen, "Sisarb." <sup>25</sup> Bangar menüm wangeaga, "Bana Sisarb daba daba baba, Sisar duwane. Keriabüb daba daba baba, Keriab duwane." <sup>26</sup> Babaure ferefinabur keab büreaga baba sese gam, sarabewedi dora güre kogifuruebeagagüdi sarabewebüregen, dirugungeaga. Dora baba maig nini gam toweaga babaure tergüdi sube gütidi büren.

*Sadyusiwar fere kumudi maig siradeaga babaure Jisas totowen  
(Matyu 22.23-33 baba gam tugu Mak 12.18-27)*

<sup>27</sup> Sadyusiwarıngab gin gammab fere gürekoi Jisas gam oguren. Sadyusiwarde, fere kumenwaib baba, maig siraderegedigegüdi doragafaigen. <sup>28</sup> Baba ferewarde Jisas menüm wawen, "Sibam sarigegi, Mosesde sigeab dora güre menüm feiaga. Fere güre finege düdi, mogoi kene kene kumarba, bana mebede fere babab fia düdi, mogoi difürüwerekgeaga. Bangar owab gin baba kenegeregarge. <sup>29</sup> Bana egime owa mebe nonob tugu büren. Keman baba, finege deagako, mogoi kene kene kumeaga. <sup>30</sup> Bana nono keman kuri babade finege baba deaga. <sup>31</sup> Bana kuri nono küi babade tugu deaga. Baba owa mebe nonob tugu baba gürenakuti finege baba den, bangeagako, mogoi kene kene kugumgen. <sup>32</sup> Bangar finege baba tugu, kuri kumeaga. <sup>33</sup> Bana kuri fere kugumgen baba maig sidiragwediba, finege baba wonibnana bürebeaga? Nag sibam, fere nonob tugude dedi nu ninib fianüg büreaganwaib."

<sup>34</sup> Bana Jisasde menüm wangeaga, "Mügar meme sese gammab ferefinabur nini kam düfaigen finege düfaigen. <sup>35</sup> Bangeagako, ferefinabur Keriabüde wageaga, ferefinabur maig siradüdi, igekeab kurib gotogegi nama tüpür tüpür deregen baba, baba ferefinabur nini kam deregedige finege deregedige. <sup>36</sup> Amure, nini maig fanam kumeregedige. Nini Keriabüb dora dugurewegiwar sibe büregin. Keriabüde ferefib gam imongafotuveaga, babaure nini nub mogoi toi büren. <sup>37</sup> Bangeagako, Mosesde tugu sige abatarsigeaga, fere kugumgen baba, ferefib gamde maig sidiraguafraigegin. Au fanamere fügeaga babab doraman gam, menüm wageaga, Erekokai nu Abrahamüb, Aisaküb, Jekopüb Keriab büreaga. <sup>38</sup> Babade sige menüm abatarsigeaga, Keriab nu kumegi ferengab Keriab ge. Kene. Nu fere omo büren babawarüngab Keriab. Ege nub gam, ferefinabur omo büren."

<sup>39</sup> Kabiab sibam fere gürekoi Jisasde dora baba dorageaga baba edüdi, menüm wawen, "Sibam sarigegi, dora nab baba nama." <sup>40</sup> Bangar ferewar daba güreure maig Jisas totowegi kimigen.

*Jisas Keriabüde fere uruageaga babaure ferefinabur totongeaga  
(Matyu 22.41-46 baba gam tugu Mak 12.35-37)*

<sup>41</sup> Bana Jisasde ferefinabur menüm totongeaga, "Arangarbere menüm wagfaigen, fere Keriabüde nugeab ferefinabur maig igaingegi uruageaga baba, nu Devitüb matanab?

<sup>42</sup> Munub budi gam, Devit nugede menüm wageaga,

'Erekokaide yeb

Erekokai menüm waweaga,  
"Na yeb kube namayau  
gotogün.

<sup>43</sup> Kim nagüb karauianmanna  
nag miniba difürüngür büreregen."

<sup>44</sup> Kegewenan. Devit nugede, meme fere nugeab Erekokaigüdi yanbaweaga. Bana arangarbere meme fere nu Devitüb matanab?"

*Kabiab sibam ferewar kabia kogi güfaigen*

(Matyu 23.1-36 baba gam tugu Mak 12.38-40 baba gam tugu Luk 11.37-54)

<sup>45</sup> Ferefinabur gürenakuti Jisas dora pitoiaga baba edüdi büredibere, nugeab daidaigegi simai menüm wangeaga, <sup>46</sup> "Nini kabiab sibam ferewarure dabnanai. Nini karün kuab enüdi kümünebüre güfaigen. Nini guruwegi fib gagam ferefinaburde fereberengebüregüfaigen. Nini kunube fata gam gotogegi kur agferegi gagam gotogebüre güfaigen, baba tugu, nini kobe erekokai gam gotogegi kur agferegi gagam gotogebüregüfaigen. <sup>47</sup> Nini oyemadi finabur sarabengüdi, fata toi ninib begaigen. Bangüdi sarabegüdi sibdib kuab kuab güfaigen. Doragegi sese gam, nini kub erekokai namana deregen."

## 21

*Oyemadide Keriab gam*

*bai fereaga*

(Mak 12.41-44)

<sup>1</sup> Jisas kegeudi büreaga baba, kegeam tutugub ferewar ogura Keriabüb fatab gübroime, bokis kegeam gam nugengab bai feregi kegeam enbürügen baba kegeweaga. <sup>2</sup> Bangüdi kogiwab finege güre, oyemadi baba, kegeam fanam fanam aküre fotuwar bokis gam kaneaga baba kegeweaga. <sup>3</sup> Bangar Jisasde wageaga, "Ye nini gam kainana wagün, baba kogiwab finege oyemadi baba, nu kegeam erekokai difereaga. Ferefinabur gin ere kegeam difürügenko, baba oyemadide emegerüngeaga. <sup>4</sup> Baba ferefinabur gürenakuti kegeam ere ere büreagako, güresari gürena bokis gam difürüğen. Bangeagako, baba finege nu gürenakuti sigageaga babaure, daba murugegi kegeam nugeab baba, gürenakutina difereaga."

*Jisasde Keriabüb fata koigeregeagagüdi wageaga*

(Matyu 24.1-2 baba gam tugu Mak 13.1-2)

<sup>5</sup> Fere güreko Keriabüb fata kegeudi menüm wagen, "Kegenam nama nama gamde fata tuenwaib baba, ferefinaburde kob ebebäar abatargüdi daba daba Keriab duenwaib, baba daba daba sakta fata baba karün nüburuwen." Bangar Jisasde wageaga, <sup>6</sup> "Ninag baba daba daba mügar kegewenan babaure wanügebüregün. Sese taidar, babab kegenam güre euwedi kegenam güre kekia büreregarge. Kene. Gürenakuti bürayedi kaneregeaga."

*Jisasde kub epüra fanam taideregeagagüdi wageaga*

(Matyu 24.3-14 baba gam tugu Mak 13.3-13)

<sup>7</sup> Bana bangar ferede Jisas menüm totowen, "Sibam sarigegi, am sese gam baba daba daba tataigebeaga? Am bera kese taidar sin baba kegenam toi bürayegi sese irotogeagagüdi sibamgeregen?" <sup>8</sup> Bangar Jisasde wageaga, "Nini dabnanai. Sarabengendag banai. Amure, fere epürade ogura yeb yanbaudi wageregen, 'Igenan ye baba fere.' Bangüdi wageregen, 'Sese manage irotogeaga.' Bangeagako, nini daingagana. <sup>9</sup> Bana kuri kantri toi marai erekokai maraigeregen. Kantri güre gam nuge nuge marai ugug toadügeregégin, gin gürede gin güre küre maraigeregen. Nini baba edüdiba, bana kimgüdi kuntuagana. Baba daba daba kese tataigeregeaga, bangeagako, kübüm kenegegib sese pirikanana taideregarge."

<sup>10</sup> Bangüdi namanana menüm wangeaga, "Gürewarüngab ginde güre gürewar gam marai touaderegen. Erekokayau güreb ginde, erekokayau güreb gin keab maraigeregen. <sup>11</sup> Kübüüm gam im ere ere tataigeregeaga. Bangar gürekum gürekum, nini oguno erekokai tugu subo erekokai tugub sese taideregeaga. Bangar magadi gamba, ninag kimigigi bera ere ere tugu daba daba adab adab tataigeregeaga.

<sup>12</sup> "Bangeagako, baba daba daba gürenakuti ara tataigarberenana, ebnongüdi kogifürüngeregen. Bangüdi kunube fata goime gagam, ninag dora gam difürüngüdi kakia gam ninag sapangeregen. Nini igaingüdi kümüna erekokayaungab ege gam tugu kübüm bere taugegingab ege gam tugu biboweregenan. Baba kabia bangeregen baba, ninag igeure kob kainanagenan babae. <sup>13</sup> Bangar baba kabia ninag gam gegín baba, nin gam dora nama pitoiegi erekobo sibe büreregégeaga. <sup>14</sup> Babaure nini am dora kese nin gam maig toweregenangüdi ututun toitoiwagana. <sup>15</sup> Amure, igede dora ninib sube gam difereregün, bangüdi sibam nama dünungeregün. Bangar babawar ninag dora

gam difürüngebüregen baba, nini dora ye dünüğün meme, saifotuweregedige ede obgogabereregedige.

<sup>16</sup> "Ninagüngab emnög aninig mana, awanög mabnög mana, kagi gürena, büreanög mana, ninide tugu ninag karau kube gam difürüngeregen. Bangüdi ninag gam gürekoi kiangedi kugumgeregenan. <sup>17</sup> Bangar fere gürenakuti ninagure kob kürüna koigeregen, amure, yanım yeb nini gam bütreaga. <sup>18</sup> Bangeagako, ninagüngab taba gam taba sara güre kenegeregarge. <sup>19</sup> Nini sogsgo bürüdiba, gotogegi nama düdi, büreregenan."

*Jisasde Jerusalem koigeregeagagiüdi wageaga  
(Matyu 24.15-21 baba gam tugu Mak 13.14-19)*

<sup>20</sup> Jisas namana menüm wageaga, "Nini maraipapawar kegengar ogura Jerusalem koiwatauwediba, nini sibamgeregenan, meme fib ere koigegi sese irotogeaga. <sup>21</sup> Baba sese gam, ferefinañab Judia distrik büren baba, gudi gir gagam komedua. Fere Jerusalem kodigo büren baba, fib ere ebgadüdi gürekum kumunedwa. Fere fib ere obgoira büren baba, nini iruwebena. <sup>22</sup> Baba sese gam, Keriab menmen maig towegi sese, babaure dora gürenakuti Keriabüb budi gam bütreaga baba, kürünana taideregeaga. <sup>23</sup> Baba sese gam, finabur mube kub tutug, finabur mogoi ebe gammab tutug baba, nini dabnanai. Amure, kübüdim meme gam kub erekokai taidegi sese. Bangar Keriabüb magira baba ferefinañab gam musuweregeaga. <sup>24</sup> Bangar karautoide ogura gürekoi kiangedi kugumgeregen. Bangüdi gürekoi yatangedi kümüna kübüdim gammab kantri gürenakutib kakia gagam bütregeren. Bangar gürekumnab ferewarüngab kebede Jerusalem bitoweregen. Bangar gürekumnab ferewarde Jerusalem taugegi sese Keriabüde uruageaga baba, kenegeregeaga."

*Kuri Fereb Nono ogureregeaga  
(Matyu 24.29-31 baba gam tugu Mak 13.24-27)*

<sup>25</sup> Jisas namana menüm wageaga, "Baba sese gam, sida gam, edina gam, tugu keneb gam tugu, bera adab adab taideregeaga. Bangar kübüdim gamba fere gürenakutingab ututun kürüna koigeregeaga. Bangar masyag binaudi puspasweaga babab gür ederegen. Bangar ututun toitoiudi namana kimigeregen. <sup>26</sup> Ferefinañab epüra, kübüdim gam daba daba tataigebüregeaga babaure ututungeregen, bangar kimgüdi agudkuaningeregeaga, amure magadi gammab daba daba sogsgo baba isoweregegin. <sup>27</sup> Bangar baba sese gam, ferefinañab, Fereb Nono fiou güre gam bürüdi, nugeah sogi ere tugu meram ere tugu keab ogureregeaga baba kegeweregen. <sup>28</sup> Baba daba daba tataigerba, bana nini biboubenar kekia agügane, amure, Keriab ninag igaingegi sese, irotogafotuwaga."

*Nini kurab düüm kegeudi sibamgane  
(Matyu 24.32-35 baba gam tugu Mak 13.28-31)*

<sup>29</sup> Jisasde komina dora güre menüm dünüğeaga, "Nini kurab düüm kegeudi au gürekoi tuguna kegewane. <sup>30</sup> Kegengar bikom omo tataigarba, bana ninag sibam, kaikere sese taidebüregeaga. <sup>31</sup> Babanüm gürena, nini kegewar babanüm daba daba tataigediba, nini sibamgeregenan, Keriabüb Koroba manage ogurafotuwaga.

<sup>32</sup> "Ye kainana wangün, mügar meme sese gammab ferefinañab ara kumelibere, baba daba daba gürenakuti tataigeregeaga. <sup>33</sup> Magadi tugu kübüdim tugu kenegeregeagako, dora yeb baba, kenegeregarge."

*Daidaigegi simai nini dabnanai*

<sup>34</sup> Jisas namana menüm wageaga, "Bangeagako, nini dabnanai. Banaka nini yag bata nüdi nanarogeregenan banai. Bangüdi mubeb daba babaure kororabgeregenan banai. Kabia babanümde bitaungarba, Keriabüb dü baba nini gam pirikanana taideregeaga. <sup>35</sup> Ai keb sinade pirikanana orfotugafaigeaga baba sibe, dü baba ferefinañab gürenakuti kübüdim gam büren baba, babanümna taideregeaga. <sup>36</sup> Nini bata bata bigsaisaigüdi bütüne. Bangüdi Keriabüde sogi dünüğebüre bata sibdibwane. Bangar nini baba daba daba gürenakuti tataigebüregeaga baba nini emegerweredegenan, bangüdi nini Fereb Nonob ege gam biboweregenan."

<sup>37</sup> Dü itut Jisas Keriabüb fatab gübriome, ferefinabur sarigabürünaga ifaigeaga. Bangeagako, utumnonou nu kümüna fata güre gir Oliv gen baba gam büreaga bag kinfaigeaga. <sup>38</sup> Bangar ferefinabur gürenakuti fitunana sidiragudi dora nub edebüre Keriabüb fatab gübriome ogurafaigen.

## Jisas kub kemeidi kumudie maig siraderegeaga

### 22

(Septa 22—24)

*Judasde Jisas taba ferewariungab kube gam diferebüre dora idafotuweaga  
(Matyu 26.1-5 baba gam tugu Matyu 26.14-16 baba gam tugu Mak 14.1-2 baba gam tugu Mak 14.10-11 baba gam tugu Jon 11.45-53)*

<sup>1</sup> Bret Yis Keneb Dü Ere, baba dü ere Keriabüde Israelwar eungar nama büren baba utungegibgüdi yanbafaigen, baba taidebüregeaga. <sup>2</sup> Bangar kobegegi taba ferewarie kabia bream ferewarkeab, ferefinaburure kimküdi, Jisas orfotuwebüre erekobo fitawen.

<sup>3</sup> Bangar Satande Judas gam kobum kaneaga, Judas nu Iskariot yanbawen. Nu daidaigegiwar gürena bede fogo aküre babawärüngab güre. <sup>4</sup> Bangar nu kümüna kobegegi taba ferewarie Keriabüb fatab maraipapangab agferegiwar keab dorageaga. Nu Jisas ninib kube gam diferebüre, erekobo fitawebüregeaga. <sup>5</sup> Baba ferewar, Judas kegeudi ebebearudi, kegeam gürekoi dünerengenangüdi banüm wawan. <sup>6</sup> Bangar Judas ninib doraure iogüdi, Jisas ninib kube gam diferebüre erekobo fitaweaga. Ferefinabur gin ere, güre sese Jisas keab büreregide baba dagoweaga.

*Daidaigegi aküre daba ekotagegin*

*(Matyu 26.17-25 baba gam tugu Mak 14.12-21 baba gam tugu Jon 13.21-30)*

<sup>7</sup> Bret yis keneb dü ere taideaga. Baba dü gammanna, Dü Keriabüde Israelwar eungar nama büren baba utungebüre, sipsip fara nebüre orfotuweregen. <sup>8</sup> Bangar Jisasde, Pitaie Jonküre sugurungar kümünen, bangüdi nugeküre menüm wangeaga, "Ninaküre kümüna dü ere babab daba sigeab dugutuwane." <sup>9</sup> Bangar nugekürede totowen, "Na sin kümüna arag dugutuwebüre wasigün?" <sup>10</sup> Bangar menüm wangeaga, "Edenan. Ninaküre fib ere gam taidarba, fere güre yag sumo erekokai kemeieregeaga baba, erekobo gam kaingeregeaga. Ninaküre daiudi kümüna fata iruveaga baba fata gam iruwane. <sup>11</sup> Bangüdi ninaküre fata babab eme menüm wawan, 'Sibam sarigegide totoneaga, "Fata kurumeb baba arag büreaga? Ye igeab daidaigegiwar keab, dü Keriabüde Israelwar eungar nama büren baba utungegib daba neregenan." ' <sup>12</sup> Bangar fata kurumeb ere güre tag tutug, gotogegi kur tutug kekia büreaga baba abatarüngeregeaga. Ninaküre baba fata kurumeb gam daba dugutuwane." <sup>13</sup> Bana nugeküre kümünen, bangüdi daba daba Jisasde wangeaga baba sibenana kegewegin. Bangar nugeküre daba dugutuwegin.

*Jisasde bret tugu wain mum tugu daidaigegi simai dünungügeaga*

*(Matyu 26.26-30 baba gam tugu Mak 14.22-26 baba gam tugu 1 Korin 11.23-25)*

<sup>14</sup> Daba negi sese manage taideaga, bangar Jisas tag gam gotogeaga, bangar dora turewegi ferewar tugu nu keab gotogegin. <sup>15</sup> Bangüdi menüm wangeaga, "Dü Keriabüde Israelwar Eungar Nama Büren baba Utungegib Dü Ere gam, nini keab daba negi kürüna mediaga. Bangar kurie ige darab kemeieregün. <sup>16</sup> Ye wangün, ye daba meme maig neregüre, kümüna baba daba Keriabüb Koroba gam kürüna taidegi sese gamie."

<sup>17</sup> Bangüdi noi wain mum güre düdi, Keriabure esegeaga. Bangüdi wageaga, "Nini meme dibenar ning kodigo kabatagane. <sup>18</sup> Amure, ye wangün, mügar tugu kuri tugu ye wain mum maig neregüre, kümüna Keriabüb Koroba taideregeaga." <sup>19</sup> \*Bangüdi bret güre düdi, Keriabure esegeaga. Bangüdi tukaiudi daidaigegi simai dünungüdi wageaga, "Meme igeab mube, ning sagüngebüre ye dünungün. Nini ye utungebüre bangafaigane." <sup>20</sup> Nitofuwedibere, noi wain mum düdi babanüm kabianana geaga. Menüm wageaga, "Noi wain mum meme kontrak omo igeab kagi gamde idaun. Baba ninag sagüngebüre edogün.\* <sup>21</sup> Bangeagako, kegewenan, fere karau toib kube gam difürüyebüregeaga. Baba fere, ye keab tag meme gam gotogeaga. <sup>22</sup> Fereb Nono nu,

21:37 Lu 19.47    22:1 Kis 12.1-27    22:2 Sng 2.2; Lu 20.19; Tu 4.27    22:3 Mt 26.14; Mk 14.10; Lu 4.13; Jo 13.2; 13.27    22:5 Sek 11.12    22:7 Kis 12.1-27    22:13 Lu 19.32    22:16 Lu 13.29; 14.15; Tu 10.41; IDT 19.9    22:19 Mt 26.26; Mk 14.22; Lu 24.30; 1 Ko 11.24    22:20 Jer 31.31-34; 1 Ko 10.16    \* 22:20 Sibam ferewar gürekoi menüm utungen, dora keneb aküre kodigo büreaga baba dora, Luk nugegede feiarge, kurie fere gürede feiaga.  
22:21 Sng 41.9; Mt 26.21-23; Mk 14.18; Jo 13.21-22; 13.26    22:22 Mt 26.24; Tu 2.23; 4.28

erekobo nub egime Keriabüde uruageaga babanana daiwerefgeaga. Bangeagako, karau toib kube gam nu difereaga baba fere, nu dabnanai.”<sup>23</sup> Daidaigegi simai dora baba edüdi, siradüdi nuge menüm totogen, “Wonide baba kabia gebeaga?”

*Daidaigegi simai woni nu agferegi bürebeaga babaure dora maraigegin*

<sup>24</sup> Bana daidaigegi simai woni nu nugengab agferegigüdi dora marai toaden.<sup>25</sup> Bangar Jisasde menüm wangeaga, “Ferefinabur gürewarüngab erekokayautoi nini, yanim tutug babaure baba ferefinabur taungen. Bangar baba erekokayau toide sige ferefinabur gam tamari kabia gügab feregüdi, banüm yanim tutug. Bangüdi baba erekokayau toide menüm wagfaigen ferefinabur nini sinib büreasigmana.”<sup>26</sup> Bangeagako, nini bangagana. Fere güre ninag kodigo agferegi büreaga baba, nu fere kuri büregi sibe taideregeaga. Bangar ninagüngab taba fere baba, nu ninag sagüngegi sarua fere sibe büreregeaga.<sup>27</sup> Utungane. Woni nu agferegi? Fere gotogüdi daba neaga babade, ede sarua fere daba orudi ogura duweaga babade? Agferegi baba, fere gotogüdi daba neaga baba, nu gürena. Bangeagako, ye nini kodigo bürün baba, ninag sagüngegi sarua fere sibe bürün.

<sup>28</sup> “Daba daba ye fururebüre tataigeaga baba, nini, ye keab bürenan, bangüdi uriaarge. <sup>29</sup> Emügade ninag taungegi füni siaga banüm gürena, gürewar taungegi füni yede dünungün. <sup>30</sup> Yeb koroba gamba, nini tag yeb gam gotogüdi, daba, yag neregenan. Bangüdi kur nama nama gam gotogüdi, Israelwarüngab gin gürena bede fogo aküre taungeregenan.”

*Jisasde menüm wageaga, Pitade nuge nige duwerefgeaga*

(Matyu 26.31-35 baba gam tugu Mak 14.27-31 baba gam tugu Jon 13.36-38)

<sup>31</sup> Bana Jisasde menüm wageaga, “Saimon, edün. Satan ninagüngab kob kainana fururebüre doragafotuweaga, fere wit ina düfotuwebüre wit büraibaraiwafaigen baba sibe.<sup>32</sup> Bangeagako, ye nag sagünebüre sibdibwafotun, bangar kob kainana nab kürüna fürügergarge. Bangeagako, kob kainana nagüb fürügarba nag maig pirudi, oguradiba, bana awanmana mabünmana sogifürüngeregün.”

<sup>33</sup> Bangar Pitade menüm waweaga, “Erekokai, ye naküre kakia gam kümünebüre dugutun. Bangüdi naküre kumebüre dugutun.”<sup>34</sup> Bangar Jisasde wageaga, “Pita, ye wanün, mügar meme utumnonou kuaida maga ara yogarbere, na kül bede ye sibamgabgeküdi wageregin.”

*Jisasde wageaga daidaigegi simai nini kegeamüb far kobar tugu far tugu keime asau tugu deregegin*

<sup>35</sup> Jisasde daidaigegi simai menüm wangeaga, “Nini egime igeab sarua gebüre sugurungan baba sese gam, nini kegeam far, far tugu kebe saguwégi tugu kemegigiraudi kümünarge. Baba sese gam nini daba güreure sigagenande kene?” Bangar wagen, “Kenenal.”<sup>36</sup> Bangar menüm wangeaga, “Bangeagako, mügar, fere kegeam far tugu baba, deregeaga. Fere far tugu, nudaka deregeaga. Fere keime asau kene baba, nu nugeab enegi kuab kuab sugurudi kegeam düdi, keime asau güre murugeregeaga.<sup>37</sup> Amure, Keriabüb budi gam dora menüm tugu, ‘Nu ferefinaburde fere kogi sibe kegewenwaib.’ Ye wangün, ferefinabur baba kabia ye gam geregen. Amure, daba daba gürenakuti ye gam taidegi Keriabüb budi gam büreaga baba, taideregeaga.”<sup>38</sup> Bangar wagen, “Erekokai, kegewe. Sin keime asau aküre mia büreaga.” Bangar menüm wangeaga, “Baba kainana.”

*Jisas Oliv girtorub gam sibdibweaga*

(Matyu 26.36-46 baba gam tugu Mak 14.32-42)

<sup>39</sup> Bana Jisas fib ere ebgadüdi, Oliv girtorub gam komeaga, nuge bata bata güfaigeaga baba sibe geaga. Bangar daidaigegi simaide daiwen.<sup>40</sup> Nu baba fib gam taidüdi, menüm wangeaga, “Nini sibdibwane, bangar fururegi nin gam taideregarge.”<sup>41</sup> Bangüdi, uriangüdi kütüb fanam kümüneaga, fere gürede kegenam fotuwar kümüna musuweregeaga babanüm gam sibe kümüneaga. Bangüdi oksosob orudi menüm sibdibweaga,<sup>42</sup> “Emüga, na mednarba, ye gam noi meme düfotuve. Bangeagako, na yeb ututun daiwegena. Kene. Na nagüb ututun gürena daiwe.”

22:23 Mt 26.22; Jo 13.22; 13.25    22:24 Mt 18.1; Mk 9.34; Lu 9.46    22:25 Mk 10.42-45    22:25 Mt 20.25-27;  
Mk 10.42-44    22:26 Mt 23.11; Mk 9.35; Lu 9.48; 1 Pi 5.3    22:27 Mt 20.28; Lu 12.37; Jo 13.12-15; Fl 2.7    22:28  
2 Ko 1.7; 2 Ti 2.12; Hi 4.15    22:29 Lu 12.32    22:30 Sng 49.14; Mt 19.28; 1 Ko 6.2; IDT 3.21    22:31 Amo 9.9;  
2 Ko 2.11; 1 Pi 5.8    22:32 Sng 51.13; Jo 17.9-11; 17.15; 17.20; 21.15-17    22:33 Lu 22.54    22:34 Mt 26.34; Mk  
14.30; Jo 13.38    22:35 Mt 10.9-10; Mk 6.8-9; Lu 9.3; 10.4    22:36 Lu 22.49    22:37 Ais 53.12; Lu 22.52    22:39  
Lu 21.37; Jo 18.1    22:40 Mt 6.13; 26.41; Mk 14.38; Lu 22.46    22:42 Mt 6.10; Jo 5.30; 6.38

<sup>43</sup> \*Bangar fib nama gammab dora dugurewegi güre, nu gam oguradi sogifuruweaga.  
<sup>44</sup> Jisas mube kubwar, namana sogsgogi sibdibweaga. Bangar egig nub, kagi sibe taidüdi kübüdim gam purotoweaga.\* <sup>45</sup> Nu sibdibwafotudi, siradüdi nugeab daidaigegiwar gam kümüneaga. Bangüdi daidaigegi simai kob Kürüna koigüdi kin büren baba kegengeaga.  
<sup>46</sup> Bangar wangeaga, "Nini amure kinenan? Siradibe sibdibwane. Banaka fururegi nin gam taidar fürügeregenan banai."

*Judas Jisas karaungab kube gam difereaga*

(Matyu 26.47-56 baba gam tugu Mak 14.43-50 baba gam tugu Jon 18.3-11)

<sup>47</sup> Jisas doragadaiwarbere, fere gin ere oguren. Fere Judas gen baba, nu daidaigegi gürena bede fogo aküre babawarüngab güre, nude erekobo abatarüngeaga. Nu Jisas nur dokwebüre, Jisas iroto ogureaga. <sup>48</sup> Bangeagako, Jisasde menüm totoweaga, "Judas, na Fereb Nono nur dokwebüregün, bangar nab utun baba, baba kabia gamde nu karaungab kube gam diferebüregünde, io?"

<sup>49</sup> Daidaigegiwar Jisas keab büren baba, daba taidebüregeaga baba kegeudi, wagen, "Erekokai, na sin keime asau saka kiangeregenan güdigünde?" <sup>50</sup> Bangar nin kodigo gürede, keime asau düdi kobegegi taba ferewarüngab sarua mogoi oreaga, bangar keime asaude baba sarua mogoil kagub kube namayau katafotuwar müsuweaga.  
<sup>51</sup> Bangeagako, Jisasde kegeudi wageaga, "Kabia baba mügar ebgade." Bangüdi fere babab kagub gam cube differerar kabug maig namaweaga.

<sup>52</sup> Bangar Jisasde, kobegegi taba ferewar tugu, Keriabüb fatab maraipapangab agferegiwar tugu, taba ferewar gam tugu, nuge bisigebüre oguren babawar gam dorageaga. Menüm wageaga, "Nini keime asautoi tugu at tugu düdi, fere güre betuka sibe bisigebüre ogurenande, io?" <sup>53</sup> Ye dü itut nin keab Keriabüb fatab gübroime bürünwaib, bangeagako, nini ye gam cube differarge. Bangeagako mügar meme sese gam, baba ninib sese. Mügar gituwiegib sogi erekokaigeaga."

*Pitade wageaga,  
nu Jisas sibamgarge*

(Matyu 26.57-58 baba gam tugu Matyu 26.69-75 baba gam tugu Mak 14.53-54 baba gam tugu Mak 14.66-72 baba gam tugu Jon 18.12-18 baba gam tugu Jon 18.25-27)

<sup>54</sup> Jisas doragafotuwarbere, bisigüdi igaiudi kümünen. Kobegegi taba fereb fata gam igaiudi kümüna iruwen. Bangar Pitade daingüdi kümüneagako, kütüb fanam büreaga. <sup>55</sup> Fere gürekoi fata babab gübroime keb karaudi, gotogen. Bangar Pita tugu ninkeab gotogeaga. <sup>56</sup> Sarua finege gürede, Pita keb gam gotogüdi büreaga baba kegeweaga. Bangar sarua finege babade, nu gam agügüdi wageaga, "Baba fere tugu Jisas keab büreaganwaib." <sup>57</sup> Bangeagako, Pitade kenegüdi wageaga, "Ye nu sibamgürge." <sup>58</sup> Fanam bururudiba, fere gürede nu kegeudi wageaga, "Na tugu na ninib gin gammab fere." Bangeagako, Pitade wageaga, "Kenenai. Ye nub daidaigegi." <sup>59</sup> Fanam bürbürdüdiba, fere gürede sogsgogi menüm wageaga, "Kürüna kaimana, nu Galili distriküb fere dogo. Meme fere tugu, nu keab büreaganwaib." <sup>60</sup> Bangeagako, Pitade wageaga, "Na dora baba gün baba, ye kürüna sibamgürge." Doragarbere pirikanana kuaida maga yogeaga. <sup>61</sup> Bangar Erekokaide, Pita gam agügeaga. Bangar Pita, Erekokaide dorageaga baba dora maig utungeaga. Erekokaide Pita menüm waweaganwaib, "Mügar meme utumnonou, kuaida maga ara yogarbere, na küi bede menüm wageregün, na ye sibamgabge." <sup>62</sup> Bangar Pita obugo füraboudi mereaga.

*Jisas kuipariudi oregin*

(Matyu 26.67-68 baba gam tugu Mak 14.65)

<sup>63</sup> Fere Jisas debetawen baba, makirkir dora dudi oren. <sup>64</sup> Ude saka ege nub gomagataudi menüm totowen, "Mügar, kiari dora dorage. Fere noreaga baba, nu woni?"  
<sup>65</sup> Bangüdi kogi dora gürekoi epüra duwedige.

*Kaunsilwarüngab ege gam, Jisas dora gam diferegin*

(Matyu 26.59-66 baba gam tugu Mak 14.55-64 baba gam tugu Jon 18.19-24)

<sup>66</sup> Sida taidarbere, ferefinaburüngab taba ferewar ogura guruwegin, kabiab sibam ferewar tugu kobegegi taba ferewar tugu nini keab guruwegin. Bangüdi Jisas igaiudi nugengab guruwegi gam oguradi, wagen, <sup>67</sup> "Na wasige, na Keriabüde nugeab ferefinabur maig igaingebüre uruageaga baba ferede, kene?" Bangar wangeaga, "Ye

<sup>22:44</sup> Jo 12.27; Hi 5.7      \* <sup>22:44</sup> Sibam ferewar gürekoi menüm utungen, dora keneb aküre kodigo büreaga baba dora, Luk nugede feiarge, kurie fere gürede feiaga. <sup>22:47</sup> Mt 26.47; Mk 14.43; Jo 18.3      <sup>22:49</sup> Lu 22.36      <sup>22:52</sup> Lu 22.37; Jo 7.30; 8.20      <sup>22:53</sup> Lu 19.47; 21.37; Jo 12.27; Kl 1.13      <sup>22:54</sup> Sng 31.11; Lu 22.33      <sup>22:56</sup> Tu 4.13

<sup>22:61</sup> Lu 22.34      <sup>22:67</sup> Jo 3.12; 8.45; 10.24

wangürba nini kob kainanageregarge. <sup>68</sup> Ye dora gürekoire totongürba, nini yeb dora maig toweregarge. <sup>69</sup> Bangeagako, mügar tugu kuri sese gürenakuti tugu, Fereb Nono nu Keriab sogi ere tugub kube namayau gotogeregeaga."

<sup>70</sup> Bangar fere gürenakutide totowen, "Babaure nagüde, nag Keriabüb nonode, io?" Bangar wangeaga, "Ninagüde ba wagenan. Ye dogo." <sup>71</sup> Bangar wagon, "Fere memeb kabiab dora pitoiegi ferewar yagüngegige. Dora baba, sube nugeabüde doragar sige edfotuwenan."

## 23

*Pailatüb ege gam, Jisas dora gam diferegin*

(Matyu 27.1-2 baba gam tugu Matyu 27.11-14 baba gam tugu Mak 15.1-5 baba gam tugu Jon 18.28-38)

<sup>1</sup> Bana baba eregeamwar gürenakutinana siradüdi Jisas yataudi Pailat gam kümünen. <sup>2</sup> Nini nu dora gam diferebüre dora toaden, bangüdi menüm wagen, "Sin fere meme kegewenan baba, sinib ferefinaburüngab kabia erimoreaga. Sin Romüb erekokayau Sisar gen baba, kegeom duwegen tageibirüsigeaga. Bangüdi menüm wagfaigeaga, nugenana nu baba erekokayau Keriabüde nugeab ferefinabur maig igaininggi uruageaga." <sup>3</sup> Bangar Pailatüde Jisas menüm totoweaga, "Na Judawarüngab erekokayaude, io?" Bangar Jisasde dora menüm toteaga, "Nagüde wagün sibe." <sup>4</sup> Bangar Pailatüde kobegegi taba ferewarie ferefinabur keab menüm wangeaga, "Ye fere meme gam menmen güre kaiurge." <sup>5</sup> Bangeagako, namana sogsogi menüm wagen, "Nu Judia distriküb fib itut gürenakutiyau kümünafaigeaga, Galili distrikyau toadüdi ogura sigeab fib ere Jerusalem maig fiünai kenegafotugafaigeaga, bangüdi ferefinabur sarigabürüngüdi kob ninib siradgabürügar nugengab taba ferewar maraigbüregen."

*Herotüb ege gam, Jisas dora gam diferegin*

<sup>6</sup> Pailat dora baba edüdi menüm totongeaga, "Fere meme, nu Galili distriküb ferede, io?" <sup>7</sup> Pailat nu, Jisas kübüdim Herotüde taugeaga babayau ogureaga baba sibamgüdiba, Jisas sugurwar Herot gam kümüneaga. Baba sese gam Herot tugu Jerusalem büreaga.

<sup>8</sup> Herot Jisas kegeudi, kürüna ebebearweaga. Nure dora edüdi, egimena kegewebüregeaganwaib. Nu Jisasde dora migu güre idawar kegewebüregeaga. <sup>9</sup> Babaure Herotüde, daba daba epürafanamure Jisas totoweaga. Bangeagako, Jisasde nu gam dora gürefanam towarge. <sup>10</sup> Bangar kobegegi taba ferewarie kabiab sibam ferewarkeab, ogura Jisas iroto biboudi, dora gam diferebüre bikuwadaiwen. <sup>11</sup> Bana Herot nugeab maraipapawar keab, Jisas febaudi makirkir dora duen. Ude güre nama fanam düdi dagbürüwen, bangüdi maig Pailat gam sugurwedi kümüneaga. <sup>12</sup> Egime Herot nu Pailatküre karaugafaigeagako, mügar meme sese gam, nugeküre kadferen.

*Pailatüde Jisas au fabgegi gam orberebüre dorageaga*

(Matyu 27.15-26 baba gam tugu Mak 15.6-15 baba gam tugu Jon 18.38—19.16)

<sup>13</sup> Bana Pailatüde kobegegi taba ferewarie taba ferewar tugu ferefinabur tugu yagünigar ogura guruwegin. <sup>14</sup> Bangüdi menüm wangeaga, "Nini fere meme igaiudi ye gam oguradi wagenan, ferefinaburüngab gotogegi erimoreaga. Bangar ninag bütrenan sese gam, baba daba dabaure ye Jisas idada totounwaib. Bana edane. Ye fere meme gam menmen güre kaiurge. Ninag baba daba dabaure nu dora gam differenan baba, ye utungün baba, nu garge. <sup>15</sup> Herot tugu nu ututun babanüm tugu gar, fere meme maig sugurwar sige gam ogureaga. Edenan. Fere meme menmen güre geaga gar, yede waudi, na kumegeregürge. <sup>16-17</sup> Bangüdi yede gudeparudi ebgadür kümüneregeaga."\*

<sup>18</sup> Bana ferefinabur gürenakutinana sogsogi yogüdi menüm wagen, "Fere baba orfotuwar kumar, Barabas uruwar sin gam oguro." <sup>19</sup> Barabas nu fere güre fib ere gam, kübüdim taugegi ferewar gam marai toadeaganwaib. Bangüdi fere güre orfotuwar kakia gam differenwaib. <sup>20</sup> Bana Pailat nini gam maig dorageaga. Nu Jisas ebgadar kümünebüregeaga. <sup>21</sup> Bangeagako, menüm yogen, "Orfoutuwane! Orfoutuwane! Au fabgegi gam orberane!" <sup>22</sup> Bana küi bede wangeaga, "Amure? Nu am menmen geaga? Nu menmen güre geaga gar, yede waudi, na kumegeregürge. Bangüdi yede gudeparudi ebgadür kümünenebeaga." <sup>23</sup> Bangeagako, nini kürüna sogifürüdi, Pailatüde ferefinabur wanügar Jisas au fabgegi gam orberebüregüdi, namana sogsogi yogen. Bangar

22:69 Tu 7.56; Hi 1.3; 8.1    22:70 Lu 4.3; 4.9    23:2 Mt 17.27; Lu 20.25; Jo 19.12; Tu 17.7    23:3 Mt 27.11; 1

Ti 6.13    23:4 1 Pi 2.22    23:7 Lu 3.1    23:8 Mt 14.1; Mk 6.14; Lu 9.9    23:11 Ais 53.3    23:12 Tu 4.27

23:16-17 Mt 27.15; Jo 18.39    \* 23:16-17 Sibam ferewar gürekoi menüm utungen, dora adab dora meme tugu büreaga. Dora baba menüm, "Nini kabia baba tugu. Gürenakuti kümandan kunubeb dü ere baba gam baba, Pailatüde kakia fere güre ninire ebgaberegeaga." Mak 15.6 kegewane.

maga ninibüde Pailatüb dora emegeŕweaga. <sup>24</sup> Bangarbare Pailat ninib dora daiudi, Jisas kumeregeagagudi wageaga. <sup>25</sup> Fere baba kübündim taugegi ferewar gam marai toadüdi fere orfotuwär kumar, Romwarde kakia gam diferenwaib, baba fere Pailatüde ebgadebüregüdi ferefinaburde yogen. Bangar Pailatüde ebgadar kümüneaga. Bangar Pailat ninib ututun daiudi maraipapangab kube gam Jisas düñügeaga.

*Jisas au fabgegi gam orberegın*

(Matyu 27.32-44 baba gam tugu Mak 15.21-32 baba gam tugu Jon 19.17-27)

<sup>26</sup> Maraipapawar Jisas yataudi kümünad kümünadiba, fere güre oguradi fib ere gam taidebüregeaga baba kegewegin. Fere baba Sairini fib ere gammab, yanim nub Saimon. Baba fere sauaiigegin. Bangüdi au fabgegi nub fogob gam kemeiburuwedı, Jisas daiweaga.

<sup>27</sup> Bangar ferefinabur gin erede daiwen, bangar finabur epürade nure mürüdi kororab mun oregin. <sup>28</sup> Bangeagako, Jisasde pируaboudi menüm wangeaga, "Jerusalem finabur, nini yeure meragana. Nini ninagüre tugu ninagüngab mogoi farafaraure tugu meregi baba nama. <sup>29</sup> Edenan. Kuri, sese güre taidan menüm wageregen, 'Eberan finabur tugu kedemai finabur tugu finabur mogoi ara ebe düñügafaigedige tugu baba, nini ebebearwerekeregin.' <sup>30</sup> Baba sese gam girtorub toi menüm wangeregen,

'Gir ere ere nini korotausigane.

Torub fanam fanam nini iwagafürüsigane.'

<sup>31</sup> Mügar au omo gam kabia babanüm gediba, bana au genan gam kabia aranüm geben?"

<sup>32</sup> Maraipapawar fere aküre yatangüdi oguren, fere aküre baba kabia kogi geginwaib. Nugeküre Jisas keab kiangedi kugumgebüregen. <sup>33</sup> Nini kümüna fib güre gam taiden, yanim nub Tabab Dagar. Baba fib gam Jisas au fabgegi gam kuatigaber. Bangüdi fere kogi aküre baba tuguna kuatigaber. Güre au fabgegi Jisasüb kube nama yau büreaga, güre au fabgegi kube danaba yau büreaga. <sup>34</sup> Bangar Jisasde wageaga, "Emüga, na ninib menmen unaige. Baba kabia gegin baba, nini sibamgedige." Bangar maraipapawarde enegi daba daba nub nuge kabataudi debüre, ai magi epürawen.

<sup>35</sup> Ferefinabur biboudi agügüdi bürenko, taba ferewarde Jisas gam menüm makirkir dora gegin, "Nu fere gürewar sagüngeaganwaib. Nu kainana baba fere Keriabüde nugeab sarua gegi tugu nugeab ferefinabur maig igaingegi uruagarba, bana kim nudede nuge saguweregeaga." <sup>36</sup> Maraipapawarde tugu nure makirkir dora gegin. Nini nu iroto ogurad wain mum suga tugu duwebüregen. <sup>37</sup> Bangüdi menüm wagon, "Na kainana Judawarıngab erekokayau garba, bana nagüde na saguwe." <sup>38</sup> Bangüdi dora güre feidüdi, Jisasüb taba kekia au fabgegi gam wartawen. Dora baba menüm, "Fere meme, nu Judawarıngab erekokayau."

<sup>39</sup> Fere kogi aküre Jisas keab kuatigaber baba, gürede Jisas menüm makirkir dora duweaga, "Na fere Keriabüde nugeab ferefinabur maig igaingebüre uruageagade, io? Bana nagüde nag sagübe, sin akure tugu sagsige." <sup>40</sup> Bangeagako, fere güre babade dora baba edüdi fere güre baba menüm nunurweaga, "Na tugu na kub fere meme deaga babanümnana dün, na Keriabure kimigabgede, io?" <sup>41</sup> Sigeküre kiasigedi kumenan baba, nini kabia surur gürena gegin. Sigeküre kub kemeienan meme, kabia kabia sige küre genanwaib baba gürena denan. Bangeagako, fere meme nu menmen güre garge."

<sup>42</sup> Bangüdi wageaga, "Jisas, na erekokayau taidüdiba, na yeure utunge." <sup>43</sup> Bangar Jisasde menüm waweaga, "Ye na gam kainana wagün, mügarnana yeküre fib nama gam büreregün."

*Jisas kumeaga*

(Matyu 27.45-56 baba gam tugu Mak 15.33-41 baba gam tugu Jon 19.28-30)

<sup>44</sup> Mügar sida ege kodigo banüm. Bangar gituwegide kübündim gürenakuti korotawar kümüna sida ege küi ututumira, <sup>45</sup> amure, baba sese gam sida meram kenegeaga. Baba sese gammana baba ude ere Keriabü fatab kurumeb kürüna kedebüb kudumäge gam kuatigüdi büreaga baba, gürenakuti dibüragüdi aküresari taideaga.

<sup>46</sup> Bangar Jisas namana menüm erenana yogeaga, "Emüga, yeb etob nagüb kube gam difürün." Nu banüm doragafotudi, kumeaga.

23:26 Mt 27.32; Mk 15.21    23:29 Mt 24.19; Lu 21.23    23:30 Ais 2.19; Hos 10.8; IDT 6.16    23:31 Jer 25.29;

Ese 20.47; 1 Pi 4.17    23:33 Mt 27.33; Mk 15.22; Jo 19.17-18    23:34 Sng 22.18; Ais 53.12; Mt 5.44; Tu 3.17; 7.60

23:35 Sng 22.7; Mt 27.39; Mk 15.29    23:36 Sng 69.21    23:42 Mt 16.27-28    23:44 Amo 8.9    23:45 Kis

26.31-33; 36.35    23:46 Sng 31.5; Tu 7.59

<sup>47</sup> Maraipapangab taugegi baba daba kegeudi, Keriabüb yanim siradgabereaga. Bangüdi wageaga, "Kürüna kainana, fere meme nu surur fere, nu menmengarge."

<sup>48</sup> Bangar ferefinabur gürenakuti kegewebüre ogura guruwen baba, daba daba tataigeaga baba kegewegin. Bangar kürüna kororabüngar mereb tutug, nugengab fata gagam kümünegin.

<sup>49</sup> Bangar Jisasüb büreabmana gürenakuti tugu, finabur Jisas daiudi Galili distrik ureadi ogurenwaib baba, nini kütüb fanam biboudi, baba daba daba gürenakuti tataigeaga baba kegewegin.

### *Jisas mob kegenam abuk gam diferegin*

(Matyu 27.57-61 baba gam tugu Mak 15.42-47 baba gam tugu Jon 19.38-42)

<sup>50-51</sup> Fere güre büreaga, yanim nub Josep. Nu Judiab fib ere güre Arimatea gen bagüb fere. Nu fere nama surur, nu kaunsilwarüngab güre. Bangeagako, nu kaunsil gürewarüngab ututunure tugu kabiaure tugu namawarge. Nu Keriabüb koroba kegewebüre dagofaigeaga. <sup>52</sup> Baba ferede, kümüna Pailat totowar euwar, Jisas mob debüregeaga, bangar Pailatüde iogeaga. <sup>53</sup> Bana bangar nu Jisas mob kemeidüdi musudi, ude maur saka korotaweaga. Bangüdi ferefib güre egime fere mob ara diferegi kene gam, kemeidi kümüna kegenam abukroime difereaga. Fere fib baba, kegenam abuk güre, ferede idaweginwaib. <sup>54</sup> Dü baba, Dü Kaberegib daba daba dugutuwegib, bangar Dü Kaberegi taidebüre irotogea.

<sup>55</sup> Finabur Galili distrik ebgadüdi Jisas keab ogureginwaib baba, nini Josep daiudi kümüna ferefib baba kegewegin. Baba tugu, Josep aranüm Jisas mob difereaga baba kegewegin. <sup>56</sup> Finabur nini kegeafotudi, bana maig nugengab fata gagam kümüna marasin daba daba tugu wel daba daba kuri nama tugu baba dugutuwegin. Bangüdi kabiade wageaga sibe, Dü Kaberegi gam kaberen.

## 24

### *Jisas maig siradeaga*

(Matyu 28.1-10 baba gam tugu Mak 16.1-8 baba gam tugu Jon 20.1-10)

<sup>1</sup> Kunube\* gam, finabur fitunana ferefib gam kümünen. Nini marasin kuri nama tugu, ekotagafotuwen baba, düdi kümünen. <sup>2</sup> Bangüdi ferede kegenam sakা ferefib sube gütuwatarenwaib baba kegenam kegewen baba, bürarge. Kene. Kikiatawedüdi kümüna kureb gam büreaga. <sup>3</sup> Bangar kümüna iruwen, bangeagako Erekokai Jisas mob kegewedige. <sup>4</sup> Jisas mob arag dag büreaga baba, nini sibamgedige. Bangar ututun toitoaudi büren. Bangar fere aküre ninag irotobibowen baba kegengen. Nuge kürengab enegi baba, kürüna meram asau. <sup>5</sup> Bangar finabur kürüna kimgüdi utugen. Bangeagako fere aküre babade menüm wangen, "Nini amure fere omo büreaga baba, fitaudi fere kumegingab fib gam oguren? <sup>6</sup> Nu meag bürarge, manage siradeaga. Nu Galili distrik büreaga sese gam, dora dünlügeaga baba utungane. <sup>7</sup> Ninag menüm wangeaganwaib, Fereb Nono menmen gügab ferewarüngab kube gam dünlügeregen. Bangar nu au fabgegi gam orbereregen. Bangar nu dü küi gam maig siraderegeaga."

<sup>8</sup> Bangar nini egime Jisasde dorageaga baba utungegin. <sup>9</sup> Bangar ferefib ebgadüdi maig kümünen. Bangüdi daidaigegi 11 tugu ferefinabur gürewar tugu, baba daba daba gürenakutib dora wangen. <sup>10</sup> Baba dora finaburde dora turewegi ferewar dünlügen, baba Maria fib ere Makdalab tugu Joana tugu, Maria, nu Jemsüb ana, tugu finabur gürekoi finabur küi babawar keab bürfaignen tugu. <sup>11</sup> Bangeagako dora turewegi ferewarde, finabur ugu kiou dora doragengüdi birengen. Bangüdi dora ninibure kob kainanagedige. <sup>12</sup>\*Bangeagako Pita siradüdi ferefib gam gururu kümüneaga. Bangüdi tormogüdi agügeaga, bangeagako ude tob gürena kegeweaga. Bangüdi fata gam maigüdi kümüna baba daba taideaga babaure ututun toitoiweaga.\*

*Fere aküre Emeusüb erekobo gam Jisas kegewen  
(Mak 16.12-13)*

<sup>13</sup> Finabur ferefib gam kümünen baba dü gammnana, daidaigegi aküre fib güre Emeus gen baba gam kümünen. Baba fib, Jerusalem kütüba büreaga, kilomita 11 banüm sibe.

<sup>14</sup> Nugeküre kümünad kümünadi, daba daba gürenakuti tataigeaga babaure nugeküre

23:48 Lu 18.13    23:49 Sng 38.11; Lu 8.2-3    23:50-51 Lu 2.25; 2.38    23:55 Lu 23.49    23:56 Kis 20.10; Lo

5.14 \* 24:1 Baba dü Sande.    24:4 Tu 1.10    24:5 Lu 2.9    24:6 Mt 16.21; 17.22-23; 20.18-19; Mk 8.31; 9.31;

10.33-34; Lu 9.22; 18.31-33    24:9 Mk 16.10    24:10 Lu 8.3    24:11 Mk 16.11; Lu 24.25    \* 24:12 Sibam ferewar gürekoi menüm utungen, dora keneb aküre kodigo büreaga baba dora, Luk nugegede feiarge, kurie fere gürede feiaga.

dorafokowen. <sup>15</sup> Nugeküre epüra fanam doragedige, bangüdi baba daba dabaure totogen, bangedibere Jisas nuge kodigo taidüdi nugeküre keab kümünen. <sup>16</sup> Bangeagako, daba gürede nugekürengab ege patawar, nugeküre meme Jisas güdi sibamgedige.

<sup>17</sup> Bangar menüm totongeaga, "Ninaküre am dabaure dorafokouabina kümünenan?" Banüm doragar, nugeküre biboudi kob kürüna koigegi sibe abatargen. <sup>18</sup> Bangar nugeküre gam, fere güre yanım nub Kliopas, nude menüm dora totewaga, "Fere gürekum gürekumüb mügar Jerusalem büren. Na nagnakuana fanam daba daba meme sese gam Jerusalem tataägega baba, na sibamgabgedag?" <sup>19</sup> Banüm dorageaga, bangar Jisasde nugeküre totongeaga, "Am daba?"

Bangar menüm wawen, "Sin Nasaretüb Jisas gam daba daba taideaga babaure doragenan. Nu kiari fere güre, nu Keriabüb ege gam tugu ferefinaurüngab ege gam tugu, fünai tugu dora tugu gugub güfaigeaga. <sup>20</sup> Bangar sigeab kobegegi taba fere simai tugu taba fere simai tugude, kübüdim bera taugegib kube gam diferegin. Bangar kübüdim bera taugegide orfotuwar kumebüre dora idaweaga, bangüdi au fabgegi gam orberen. <sup>21</sup> Omo gam sin menüm kob kainanagenan, Jisas nu baba fere Keriabüde Israel ferefinaur maig igaingegib uruageaga.

"Baba tugu dora güre tugu. Baba daba daba taideaga, bana mügar Jisas orfotuwedi kumeaga baba, dü kui kenegeaga. <sup>22</sup> Bana mügar finabur gürekoi sinib gin gammab, ninide gedi sin kürüna tergenan. Nini fitfitunana ferefib gam kümünen. <sup>23</sup> Bangeagako, Jisas mob kegewedige. Bangar maigüdi oguradi, menüm wagen, 'Sin Keriabüb dora dugurewegi simai kegengenan, bangar wasigen, "Nu omo büreaga." ' <sup>24</sup> Bangar gürekoi sinib gingammab ferefib gam kümünen. Bangüdi daba daba finaburde doragen baba sibenana, bürar kegewen. Bangeagako, Jisas mob nuge kegewedige."

<sup>25</sup> Bangar Jisasde nugeküre menüm wangeaga, "Ninaküre ututun kene, bangar ninakürengab kob pirikanana siradargegar, dora gürenakuti kiari ferewarde gegín baba, kob kainanagarge. <sup>26</sup> Aranüm? Ninaküre sibamgargedag, baba fere Keriabüde sugurwar ogura nugeab ferefinaur maig igaingegib dora idafotuweaga baba, nu darab düdie kuri nu Keriab gam yanım erekokai deregeaga?" <sup>27</sup> Bangüdi nu nugeküre gam dora pitoiaga, Mosesüb dora gamde tugu kiari ferewarüngab dora gamde tugu totogadeaga, bangüdi nugeküre gam Keriabüb budide nugeure dorageaga babab ginim sarigabürungeaga.

<sup>28</sup> Nini kümüna fib nugeküre bürebüregenwaib baba iroto taiden. Bana Jisas nu namana kümünebüregeaga. <sup>29</sup> Bangeagako, nugeküredə tageiburudi wagen, "Na sin keab büre. Sida kanebüregeaga, ere bürüdi gituweregarge." Bangedi fatagoime iruwaboudi nugeküre keab büreaga. <sup>30</sup> Kuri daba nebüregeen. Bangar Jisas nini keab gotogeaga. Bangüdi bret düdi Keriabure sibdibüdi esegeaga, bangüdi pusid, nugeküre dünügeaga. <sup>31</sup> Nu bangar, nugekürengab ege putuweaga, bangar nugeküre nu sibamgen. Bangar demenana kenegabowar, nugeküre maig kegewedige. <sup>32</sup> Bangar nuge nuge menüm doragen, "Kürüna kainana, sigeküre erekobo gam ogurenan sese, nu sigeküre dora sabsigeaga, bangüdi nu Keriabüb budib ututunüb ginim sigeküre gam pitoiaga, sigekürengab kob kürüna siradeaga."

<sup>33</sup> Nugeküre banüm doragüdi, pirikana siradüdi maig Jerusalem maigen. Bangüdi nugeküre 11 daidaigegi simai tugu, nugengab epeianügmana gürekoi tugu, gurudi büren baba, kegengen. <sup>34</sup> Bangar nugeküre menüm wangen, "Kürüna kainana, Erekokai maig siradeaga! Saimon nu kegeafotuweaga!" <sup>35</sup> Bangar nugeküre daba daba gürenakuti erekobo gam tataägega babaure, nini gam dora mangüdi wagen, bret pusuweaga baba sese gam, sinaküre nu sibamgenan.

### Daidaigegi simai Jisas kegewen

(Maty 28.16-20 baba gam tugu Mak 16.14-18 baba gam tugu Jon 20.19-23)

<sup>36</sup> Daidaigegi simai doragabüredibere, Jisas nuge nin kodigo biboweaga. \* Bangüdi menüm wangeaga, "Kob ninib kim dab fanam büreregeaga." \* <sup>37</sup> Bangeagako, nini tergüdi kimigen. Ninide utun gen baba, nini kianim güre kegewenangen. <sup>38</sup> Bangar menüm wangeaga, "Nini amure tergenan? Nini amure ututun toitoiwenan?" <sup>39</sup> Yeb kube tugu kebe tugu kegewane. Ige me bürüün. Yeb mube debetaubenar, kegeiane.

**24:15** Mt 18.20; Lu 24.36    **24:16** Jo 20.14; 21.4    **24:18** Jo 19.25    **24:19** Mt 21.11; Jo 6.14; Tu 2.22    **24:20**

Lu 23.1; Tu 13.27-28    **24:21** Lu 1.68; 2.38; 19.11; Tu 1.6    **24:22** Mt 28.8; Mk 16.10; Lu 24.1-11; Jo 20.18    **24:24**

Jo 20.3-10    **24:26** Lu 9.22; 24.44; Tu 17.3; 1 Pi 1.11    **24:27** Stt 3.15; Nam 21.9; Lo 18.15; Sng 22.1-21; Ais 7.14; 53.7;

Dan 9.24; Mal 3.1    **24:30** Mt 14.19; Lu 22.19    **24:34** 1 Ko 15.4-5    **24:36** 1 Ko 15.5    **24:36** Sibam ferewar gürekoi menüm utungen, dora keneb aküre kodigo büreaga baba dora, Luk nugede feiarge, kurie fere gürede feiaga.

**24:37** Mt 14.26

Dubim tugu dagar tugu ige gam bürar kegewenan sibe, kianim simai nini dubim dagar kene.”<sup>40</sup> \*Banüm doragafotudi, nugeab kube kebe tugu abatarüngeaga.\*<sup>41</sup> Nini kürüna ebebäarwenko, kob kainanagedige. Bangüdi ututun toitoiwen. Bangar menüm wangeaga, “Nini daba gürekoi meag büreagade?”<sup>42</sup> Bangar wade saga makita baba duen.<sup>43</sup> Bangar düdi nar kegewen.

<sup>44</sup> Bangüdi menüm wangeaga, “Ye ninag keab bürün sese gam, ye menüm wangafuntwaiib, daba daba gürenakuti yeure Mosesüb Kabilia gamde tugu, kiari ferewarüngab budi gamde tugu munub budi gamde tugu feiegin, baba daba daba gürenakuti kürüna tataigeregeaga.”<sup>45</sup> Bangar nugede sagüngar dora gürenakuti Keriabüb budi gam büreaga baba, ginim idada sibamgeregen.<sup>46</sup> Bangüdi menüm wangeaga, “Keriabüb budi gam dora menüm tugu, fere Keriabüde nugeab ferefinabur maig igaingegib uruageaga baba, nu darab düdi kumeregeaga, bangüdi düküi gam, ferefib gamde maig siraderegeaga.”<sup>47</sup> Bangar nub yanim gamde ferefinabur gürenakuti gam dora pitoieregen, bangar nini kob piroweregen, bangar Keriabüde ninib menmen toi unaigeregeaga. Nini baba funai Jerusalemde toadane,<sup>48</sup> bangüdi nini meme daba daba tataigeregeaga babaure dora pitoiane.<sup>49</sup> Edenan. Egime Emügade Etob Kedeb dünügebüre dora idafotuweaganwaib baba, ere bürüdi sugurur ogureregarge. Nini meme fib ere gam bürübenar, Keriabüb sogi baba dibenarie.”

*Keriabüde Jisas maig igaiudi fib nama gam komeaga  
(Mak 16.19-20 baba gam tugu Turewegi 1.9-12)*

<sup>50</sup> Bana Jisasde daidaigegi simai yatangüdi Betani fib gam kümüneaga. Bangüdi Keria totowar kob nama dünügebüregüdi kube kekiagabereaga.<sup>51</sup> Unun düngüdi düngüdi, uriangeaga. Bangar Keriabüde igaiudi fib nama gam komeaga.<sup>52</sup> \*Bangar nini oksosob orudi kunube iruwabürüwen.\* Bangüdi kürüna ebebäarudi maig Jerusalem kümünen.<sup>53</sup> Bangüdi nini Keriabüb fatab gübroime bata bürüdi, Keriabüb yanim siradgabürüga büren.

---

\* **24:40** Sibam ferewar gürekoi menüm utungen, dora keneb aküre kodigo büreaga baba dora, Luk nugede feiarge, kurie fere gürede feiaga.   **24:41** Jo 21.5   **24:44** Mt 16.21; 20.18; Mk 8.31; Lu 9.22   **24:45** Lu 24.27; Tu 16.14   **24:46** Sng 22; Ais 50.6; 52.14—53.12; Hos 6.2; Lu 24.26; Tu 17.3   **24:47** Ais 49.6; 49.22; Jer 31.34; Mai 4.2; Mal 1.11; Mt 28.19; 1 Ti 3.16   **24:48** Jo 15.27; Tu 1.8; 1.22; 2.32   **24:49** Ais 44.3; Jol 2.28; Jo 14.16; 14.26; 15.26; 16.7; Tu 1.4   **24:51** Jo 20.17; Ef 4.8   **24:52** Jo 14.28; 16.22   \* **24:52** Sibam ferewar gürekoi menüm utungen, dora keneb aküre kodigo büreaga baba dora, Luk nugede feiarge, kurie fere gürede feiaga.   **24:53** Tu 2.46; 5.42